

আল্লাহর ইচ্ছা  
অনুমতি  
মনে মোহর মেরে দেওয়া  
কথাগুলোর প্রচলিত ও প্রকৃত ব্যাখ্যা  
গবেষণা সিরিজ-২৪



প্রফেসর ডা. মো. মতিয়ার রহমান  
FRCS (Glasgow)  
চেয়ারম্যান  
কুরআন রিসার্চ ফাউন্ডেশন  
বিভাগীয় প্রধান (অব.), সার্জারি বিভাগ  
ঢাকা ন্যাশনাল মেডিকেল কলেজ ও হাসপাতাল  
ঢাকা, বাংলাদেশ।

প্রকাশক

কুরআন রিসার্চ ফাউন্ডেশন

ইনসাফ বারাকাহ কিডনী এন্ড জেনারেল হাসপাতাল (৮ম তলা)

১১, শহীদ তাজউদ্দীন আহমদ সরণি

মগবাজার, রমনা, ঢাকা।

ফোন : ০২-৪১০৩১০১৩

E-mail : official@qrfbd.org

www.qrfbd.org

For Online Order : www.shop.qrfbd.org

ডোনেশনের জন্য : www.solab.qrfbd.org, www.zakat.qrfbd.org

যোগাযোগ

এডমিন : ০১৯৪৪৪১১৫৬০, ০১৭৫৫৩০৯৯০৭

দাওয়াহ : ০১৬১০১৯৪৬৯৮, ০১৯৪৪৪১১৫৫১

প্রকাশনা : ০১৯৭৭৩০১৫১০

তথ্য-প্রযুক্তি : ০১৪০৭০৬৩৪৩৪

বিক্রয় : ০১৯৭৭৩০১৫১১, ০১৯৪৪৪১১৫৫৮

কালচার এন্ড মিডিয়া : ০১৪০৭০৬৫৭৯৪

ISBN Number : 978-984-35-1297-0

প্রকাশকাল

প্রথম প্রকাশ : আগস্ট ২০০৭

সপ্তম সংস্করণ : নভেম্বর ২০২৫

নির্ধারিত মূল্য : ৪০ টাকা

মুদ্রণ ও বাঁধাই

তাজুল গ্রাফিক্স এন্ড প্রিন্টিং

১৮৩, ফকিরাপুল, মতিঝিল, ঢাকা

মোবাইল : ০১৯৭৬১৩৯৮৬৯, ০১৭১৬১৩৯৮৬৯

ইমেইল : tajulprint12@gmail.com

## সূচিপত্র

ক্রম	বিষয়	পৃষ্ঠা
১	সারসংক্ষেপ	৫
২	চিকিৎসক হয়েও এ বিষয়ে কলম ধরার কারণ	৬
৩	পুস্তিকার তথ্যের উৎসসমূহ	১০
৪	মূল বিষয়	২৩
৫	‘আল্লাহর ইচ্ছায় সবকিছু হয়’ তথ্যটির প্রচলিত ও প্রকৃত ব্যাখ্যা	২৪
	৫.১. ‘আল্লাহর ইচ্ছায় সবকিছু হয়’ তথ্যটির প্রকৃত ব্যাখ্যা হারিয়ে যাওয়ায় মানবসভ্যতার যে ক্ষতি হয়েছে	
	৫.২. প্রচলিত এ ধারণা ও বিশ্বাস মানবসমাজে চালু হওয়ার সময়কাল	২৬
	৫.৩. ‘আল্লাহর তাৎক্ষণিক ইচ্ছায় সবকিছু হয়’ কথা উৎপত্তিস্থল	২৭
	৫.৪. ‘আল্লাহর তাৎক্ষণিক ইচ্ছায় সবকিছু সংঘটিত হয়’ কথাটির গ্রহণযোগ্যতা পর্যালোচনা	৩৩
	৫.৫. ইচ্ছা সম্পর্কিত আপাত বিরোধী আয়াত ও হাদীস নিয়ে সমস্যা	৩৯
	৫.৬. ইচ্ছা সম্পর্কিত আপাত বিরোধী আয়াত ও হাদীসের সমস্যার সমাধান	৪০
	৫.৭. আল্লাহর ইচ্ছার অর্থ আল্লাহর অতাৎক্ষণিক ইচ্ছা তথা আল্লাহর তৈরি প্রোত্রাম ধরলে আগে উল্লিখিতসহ আরও কিছু আয়াত ও হাদীসের যে অর্থ ও ব্যাখ্যা দাঁড়ায়	৪২
	৫.৮. যে সব কারণে কুরআন ও হাদীসের ‘আল্লাহর ইচ্ছা’ কথাটির অর্থ আল্লাহর অতাৎক্ষণিক ইচ্ছা তথা আল্লাহর তৈরি করে রাখা প্রোত্রাম ধরা গ্রহণযোগ্য হবে	৪৯

	'আল্লাহর অনুমতি' কথাটি ধারণকারী আয়াত ও হাদীসের প্রচলিত ও প্রকৃত ব্যাখ্যা	৫০
	৬.১. 'আল্লাহর তাৎক্ষণিক অনুমতিতে সবকিছু হয়' কথাটির উৎপত্তিস্থল	
	৬.২. 'আল্লাহর অনুমতি' কথাটি ধারণকারী আয়াত ও হাদীসের প্রচলিত ব্যাখ্যার গ্রহণযোগ্যতা পর্যালোচনা	৫৩
৬	৬.৩. 'আল্লাহর অনুমতি' কথাটি ধারণকারী আয়াত ও হাদীসের সঠিক ব্যাখ্যা	
	৬.৪. 'আল্লাহর অনুমতি' কথাটির অর্থ আল্লাহর অতাৎক্ষণিক তথা আল্লাহর তৈরি করা প্রোগ্রাম ধরলে আগে উল্লিখিত কুরআনের আয়াত ও হাদীসের যে ব্যাখ্যা দাঁড়ায়	৫৪
	৬.৫. 'আল্লাহর অনুমতি' কথাটি ধারণকারী আয়াত ও হাদীসের সঠিক ব্যাখ্যাটি যে সব কারণে গ্রহণযোগ্য হবে	৫৭
	'মন ও কানে মোহর এবং চোখে পর্দা দিয়ে দেওয়া' বক্তব্য সংবলিত আয়াতের প্রচলিত ও প্রকৃত ব্যাখ্যা	৫৮
	৭.১. 'মন ও কানে মোহর এবং চোখে পর্দা দিয়ে দেওয়া' আয়াত ও তার প্রচলিত ব্যাখ্যা	
৭	৭.২. আয়াতসমূহের প্রচলিত ব্যাখ্যার গ্রহণযোগ্যতা পর্যালোচনা	৬০
	৭.৩. আয়াতসমূহের প্রকৃত ব্যাখ্যা জানতে হলে যে বিষয়গুলো আগে বুঝতে হবে	৬১
	৭.৪. 'মন ও কানে মোহর এবং চোখে পর্দা দিয়ে দেওয়া' তথ্য ধারণকারী আয়াতসমূহের প্রকৃত ব্যাখ্যা	৬৬
৮	আল্লাহর অতাৎক্ষণিক ইচ্ছা, অনুমতি বা আদেশ তথা আল্লাহর তৈরি প্রোগ্রাম জানার উপায়	৬৮
৯	কুরআন ও সুন্নায যে সব বিষয়ের প্রোগ্রাম উল্লিখিত আছে তার কয়েকটি	৭৩
১০	আল্লাহর ইচ্ছা, অনুমতি, মনে মোহর মেরে দেওয়া ধরনের কথার প্রকৃত ব্যাখ্যা এতদিন উদ্ঘাটিত না হওয়ার মূল কারণ	৭৪
১১	কুরআন জানা, বোঝা বা ব্যাখ্যার কুরআন রিসার্চ ফাউন্ডেশন উদ্ভাবিত (Discovered) মূলনীতি	৮০
১২	শেষ কথা	৮২

## সারসংক্ষেপ

আল্লাহর ইচ্ছা, অনুমতি, মনে মোহর মেরে দেওয়া কথাগুলো কুরআন ও হাদীসে বিভিন্নভাবে অসংখ্যবার এসেছে। কথাগুলোর চালু হওয়া অসতর্ক ব্যাখ্যা হলো— মহাবিশ্বের সব ঘটনা-দুর্ঘটনা সংঘটিত হয় আল্লাহর (সৃষ্টিকর্তার) তাৎক্ষণিক ইচ্ছা, অনুমতি বা তাৎক্ষণিকভাবে ব্যক্তির মনে মোহর মেরে দেওয়ার কারণে। কথাগুলোর অসতর্ক ব্যাখ্যা মুসলিম ও অমুসলিম সমাজের প্রায় সকলেই জানে ও বিশ্বাস করে। আল্লাহর ইচ্ছা কথাটির অসতর্ক ব্যাখ্যার আলোকে রচিত আমাদের দেশের জনপ্রিয় গানের একটি কলি হলো ‘যেমনি নাচাও তেমনি নাচি পুতুলের কী দোষ’। এখান থেকে বোঝা যায়, অসতর্ক এ ব্যাখ্যাটির খারাপ দিকের একটি হলো— দুষ্ট লোকদের খারাপ কাজ করার যুক্তি হাতে তুলে দেওয়া। অথচ কুরআন ও সুন্নাহ বিভিন্নভাবে জানিয়েছে ইসলাম মানুষকে সৎ বানাতে চায়। অন্যদিকে বলা হয়, ‘কিছুর থেকে কিছু হয় না আল্লাহর ইচ্ছায় সবকিছু হয়’। কিন্তু বাস্তবে দেখা যায় কার্য সম্পাদনে মানুষের ইচ্ছা ও কর্মপ্রচেষ্টার বিরাট ভূমিকা আছে এবং কুরআন-সুন্নাহর অনেক বক্তব্যের মাধ্যমেও কথাটির সত্যতার প্রমাণ পাওয়া যায়। তাই আল্লাহর ইচ্ছা, অনুমতি, মনে মোহর মেরে দেওয়া কথাগুলোর প্রকৃত ব্যাখ্যা উন্মোচিত করা মুসলিম জাতি ও বিশ্বমানবতার জন্য বিশেষ গুরুত্বপূর্ণ একটি বিষয়।

পুস্তিকাটিতে আল্লাহর ইচ্ছা, অনুমতি, মনে মোহর মেরে দেওয়া কথাগুলোর প্রকৃত ব্যাখ্যা কী হবে তা কুরআন, হাদীস ও Common sense-এর তথ্যের ভিত্তিতে পর্যালোচনা করা হয়েছে। এ পর্যালোচনায় চূড়ান্তভাবে বের হয়ে আসা তথ্য হলো— মানুষের বিভিন্ন কর্ম সম্পাদনের ক্ষেত্রে আল্লাহর ইচ্ছা, অনুমতি, মোহর মেরে দেওয়া কথাগুলো দুই ধরনের। তাৎক্ষণিক ও অতাত্তক্ষণিক। তাৎক্ষণিক ইচ্ছা, অনুমতি, মোহর মেরে দেওয়া সংঘটিত হয় কার্য সম্পাদনের সময়। আর অতাত্তক্ষণিক ইচ্ছা, অনুমতি, মোহর মেরে দেওয়া সংঘটিত হয় ব্যক্তির কর্ম সম্পাদনের আগে তৈরি করে রাখা প্রোগ্রামের (বিধি-বিধান, নিয়ম-কানুন বা প্রাকৃতিক আইন) মাধ্যমে। কুরআনের প্রায় সব স্থানে ইচ্ছা, অনুমতি, মোহর মেরে দেওয়া কথাগুলো দিয়ে আল্লাহর অতাত্তক্ষণিক ইচ্ছা, অনুমতি, মোহর মেরে দেওয়া তথা আল্লাহর তৈরি প্রোগ্রামের মাধ্যমে ইচ্ছা, অনুমতি, মোহর মেরে দেওয়াকে বুঝানো হয়েছে। আর প্রায় সব কার্য সম্পাদন হয় মানুষের তাৎক্ষণিক ইচ্ছা ও কর্মপ্রচেষ্টা এবং আল্লাহর অতাত্তক্ষণিক ইচ্ছা, অনুমতি, মোহর মেরে দেওয়ার সমন্বয়ে।

## চিকিৎসক হয়েও এ বিষয়ে কলম ধরার কারণ

আসসালামু আলাইকুম ওয়া রহমাতুল্লাহ।

**শুদ্ধেয় পাঠকবৃন্দ!**

আমি একজন চিকিৎসক (বিশেষজ্ঞ সার্জন)। আপনাদের মনে প্রশ্ন জাগা স্বাভাবিক যে, চিকিৎসাবিজ্ঞানের বিষয় বাদ দিয়ে একজন চিকিৎসক কেন এ বিষয়ে কলম ধরলো? তাই এ বিষয়ে কেন কলম ধরেছি, সেটা প্রথমে আপনাদের জানানো দরকার বলে মনে করছি।

ছোটবেলা থেকেই ইসলামের প্রতি আমার গভীর আগ্রহ ছিল। তাই দেশ-বিদেশে যেখানেই গিয়েছি ইসলাম সম্পর্কে সে দেশের মুসলিম ও অমুসলিমদের ধারণা গভীরভাবে উপলব্ধি করার চেষ্টা করেছি। ইংল্যান্ড থেকে ফিরে এসে আমার মনে হলো জীবিকা অর্জনের জন্য বড়ো বড়ো বই পড়ে MBBS ও FRCS ডিগ্রি নিয়েছি। এখন যদি কুরআন মাজীদ অর্থসহ বুঝে না পড়ে আল্লাহর কাছে চলে যাই, আর আল্লাহ যদি জিজ্ঞাসা করেন ইংরেজি ভাষায় রচিত বড়ো বড়ো বই পড়ে স্বনামধন্য চিকিৎসক হয়েছিলে কিন্তু তোমার জীবন পরিচালনার পদ্ধতি জানিয়ে আরবীতে আমি যে কিতাবটি (কুরআন মাজীদ) পাঠিয়েছিলাম সেটি কি অর্থসহ বুঝে পড়েছিলে? তখন এ প্রশ্নের আমি কী জবাব দেবো?

এ উপলব্ধি আসার পর আমি কুরআন মাজীদ অর্থ ও ব্যাখ্যাসহ বুঝে পড়তে শুরু করি। শিক্ষাজীবনের শুরুতে মাদ্রাসায় পড়ার কারণে আগে থেকে আরবী পড়তে ও লিখতে পারতাম। এরপর ইরাকে ৪ বছর রোগী ও সাধারণ মানুষের সাথে কথা বলতে বলতে আরবী বলা ও বোঝার সমস্যাটা অনেকাংশে দূর হয়ে যায়।

কুরআন মাজীদ পড়তে গিয়ে দেখি ইরাকে যেসব সাধারণ আরবী বলতাম তার অনেক শব্দই কুরআনে আছে এবং আমি তা বুঝতে পারি। তাই কুরআন মাজীদ পড়ে বেশ মজা পেয়ে যাই। পেশা নিয়ে সারাক্ষণ আমাকে ব্যস্ত

থাকতে হতো। কিন্তু এর মধ্যেও সময় করে দিনে এক বা একাধিক আয়াত বা যতটুকু পারা যায় বিস্তারিত তাফসীরসহ কুরআন মাজীদ পড়তে থাকি। সার্জারি বই যেমন গভীরভাবে বুঝে পড়েছি, কুরআনের প্রতিটি আয়াতও সেভাবে বুঝে পড়ার চেষ্টা করেছি। ব্যাখ্যার জন্য কয়েকটি তাফসীর পড়েছি। এভাবে সম্পূর্ণ কুরআন মাজীদ শেষ করতে আমার প্রায় ৩ বছর সময় লাগে।

সম্পূর্ণ কুরআন মাজীদ পড়ে তথা ইসলামের সকল মৌলিক ও একটি অমৌলিক (তাহাজ্জুদ সালাত) বিষয় প্রত্যক্ষভাবে জানার পর আমি ভীষণ অবাক হয়ে গেলাম এজন্য যে, ইসলাম সম্পর্কে কুরআনের বক্তব্য আর বর্তমান মুসলিমদের ধারণার মধ্যে ব্যাপক পার্থক্য বিদ্যমান (ইসলামের অন্য অমৌলিক বিষয়ের কথা রসুল স.-কে অনুসরণ করতে বলার মাধ্যমে পরোক্ষভাবে কুরআনে উল্লেখ করা হয়েছে)। এ ব্যাপক পার্থক্যই আমার মধ্যে এ ব্যাপারে কলম ধরার দায়িত্ববোধ জাগিয়ে তোলে। সর্বোপরি, কুরআনের নিম্নোক্ত আয়াত আমাকে কলম ধরতে বাধ্য করল—

إِنَّ الَّذِينَ يَكْتُمُونَ مَا أَنْزَلَ اللَّهُ مِنَ الْكِتَابِ وَيَشْتَرُونَ بِهِ شِمْتًا قَلِيلًا أَوْ لَبَسًا  
مَّا يَأْكُلُونَ فِي بُطُونِهِمْ إِلَّا النَّارَ وَلَا يُكَلِّمُهُمُ اللَّهُ يَوْمَ الْقِيَمَةِ وَلَا يُزَكِّيهِمْ  
وَلَهُمْ عَذَابٌ أَلِيمٌ .

নিশ্চয় আল্লাহ কিতাবে যা নাযিল করেছেন, যারা তা গোপন করে এবং বিনিময়ে সামান্য কিছু ক্রয় করে (লাভ করে) তারা তাদের পেট আগুন ভিন্ন অন্য কিছু দিয়ে ভরে না, আল্লাহ কিয়ামতের দিন তাদের সঙ্গে কথা বলবেন না এবং তাদের পবিত্রও করবেন না (তাদের ছোটোখাটো গুনাহও মাফ করবেন না), আর তাদের জন্য রয়েছে কঠিন শাস্তি।

(সুরা আল বাকারা/২ : ১৭৪)

ব্যাখ্যা : কোনো জিনিসের বিনিময়ে কিছু ক্রয় করার অর্থ হলো ঐ জিনিসের বিনিময়ে কিছু পাওয়া। ক্ষতি এড়ানোর অর্থও কিছু পাওয়া। ছোটো ক্ষতি এড়ানোর অর্থ অল্প কিছু পাওয়া। আর বড়ো ক্ষতি এড়ানোর অর্থ বড়ো কিছু পাওয়া। আবার ক্ষতি এড়ানো একটি ওজর (বাধ্যবাধকতা)। তাই আল্লাহ এখানে বলেছেন— তিনি কুরআনে যেসব বিধান নাযিল করেছেন, ছোটো ক্ষতি (ওজর) এড়ানোর জন্য যারা জানা সত্ত্বেও সেগুলো প্রচার করে না বা মানুষকে জানায় না, তারা যেন তাদের পেট আগুন দিয়ে পূর্ণ করল। কিয়ামতের দিন আল্লাহ তাদের সঙ্গে কথা বলবেন না। ঐ দিন এটি তাদের জন্য সাংঘাতিক দুর্ভাগ্যের ব্যাপার হবে। আর তাদেরকে পবিত্র করা হবে না। অর্থাৎ তাদের ছোটোখাটো গুনাহও মাফ করা হবে না। কিয়ামতের দিন আল্লাহ মানুষের

ছোটোখাটো গুনাহ মাফ করে দেবেন। কিন্তু যারা কুরআনের আদেশ, নিষেধ ও তথ্য জানা সত্ত্বেও তা গোপন করবে তাদেরকে আল্লাহ ক্ষমা করবেন না। তাদের জন্য রয়েছে কঠিন শাস্তি।

তাই কুরআনের আদেশ, নিষেধ ও তথ্য জেনে তা মানুষকে না জানানোর জন্য কিয়ামতে যে কঠিন অবস্থা হবে তা থেকে বাঁচার জন্য আমি একজন চিকিৎসক হয়েও লেখার জন্য কলম ধরেছি।

লেখার সিদ্ধান্ত নেওয়ার পর কুরআনের বক্তব্যগুলোকে কীভাবে উপস্থাপন করা যায়, এটা নিয়ে দ্বিধা-দ্বন্দ্ব পড়ে গেলাম। এমতাবস্থায় এ আয়াতটি আমার মনে পড়লো—

كُتِبَ عَلَيْكُمُ أَنْ تُقْرَأُوا كِتَابَ اللَّهِ تِلْكَ آيَاتُ اللَّهِ يُخَوِّدُ الْكَافِرِينَ

এটি একটি কিতাব যা তোমার প্রতি অবতীর্ণ করা হলো, সুতরাং এর মাধ্যমে সতর্কীকরণের ব্যাপারে তোমার মনে যেন কোনো সংকোচ (দ্বিধা-দ্বন্দ্ব, ভয়-ভীতি ইত্যাদি) না থাকে এবং মুমিনদের জন্য এটা উপদেশ।

(সূরা আল আ'রাফ/৭ : ২)

ব্যাখ্যা : কুরআনের বক্তব্য দিয়ে মানুষকে সতর্ক করতে গিয়ে সাধারণ মানুষের মনে দুটি অবস্থার সৃষ্টি হতে পারে—

১. সঠিক অর্থ বা ব্যাখ্যা না বোঝার কারণে কুরআনের বক্তব্যের যথার্থতার ব্যাপারে মনে সন্দেহ বা দ্বিধা দেখা দিতে পারে। এ অবস্থা অপেক্ষাকৃত কম।
২. বক্তব্য বিষয়টি যদি সমাজের প্রচলিত ধারণার সঙ্গে সামঞ্জস্যপূর্ণ না হয় বা বিপরীত হয়, তবে প্রতিরোধ বা বিরোধিতার সম্মুখীন হওয়া অথবা বেতন-ভাতা, দান-খয়রাত বা নজর-নিয়াজ বন্ধ হয়ে যাওয়ার ভয় হতে পারে। বর্তমান সমাজে এ অবস্থাটি খুবই বিরাজমান।

এ দুই অবস্থা, বিশেষ করে দ্বিতীয়টিকে এড়ানোর (Overcome) জন্য সাধারণ প্রবণতা হচ্ছে কুরআনের যে বক্তব্যগুলো সমাজের প্রচলিত ধারণার বিপরীত, সেগুলোকে লুকিয়ে ফেলা বা না বলা অথবা তার বক্তব্যকে এমনভাবে ঘুরিয়ে বলা যাতে বিরোধিতা কম আসে বা সবার জন্য তা গ্রহণযোগ্য হয়। এটি বর্তমান বিশ্বের মুসলিমদের দুরবস্থার একটি প্রধান কারণ। কুরআন দিয়ে মানুষকে সতর্ক করার ব্যাপারে এই ভীষণ ক্ষতিকর কর্মপদ্ধতি দুটি সম্মুখে উৎপাতন করার জন্য আল্লাহ এই আয়াতে রসূল স.-এর মাধ্যমে মুসলিমদের বলেছেন— মানুষকে সতর্ক করার সময় দ্বিধা-দ্বন্দ্ব, ভয়-ভীতি ইত্যাদির মধ্যে পড়ে তোমরা কখনোই কুরআনের বক্তব্যকে লুকিয়ে ফেলবে না বা বলা বন্ধ করবে না অথবা ঘুরিয়ে বলবে না।

আল কুরআনের সুরা আন-নিসার ৮০ নং ও আল গাশিয়ার ২১ থেকে ২৩ নং আয়াতের আলোকে বলা যায়— ‘পৃথিবীর সকল মানুষ কখনোই কোনো একটি বিষয়ে একমত হবে না। তাই কুরআনের বক্তব্য না লুকিয়ে বা না ঘুরিয়ে মানুষের কাছে উপস্থাপন করতে হবে। যারা তা গ্রহণ করবে না, তাদের তা গ্রহণ করতে বাধ্য করার জন্য পুলিশের ভূমিকা পালন করা কারও দায়িত্ব নয়।’ কুরআনের এসব বক্তব্য জানার পর আমি সিদ্ধান্ত নেই আমার কথা বা লেখায় কুরআনের বক্তব্য না লুকিয়ে বা না ঘুরিয়ে সরাসরি উপস্থাপন করব।

আল কুরআন পড়া শেষ করেই আমি লিখতে চেয়েছিলাম। কিন্তু হাদীস না পড়ে কলম ধরতে মন চাইলো না। তাই আবার হাদীস পড়তে শুরু করি। বিশেষ করে মিশকাত শরীফ (কুতুবে সিভার অধিকাংশ হাদীসসহ আরও অনেক হাদীস ধারণকারী গ্রন্থ) বিস্তারিত পড়ার পর ইসলামের বিভিন্ন বিষয়ের ওপর আমি লেখা শুরু করি ১০.০৪.১৯৯৬ তারিখে।

এই পুস্তিকা বাস্তবে রূপ দান করার ব্যাপারে অনেকেই, বিশেষ করে কুরআন রিসার্চ ফাউন্ডেশনের কর্মকর্তা ও কর্মচারীবৃন্দ নানাভাবে আমাকে সহযোগিতা করেছেন। আল্লাহর কাছে কায়মনোবাক্যে দুয়া করি তিনি যেন এ কাজকে তাদের নাজাতের অছিলা বানিয়ে দেন।

নবী-রসূল আ. ছাড়া পৃথিবীতে আর কেউ ভুল-ভ্রান্তির উর্ধে নয়। তাই আমারও ভুল হতে পারে। শ্রদ্ধেয় পাঠকবৃন্দের কাছে অনুরোধ— আমার লেখায় যদি কোনো ভুল-ত্রুটি ধরা পড়ে, আমাকে জানালে কৃতজ্ঞ থাকবো এবং পরবর্তী সংস্করণে তা সংশোধন করা হবে ইনশাআল্লাহ।

আল্লাহ যেন আমার এ সামান্য খেদমতকে কবুল করেন এবং এটিকে পরকালে নাজাতের অছিলা বানিয়ে দেন— এ প্রার্থনা করে এবং আপনাদের দুয়া চেয়ে শেষ করছি। আল্লাহ হাফেজ!

ম. রহমান

## পুস্তিকার তথ্যের উৎসসমূহ

জ্ঞানের আল্লাহ প্রদত্ত উৎসসমূহ হলো- কুরআন, সুন্নাহ (সনদ ও মতন সহীহ হাদীস) এবং আকল, Common sense বা বিবেক। তবে উৎস তিনটির মধ্যে ব্যাপক পার্থক্য বিদ্যমান। আর সে পার্থক্য হলো-

### ক. তাত্ত্বিক (Theoretical) পার্থক্য

- কুরআন : আল্লাহ প্রদত্ত মূল প্রমাণিত জ্ঞান।
- সুন্নাহ : আল্লাহ প্রদত্ত প্রমাণিত জ্ঞান। তবে মূল জ্ঞান নয়। এটি কুরআনের ব্যাখ্যা।
- আকল, Common sense বা বিবেক : জন্মগতভাবে আল্লাহ প্রদত্ত সাধারণ বা অপ্রমাণিত জ্ঞান।

### খ. ব্যবহারিক (Applied) পার্থক্য

#### ১. মালিক ও দারোয়ান দৃষ্টিকোণ

- কুরআন (আল্লাহ তা'য়ালা) : মালিক ও মূল ব্যাখ্যাকারী।
- সুন্নাহ (রসুল স.) : মালিকের নিয়োগকৃত কুরআনের ব্যাখ্যাকারী।
- আকল/Common sense/বিবেক : মালিকের নিয়োগকৃত ইসলামের ঘরের দারোয়ান।

#### ২. মানদণ্ড ও বুনিয়াদ/ভিত্তি দৃষ্টিকোণ

- কুরআন : মানদণ্ড জ্ঞান।
- সুন্নাহ : কুরআনের অনুপস্থিতিতে মানদণ্ড জ্ঞান।
- আকল/Common sense/বিবেক : বুনিয়াদ বা ভিত্তি জ্ঞান।

বিষয়টি নিয়ে বিস্তারিত আলোচনা আছে কুরআন রিসার্চ ফাউন্ডেশন প্রকাশিত 'জ্ঞানের আল্লাহ প্রদত্ত উৎসসমূহ প্রচলিত ধারণা ও প্রকৃত তথ্য (গবেষণা সিরিজ-৪২)' নামক বইটিতে। আলোচ্য পুস্তিকাটি রচনায় এ তিনটি উৎস থেকে তথ্য নেওয়া হয়েছে।

নির্ভুল জ্ঞানার্জনের জন্য আল্লাহ প্রদত্ত প্রতিটি উৎসের যথাযথ ব্যবহার অপরিহার্য। আবার যথাযথ ব্যবহারের জন্য সবগুলো উৎসের নিজের দুটি দিক সম্পর্কে সঠিক ও স্পষ্ট ধারণা থাকাও অপরিহার্য—

ক. উৎস হিসেবে ব্যবহার করার মূলনীতি (উসূল/Principle)।

খ. নির্ভুল জ্ঞানার্জনের জন্য উৎস তিনটিকে ব্যবহারের প্রবাহচিত্র (Flow chart)।

আল্লাহ প্রদত্ত উৎস তিনটির উল্লিখিত দুটি দিকের পর্যালোচনা—

### ক. নির্ভুল জ্ঞানার্জনের জন্য আল্লাহ প্রদত্ত উৎস তিনটি ব্যবহারের মূলনীতি

#### ১. কুরআনকে নির্ভুল জ্ঞানার্জনে উৎস হিসেবে ব্যবহার করার মূলনীতি

ব্যবহারিক গ্রন্থের নির্ভুল জ্ঞানার্জনের কিছু মূলনীতি (উসূল/Principle) থাকে। ঐ মূলনীতির প্রত্যেকটি অনুসরণ করা গ্রন্থটির নির্ভুল জ্ঞানার্জনের জন্য অপরিহার্য। কুরআন একটি ব্যবহারিক গ্রন্থ। তাই কুরআন থেকেও নির্ভুল জ্ঞানার্জনের মূলনীতি কুরআন ও সুন্নাহ আছে। আমাদের গবেষণা মতে, সে মূলনীতি ১০টি। মূলনীতিগুলোর শিরোনাম—

১. কুরআনে পরস্পরবিরোধী বক্তব্য নেই।
২. একই বিষয়ের সকল আয়াত পাশাপাশি রেখে পর্যালোচনা করে চূড়ান্ত সিদ্ধান্ত গ্রহণ।
৩. কুরআনের সর্বোত্তম ব্যাখ্যা কুরআন।
৪. কুরআন বিরোধী বক্তব্য যে গ্রন্থেই থাকুক তা মিথ্যা।
৫. সত্য উদাহরণকে আল্লাহর কাছ থেকে আসা সত্য শিক্ষার মর্যাদা দেওয়া।
৬. একাধিক অর্থবোধক আয়াতের ব্যাখ্যা করার সময় উৎকর্ষিত আকল/ Common sense/বিবেকের রায় বা বিজ্ঞানের সঠিক তথ্যের সাথে মেলানোর চেষ্টা করা।
৭. কুরআনে শিক্ষা রহিত (মানসুখ) কোনো আয়াত নেই।
৮. খুঁটিনাটি/অমৌলিক বিষয়কে গুরুত্ব না দেওয়া।
৯. কয়েক বছর পরপর অনুবাদ বা ব্যাখ্যার সংস্করণ বের করা।
১০. আরবী ভাষা ও ব্যাকরণের জ্ঞান।

মূলনীতিগুলো একটি অপরটির সম্পূরক ভূমিকা পালন করে। আবার একটি সিদ্ধান্ত যত বেশি সংখ্যক মূলনীতি সমর্থিত হবে, সিদ্ধান্তটি নির্ভুল হওয়ার সম্ভাবনা তত বেশি হবে। এ বিষয়টি আল্লাহ প্রদত্ত ৩টি উৎসের প্রত্যেকটির ব্যাপারেই প্রযোজ্য। মূলনীতিসমূহ নিয়ে বিস্তারিত আলোচনা আছে 'কুরআন

রিসার্চ ফাউন্ডেশন' প্রকাশিত 'আল কুরআনের অর্থ ও তাফসীর করার মূলনীতি, প্রচলিত ধারণা ও প্রকৃত তথ্য' (গবেষণা সিরিজ-২৬) নামক বইটিতে।

আরবী ভাষা ও ব্যাকরণের জ্ঞানের সাথে অন্য ৯টি মূলনীতির সম্পর্কের অবস্থান হলো—

#### অবস্থান-১

আরবী ভাষা ও ব্যাকরণের ভালো জ্ঞান না থাকলে কুরআনের অর্থ করা সম্ভব নয়।

#### অবস্থান-২

আরবী ভাষা ও ব্যাকরণের পণ্ডিত ব্যক্তিও কুরআনের অর্থ ও ব্যাখ্যা বুঝতে অনেক মৌলিক ভুল করবেন যদি তিনি ওপরে বর্ণিত ৯টি মূলনীতি খেয়ালে না রাখেন বা ব্যবহার করতে না পারেন।

#### অবস্থান-৩

আরবী ভাষা ও ব্যাকরণের জ্ঞান না থাকা ব্যক্তিও কুরআনের অনুবাদ পড়ে সেখানকার ভুল থেকে (যদি থাকে) নিজেকে বাঁচিয়ে কুরআনের ভালো জ্ঞানার্জন করতে পারবেন যদি তিনি ওপরে বর্ণিত ৯টি মূলনীতি খেয়াল রাখেন বা ব্যবহার করতে পারেন।

#### অবস্থান-৪

আরবী ভাষা ও ব্যাকরণের কিছু জ্ঞান (আরবী থেকে অন্য ভাষার অভিধান দেখার মতো জ্ঞান) থাকা ব্যক্তি কুরআনের অর্থ ও তাফসীরের অনুবাদ গ্রন্থ সম্পাদনা করে কুরআনের ভালো অর্থ ও তাফসীরগ্রন্থ রচনা করতে পারবেন যদি তিনি ওপরের ৯টি মূলনীতি খেয়াল রাখেন বা ব্যবহার করতে পারেন।

#### অবস্থান-৫

কুরআন সবচেয়ে ভালো বুঝতে পারবেন সেই ব্যক্তি যার ওপরে বর্ণিত ৯টি মূলনীতি খেয়ালে আছে বা ব্যবহার করার যোগ্যতা আছে এবং আরবী ভাষা ও ব্যাকরণেরও ভালো জ্ঞান আছে।

## ২. সুন্নাহকে নির্ভুল জ্ঞানার্জনের উৎস হিসেবে ব্যবহার করার মূলনীতি

আমাদের গবেষণা মতে, সুন্নাহকে জ্ঞানের উৎস হিসেবে ব্যবহারের ৪টি মূলনীতি কুরআন ও সুন্নাহ আছে। বিষয়টি নিয়ে বিস্তারিত আলোচনা আছে— কুরআন রিসার্চ ফাউন্ডেশন প্রকাশিত 'প্রচলিত হাদীসশাস্ত্রে সহীহ হাদীস বলতে নির্ভুল হাদীস বুঝায় কি?' (গবেষণা সিরিজ-১৯) বইটিতে। মূলনীতিগুলোর শিরোনাম হলো—

১. সঠিক হাদীস কুরআনের সম্পূরক বা অতিরিক্ত হবে, বিপরীত হবে না।
২. একই বিষয়ের সকল হাদীস পাশাপাশি রেখে পর্যালোচনা করে চূড়ান্ত সিদ্ধান্ত গ্রহণ।
৩. হাদীস সঠিক আকল (আকলে সালিম)-এর বিরোধী হবে না।
৪. হাদীস বিজ্ঞানের সঠিক তথ্যের বিরোধী হবে না।

### ৩. আকল, Common sense বা বিবেককে নির্ভুল জ্ঞানার্জনের উৎস হিসেবে ব্যবহার করার মূলনীতি

নির্ভুল জ্ঞানার্জনের জন্য মহান আল্লাহর দেওয়া উৎস আকল, Common sense বা বিবেক ব্যবহার করাও অপরিহার্য। Common sense-এর সংজ্ঞা, গুরুত্ব, উৎকর্ষিত ও অবদমিত হওয়ার পদ্ধতি, ব্যবহার না করার গুনাহ, পূর্ববর্তী ও পরবর্তীদের Common sense-এর মধ্যে পার্থক্য ইত্যাদি নিয়ে বিস্তারিত আলোচনা আছে ‘কুরআন রিসার্চ ফাউন্ডেশন’ প্রকাশিত ‘ইসলামী জীবনবিধানে Common sense-এর গুরুত্ব’ (গবেষণা সিরিজ-৬) নামক পুস্তিকাটিতে। Common sense-কে জ্ঞানের উৎস হিসেবে ব্যবহারের দুটি মূলনীতি কুরআন ও হাদীসে আছে। বিষয়টি নিয়েও বিস্তারিত আলোচনা আছে ওপরে উল্লিখিত বইটিতে (গবেষণা সিরিজ-৬)। মূলনীতি দুটোর শিরোনাম হলো-

১. Common sense-কে আল্লাহ প্রদত্ত সাধারণ বা অপ্রমাণিত জ্ঞান হিসেবে ব্যবহার করা।
২. Common sense-কে আল্লাহর নিয়োগকৃত ইসলামের ঘরের দারোয়ানের মর্যাদা দেওয়া।

### খ. নির্ভুল জ্ঞানার্জনের জন্য আল্লাহ প্রদত্ত উৎস তিনটি ব্যবহারের

#### প্রবাহচিত্র (Flow chart)

নির্ভুল জ্ঞানার্জনের জন্য আল্লাহ প্রদত্ত উৎস তিনটি ব্যবহারের মূলনীতির সাথে সেগুলো ব্যবহারের প্রবাহচিত্রের জ্ঞান থাকাও অপরিহার্য। প্রবাহচিত্রটি কুরআন ও সুন্নায়ে আছে। তবে নিম্নের দুটি উদাহরণ সামনে থাকলে কুরআন ও সুন্নায়ে থাকা প্রবাহচিত্রটি অতি সহজে বুঝা যায়। সুরা বাকারার ২৬ নং আয়াতে আল্লাহ জানিয়ে দিয়েছেন যে- কুরআন বুঝা বা ব্যাখ্যা করার জন্য সত্য উদাহরণ হলো আল্লাহর কাছ থেকে আসা সত্য শিক্ষা। কুরআনের আয়াতও আল্লাহর কাছ থেকে আসা সত্য শিক্ষা। তাই কুরআন বুঝা বা ব্যাখ্যা করার জন্য সত্য উদাহরণের গুরুত্ব অপরিসীম।

## উদাহরণ-১

### □ চিকিৎসাবিদ্যার রোগ নির্ণয় ও ব্যবস্থা গ্রহণের (চিকিৎসা দেওয়ার) প্রবাহচিত্র

একজন চিকিৎসকের কাছে রোগী আসলে চিকিৎসক তাকে শেখানো চিকিৎসাবিদ্যার সাধারণ জ্ঞানের আলোকে একটি প্রাথমিক রোগ নির্ণয় (Provisional diagnosis) করে এবং প্রাথমিক চিকিৎসা শুরু করে দেয়। তারপর সে ল্যাবরেটরিতে কিছু পরীক্ষা-নিরীক্ষা পাঠায়। পরীক্ষা-নিরীক্ষার রিপোর্ট হলো রোগ নির্ণয়ের প্রমাণিত (নির্ভুল) জ্ঞান। তাই পরীক্ষা-নিরীক্ষার রিপোর্ট হাতে পাওয়ার পর চিকিৎসক রিপোর্টের সাথে তার প্রাথমিক রোগ নির্ণয়কে যাচাই করে। যদি প্রাথমিক রোগ নির্ণয় যা ছিল রিপোর্টও সেই রোগ বলে তবে চিকিৎসক তার প্রাথমিক রোগ নির্ণয়কে চূড়ান্ত রোগ নির্ণয় (Final diagnosis) বলে ধরে নেয় এবং প্রাথমিক চিকিৎসা চালিয়ে যায়।


আর যদি প্রাথমিক রোগ নির্ণয় যা ছিল রিপোর্ট সেটি ছাড়া অন্য রোগ বলে, তবে চিকিৎসক (সাধারণত) তার প্রাথমিক রোগ নির্ণয়কে বাদ দিয়ে রিপোর্টে আসা রোগকেই চূড়ান্ত রোগ নির্ণয় (Final diagnosis) বলে ধরে নেয় এবং সে অনুযায়ী নতুন চিকিৎসা শুরু করে।

তবে বাস্তবে দেখা যায়— চিকিৎসাবিদ্যার যথাযথ সাধারণ জ্ঞানী চিকিৎসকের প্রাথমিক রোগ নির্ণয় ও চূড়ান্ত রোগ নির্ণয় অধিকাংশ ক্ষেত্রে অভিন্ন হয়। অল্পকিছু ক্ষেত্রে দেখা যায়— পরীক্ষার রিপোর্টের ভিত্তিতে প্রাথমিক রোগ নির্ণয়কে যাচাই করে নিশ্চিতভাবে চূড়ান্ত রোগ নির্ণয় করা সম্ভব হয় না। এরূপ ক্ষেত্রে চিকিৎসাবিজ্ঞানের বিধান হলো— প্রাথমিক রোগ নির্ণয় অনুযায়ী চিকিৎসা শুরু করা ও আরও গবেষণা চালিয়ে যাওয়া।

রোগ নির্ণয় করার সময় চিকিৎসাবিজ্ঞানের প্রতিটি ছাত্র ও তরুণ চিকিৎসকদের একটি বিষয় খুব গুরুত্ব দিয়ে শেখানো হয়। বিষয়টি হলো— পূর্ববর্তী চিকিৎসকদের রোগ নির্ণয় যাচাই করা যেতে পারে তবে তা অবশ্যই নিজে (প্রাথমিক) রোগ নির্ণয় করার পর। এর কারণ হলো—


১. পূর্ববর্তী চিকিৎসক কী রোগ নির্ণয় করেছে তা আগে দেখলে তিনি যদি কোনো ভুল করে থাকেন বর্তমান চিকিৎসক সেই একই ভুল করতে পারেন।
২. বর্তমান চিকিৎসকের রোগ নির্ণয়ের দক্ষতা উৎকর্ষিত হবে না। বরং অবদমিত হবে।
৩. সামগ্রিকভাবে মানবসভ্যতা ক্ষতিগ্রস্ত হবে।

তাই চিকিৎসাবিদ্যার রোগ নির্ণয় (Diagnosis) ও ব্যবস্থা গ্রহণের প্রবাহচিত্র হলো-



#### উদাহরণ-২

□ মালিক ও দারোয়ান মিলে বাড়িতে চোর ঢোকা প্রতিরোধ করার প্রবাহচিত্র বাড়িতে পরিচিত মানুষ ঢুকতে দেওয়া এবং অপরিচিত মানুষ (চোর) ঢোকা প্রতিরোধ করার জন্য সকল মালিক দারোয়ান নিয়োগ দেয়। মালিক অনুপস্থিত থাকলে কার সাথে কথা বলে চূড়ান্ত সিদ্ধান্ত নিতে হবে (মালিকের মনোনীত ব্যক্তি) তা মালিক আগে থেকে দারোয়ানকে বলে দেন। মালিক, মালিকের মনোনীত ব্যক্তি ও নিয়োগ দেওয়া দারোয়ান মিলে বাড়িতে পরিচিত লোক ঢুকতে দেওয়া এবং অপরিচিত লোক (চোর) ঢোকা প্রতিরোধ করার প্রবাহচিত্র (নীতিমালা) হলো-



উদাহরণ ২টির লক্ষণীয় বিষয় হলো—

১. জ্ঞানার্জনের (সিদ্ধান্তে পৌঁছার) দুটি স্তর আছে। প্রাথমিক স্তর ও চূড়ান্ত স্তর।
২. প্রাথমিক স্তরে ঐ বিষয়ের সাধারণ জ্ঞানের আলোকে প্রাথমিক সিদ্ধান্ত ও প্রাথমিক ব্যবস্থা নিতে হয়। যাদের ঐ বিষয়ের সাধারণ জ্ঞান আছে তারা সবাই প্রাথমিক সিদ্ধান্তে পৌঁছাতে ও প্রাথমিক ব্যবস্থা নিতে পারে।
৩. এরপর মূল প্রমাণিত জ্ঞান (মালিক) দিয়ে প্রাথমিক রায়কে যাচাই করে চূড়ান্ত সিদ্ধান্তে পৌঁছাতে হয় এবং সে অনুযায়ী ব্যবস্থা নিতে হয়।
৪. অধিকাংশ ক্ষেত্রে যথাযথভাবে সাধারণ জ্ঞান শেখা ব্যক্তিগণ কর্তৃক নেওয়া প্রাথমিক সিদ্ধান্ত, চূড়ান্ত বিচারে সঠিক বলে গৃহীত হয়।
৫. মালিক অনুপস্থিত থাকা সময়ে প্রাথমিক রায়কে মালিকের মনোনীত ব্যক্তি দিয়ে যাচাই করে চূড়ান্ত সিদ্ধান্তে পৌঁছাতে হয় এবং সে অনুযায়ী ব্যবস্থা নিতে হয়।
৬. মালিকের মনোনীত ব্যক্তি দিয়ে যাচাই করেও চূড়ান্ত সিদ্ধান্তে পৌঁছাতে না পারলে প্রাথমিক রায় অনুযায়ী নেওয়া ব্যবস্থা ও আরও চিন্তা-ভাবনা চালিয়ে যেতে হয়।
৭. সবশেষে পূর্ববর্তী ব্যক্তি বা মনীষীদের মতামত যাচাই করতে হয়।

মহান আল্লাহও জ্ঞানার্জনের জন্য সাধারণ (অপ্রমাণিত) ও প্রমাণিত উৎস দিয়েছেন। আর নির্ভুল জ্ঞানার্জনের জন্য আল্লাহ প্রদত্ত সাধারণ (অপ্রমাণিত) ও প্রমাণিত উৎস ব্যবহারের প্রবাহচিত্র মহান আল্লাহ সারসংক্ষেপ আকারে জানিয়ে দিয়েছেন সুরা নিসার ৫৯ এবং সুরা নূরের ১৫, ১৬ ও ১৭ নং আয়াতসহ আরও কিছু আয়াতের মাধ্যমে। আর আয়েশা রা.-এর চরিত্র নিয়ে রটানো প্রচারণাটির (ইফকের ঘটনা) ব্যাপারে নিজের অনুসরণ করা সিদ্ধান্তে পৌঁছানোর পদ্ধতির মাধ্যমে রসুলুল্লাহ স. প্রবাহচিত্রটি বাস্তবে প্রয়োগ করে দেখিয়েছেন। প্রবাহচিত্রটি নিয়ে বিস্তারিত আলোচনা করা হয়েছে ‘কুরআন রিসার্চ ফাউন্ডেশন’ প্রকাশিত ‘কুরআন, সুন্নাহ ও Common sense ব্যবহার করে নির্ভুল জ্ঞানার্জনের প্রবাহচিত্র’ (গবেষণা সিরিজ-১২) নামক বইটিতে। ওপরে বর্ণিত কুরআন, সুন্নাহ ও Common sense-এর মধ্যকার পার্থক্য এবং উদাহরণ দুটি সামনে থাকলে কুরআন ও সুন্নাহ থাকা আল্লাহ প্রদত্ত উৎস ৩টি ব্যবহারের প্রবাহচিত্রটি বোঝা মোটেই কঠিন নয়। প্রবাহচিত্রটি নিম্নরূপ—

যেকোনো বিষয়

আকল/Common sense/বিবেক (আল্লাহ প্রদত্ত সাধারণ/অপ্রমাণিত জ্ঞান) বা বিজ্ঞানের (আকলের মাধ্যমে উদ্ভাবিত বিশেষ জ্ঞান) ভিত্তিতে সঠিক বা ভুল বলে প্রাথমিক সিদ্ধান্ত ও ব্যবস্থা নেওয়া

কুরআন (মূল প্রমাণিত জ্ঞান) দিয়ে যাচাই করে প্রাথমিক সিদ্ধান্তকে চূড়ান্তভাবে গ্রহণ বা বর্জন করা এবং সে আলোকে চূড়ান্ত ব্যবস্থা নেওয়া (প্রাথমিক ব্যবস্থা চালিয়ে যাওয়া বা নতুন ব্যবস্থা নেওয়া)

সম্ভব না হলে সুন্নাহ (ব্যখ্যামূলক প্রমাণিত জ্ঞান) দিয়ে যাচাই করে প্রাথমিক সিদ্ধান্তকে চূড়ান্তভাবে গ্রহণ বা বর্জন করা এবং সে আলোকে চূড়ান্ত ব্যবস্থা নেওয়া (প্রাথমিক ব্যবস্থা চালিয়ে যাওয়া বা নতুন ব্যবস্থা নেওয়া)

সম্ভব না হলে প্রাথমিক সিদ্ধান্তের (আকল/Common sense/বিবেক বা বিজ্ঞানের রায়) ভিত্তিতে নেওয়া ব্যবস্থা ও গবেষণা চালিয়ে যাওয়া

মনীষীদের ইজমা-কিয়াস দিয়ে চূড়ান্ত সিদ্ধান্তকে যাচাই-বাছাই করে অধিক তথ্যভিত্তিকটি গ্রহণ করা এবং সে অনুযায়ী চূড়ান্ত ব্যবস্থা নেওয়া যেতে পারে

## বিজ্ঞান

‘বিজ্ঞান’ হলো মানবজীবনের কোনো দিকের বিশেষ তথ্য উৎকর্ষিত জ্ঞান। মানবসভ্যতার বর্তমান স্তরে ‘বিজ্ঞান’ যে জ্ঞানের একটি উৎস এটা কেউ অস্বীকার করবে বলে মনে হয় না। বিজ্ঞানের বিষয় আবিষ্কারের ব্যাপারে আকল/Common sense/বিবেকের ব্যাপক ভূমিকা থাকে। উদাহরণস্বরূপ বিজ্ঞানী নিউটনের মাধ্যাকর্ষণ শক্তি আবিষ্কারের বিষয়টি উল্লেখ করা যায়। নিউটন একদিন আপেল গাছের নিচে বসে থাকা অবস্থায় দেখলেন, একটি আপেল মাটিতে পড়লো। তিনি ভাবলেন, আপেলটি ওপরের দিকে না গিয়ে নিচের দিকে আসলো কেন? নিশ্চয় কোনো শক্তি আপেলটিকে নিচের দিকে (পৃথিবীর কেন্দ্রের দিকে) টেনেছে। Common sense-এর এ তথ্যের ওপর

ভিত্তি করে গবেষণার মাধ্যমে বিজ্ঞানী নিউটন মাধ্যাকর্ষণ শক্তি আবিষ্কার করেন। আর ঐ আবিষ্কারের প্রতিটি বাঁকে তাকে Common sense ব্যবহার করতে হয়েছে। অর্থাৎ বিজ্ঞানের তত্ত্ব বা তথ্য আবিষ্কারের ব্যাপারে Common sense-এর বিরাট ভূমিকা আছে। তাই বিজ্ঞান হলো Common sense-এর মাধ্যমে উদ্ভাবিত জ্ঞান।

বিজ্ঞানের অনেক তত্ত্ব বা তথ্য সময়ের আবর্তে পরিবর্তন হয়ে যায়। কারণ, মানুষের জ্ঞান সীমিত। আমার ৪০ বছরের চিকিৎসা জীবনে চিকিৎসাবিজ্ঞানের অনেক তথ্য সম্পূর্ণরূপে পরিবর্তিত হয়ে যেতে দেখেছি। তাই ইসলামী নীতি হলো Common sense-এর মতো বিজ্ঞানের কোনো তত্ত্ব বা তথ্যকে চূড়ান্তভাবে গ্রহণ বা বর্জন করার আগে কুরআন বা সুন্নাহর ভিত্তিতে অবশ্যই যাচাই করে নিতে হবে।

অন্যদিকে, বিজ্ঞানের কোনো তত্ত্ব বা তথ্য যদি সঠিক হয় তবে সেটি এবং ঐ বিষয়ের কুরআনের তথ্য অভিন্ন হবে। এ কথাটি কুরআন জানিয়েছে এভাবে—

سُرِّيهِمْ اٰيَاتِنَا فِي الْاَفَاقِ وَفِيْ اَنْفُسِهِمْ حَتّٰى يَتَّبِعُوْنَ اٰيَاتِنَا اِنَّهٗ الْحَقُّ .....<sup>ط</sup>

শীঘ্রই (অতাত্মক্ষণিকভাবে) আমরা তাদেরকে দিগন্তসমূহে এবং তাদের নিজেদের (শরীরের) মধ্যে আমাদের নিদর্শনাবলি দেখাবো, যতক্ষণ না তাদের কাছে সুস্পষ্ট হয়ে উঠবে যে, এটি (কুরআনের বৈজ্ঞানিক ও সাধারণ সকল তথ্য) সত্য। ... ..

(সুরা হা-মিম-আস-সাজদা/৪১ : ৫৩)

ব্যাখ্যা : দিগন্ত হলো খালি চোখ এবং অণুবীক্ষণ ও দূরবীক্ষণ যন্ত্রের মাধ্যমে মানুষের দৃষ্টিশক্তি যতদূর যায় ততদূর। আর আল্লাহ তা'য়ালার কর্তৃক অতাত্মক্ষণিকভাবে দেখানোর অর্থ— প্রকৃতিতে থাকা আল্লাহর প্রণয়ন করে রাখা বৈজ্ঞানিক বিষয় গবেষণার মাধ্যমে আবিষ্কার হওয়ার পর দেখা।

তাই এ আয়াতে বলা হয়েছে— খালি চোখ ও দূরবীক্ষণ যন্ত্রের মাধ্যমে মানুষের দৃষ্টি শক্তি যতদূর যায় ততদূর এবং মানুষের শরীরের মধ্যে থাকা আল্লাহর তৈরি করে রাখা বিভিন্ন বিষয় তাঁর তৈরি প্রোগ্রাম অনুযায়ী গবেষণার মাধ্যমে ধীরে ধীরে আবিষ্কার হতে থাকবে। এ আবিষ্কারের মাধ্যমে একদিন কুরআনে থাকা কুরআনের বৈজ্ঞানিক ও সাধারণ সকল তথ্য সত্য প্রমাণিত হবে। তাই এ আয়াত অনুযায়ী কোনো বিষয়ে কুরআনের তথ্য এবং ঐ বিষয়ে বিজ্ঞানের প্রতিষ্ঠিত তথ্য অভিন্ন হবে।

## কিয়াস ও ইজমা

ইসলামে প্রজ্ঞাবান, বিচক্ষণ, হিকমাধারী বা মনীষীর সংজ্ঞা হলো- কুরআন, সুন্নাহ, বিজ্ঞান, সাধারণ ও বৈজ্ঞানিক সত্য উদাহরণ এবং সাধারণ ও ঐতিহাসিক সত্য ঘটনা ও কাহিনির ভিত্তিতে উৎকর্ষিত আকল, Common sense বা বিবেকবান ব্যক্তি।

আর কিয়াস হলো- কুরআন ও সুন্নাহর পরোক্ষ, একাধিক/ব্যাপক অর্থবোধক অথবা কুরআন-সুন্নাহ সরাসরি নেই এমন বিষয়ে কুরআন সুন্নাহর অন্য তথ্যের ভিত্তিতে যেকোনো যুগের একজন উৎকর্ষিত Common sense সম্পন্ন তথা প্রজ্ঞাবান/বিচক্ষণ/হিকমাধারী/মনীষী ব্যক্তির উন্নত অনুধাবন ও ব্যাখ্যা-বিশ্লেষণ ক্ষমতার ভিত্তিতে পরিচালিত হওয়া গবেষণার ফল।

অন্যদিকে কোনো বিষয়ে সকলের কিয়াসের ফল এক হলে বা কারও কিয়াসের ব্যাপারে সকলে একমত হলে তাকে 'ইজমা' (Concensus) বলে।

কারও গবেষণার ফল জ্ঞানের উৎস হতে পারে না। গবেষণার ফল হয় রেফারেন্স তথা তথ্যসূত্র। তাই সহজে বলা যায়- কিয়াস বা ইজমা জ্ঞানের উৎস হবে না। কিয়াস ও ইজমা হবে তথ্যসূত্র বা রেফারেন্স।

ইজমা ইসলামী জীবনবিধানের একটি গুরুত্বপূর্ণ বিষয় হলেও মনে রাখতে হবে ইজমা অপরিবর্তনীয় নয়। কারণ, মানবসভ্যতার জ্ঞানের উন্নতির সাথে কুরআন ও সুন্নাহর ঐ সকল অস্পষ্ট বক্তব্য আরও স্পষ্ট হয়ে উঠবে। ফলে ঐ সব বিষয়ে কিয়াস ও ইজমার সিদ্ধান্ত পরিবর্তন হয়ে যেতে পারে। বিজ্ঞানের বিষয়ের মতো অন্য যেকোনো বিষয়েই তা হতে পারে।

কিয়াস ও ইজমা সম্পর্কে কুরআন ও হাদীসের বক্তব্য-  
কুরআন

..... فَسْئَلُوا أَهْلَ الذِّكْرِ إِنْ كُنْتُمْ لَا تَعْلَمُونَ.

... .. অতঃপর তোমরা যদি না জানো তবে (কিতাবের) বিশেষজ্ঞ জ্ঞানীদেরকে জিজ্ঞাসা করো।

(সুরা নাহল/১৬ : ৪৩, সুরা আশ্বিয়া/২১ : ৭)

ব্যাখ্যা : আহলে কিতাবদের উদ্দেশ্য করে বলা হলেও আয়াতটির শিক্ষা সকলের জন্য প্রযোজ্য। জ্ঞানার্জনের আল্লাহ প্রদত্ত উৎসসমূহ হলো কুরআন, সুন্নাহ ও Common sense। আর ইজমা বা কিয়াস হলো, ইসলামী বিশেষজ্ঞদের (মনীষী/আকাবের) গবেষণার ফল বা সিদ্ধান্ত।

আয়াতটির সরাসরি নির্দেশ হলো- ইজমা/কিয়াস দেখতে হবে একটি বিষয় নিজে জানা বা সিদ্ধান্তে পৌঁছার চেষ্টা করে ব্যর্থ হওয়ার পর। অবশ্যই আগে নয়। অন্যদিকে বিশেষজ্ঞদের মতামত (ইজমা ও কিয়াস) অন্ধভাবে মেনে নেওয়া যাবে না। এটি করলে শিরক বা কুফরী ধরনের কবীরা গুনাহ হবে। শিরক হবে যদি কোনো বিশেষজ্ঞের সকল সিদ্ধান্ত নির্ভুল মনে করে মেনে নেওয়া হয়। কারণ, নির্ভুলতা শুধু মহান আল্লাহর গুণ। আর কুফরী হবে যদি নিজে ইসলামের কিছুই জানি না বলে বিশেষজ্ঞদের মতামত মেনে নেওয়া হয়। কারণ, যার Common sense আছে সে ইসলামের অনেক কিছু জানে। তাই আমি ইসলামের কিছুই জানি না বললে আল্লাহর দেওয়া একটি বড়ো নিয়ামতকে অস্বীকার করা হয়। বিষয়টি নিয়ে বিস্তারিত আলোচনা আছে- ‘কুরআন রিসার্চ ফাউন্ডেশন’ প্রকাশিত ‘অন্ধ অনুসরণ কুফরী বা শিরক নয় কি?’ (গবেষণা সিরিজ-২১) নামক বইটিতে।

হাদীস

رَوِيَ فِي مُسْنَدِ أَحْمَدَ حَدَّثَنَا عَبْدُ اللَّهِ ..... عَنْ عَمْرِو بْنِ شُعَيْبٍ عَنْ أَبِيهِ عَنْ  
 جَدِّهِ وَقَالَ لَقَدْ جَلَسْتُ أَنَا وَأَخِي بَجِلِسًا مَا أَحِبُّ أَنْ لِي بِهِ حُمْرَ النَّعَمِ أَقْبَلْتُ أَنَا وَأَخِي  
 وَإِذَا مَشِيخَةٌ مِنْ صَحَابَةِ رَسُولِ اللَّهِ ﷺ جُلُوسٌ عِنْدَ بَابٍ مِنْ أَبْوَابِهِ فَكَّرَ هُنَا أَنْ  
 نُفَرِّقَ بَيْنَهُمْ فَجَلَسْنَا حَجْرَةً إِذْ دَكَّرُوا آيَةً مِنَ الْقُرْآنِ فَتَمَارَوْا فِيهَا حَتَّى ارْتَفَعَتْ  
 أَصْوَاتُهُمْ فَخَرَجَ رَسُولُ اللَّهِ ﷺ مُغَضَّبًا قَدْ احْمَرَّتْ وَجْهَهُ يَرِيهِمْ بِالْثَّرَابِ وَيَقُولُ  
 مَهْلًا يَا قَوْمٍ بِهَذَا أَهْلَكْتُ الْأُمَّةَ مِنْ قَبْلِكُمْ بِاخْتِلَافِهِمْ عَلَى أُنْبِيَائِهِمْ وَضُرِّبِهِمْ  
 الْكُتُبَ بَعْضُهَا بِبَعْضٍ إِنَّ الْقُرْآنَ لَمْ يَنْزَلْ يُكَذِّبُ بَعْضُهُ بَعْضًا بَلْ يُصَدِّقُ بَعْضُهُ  
 بَعْضًا فَمَا عَرَفْتُمْ مِنْهُ فَأَعْمَلُوا بِهِ وَمَا جَهِلْتُمْ مِنْهُ فَرُدُّوهُ إِلَىٰ عَالِمِهِ.

আমর ইবন শুআইব ইবনুল আস রা.-এর বর্ণনা সনদের ৫ম ব্যক্তি আনাস ইবন ইয়ায রহ. থেকে শুনে ‘আল মুসনাদ’ গ্রন্থে লিখেছেন- আমার ইবন শুআইব ইবনুল আস রা. বলেন- আমি ও আমার ভাই এক মজলিশে বসলাম, আর সে জায়গাটি লাল পিঁপড়ে থাকার কারণে আমি তা পছন্দ করলাম না, তাই সামনে অগ্রসর হলাম। এমনকি বয়োজ্যেষ্ঠ সাহাবীদের নিকটবর্তী হয়ে গেলাম যারা রসুলুল্লাহ স.-এর ঘরের দরজার একটি দরজার সামনে বসেছিল।

আর আমরা তাঁদের থেকে পৃথক হওয়াকে অপছন্দ করলাম, অতঃপর তাঁদের মাঝে একটি পাথরের ওপর বসলাম। তাঁরা কুরআনের একটি আয়াত বলছিল অতঃপর সেটি নিয়ে বিতর্ক করছিল, এমনকি তাঁদের আওয়াজ উঁচু হয়ে গেল। অতঃপর রসুলুল্লাহ স. রাগান্বিত অবস্থায় বের হলেন, আর তাঁর মুখমণ্ডল রক্তিম হয়ে গেল, তিনি তাদের প্রতি মাটি ছুঁড়ে মারলেন এবং বললেন— আরে হে সম্প্রদায়! তোমাদের পূর্ববর্তী নবীদের কণ্ঠস্বর তোমাদের কিতাব নিয়ে এ ধরনের বিতর্ক করার কারণেই ধ্বংস হয়ে গিয়েছে। তারা কিতাবের একটি অংশ দিয়ে অন্য অংশকে রহিত করেছিল। নিশ্চয় এ কুরআনের এক অংশ অন্য অংশকে মিথ্যা প্রতিপন্ন/রহিত করার জন্য নাযিল করা হয়নি। বরং একাংশ অপর অংশের সত্যতা প্রমাণ করার জন্য নাযিল করা হয়েছে। তাই এতে (কুরআন) থাকা যে সকল বিষয় তোমাদের হৃদয়ঙ্গম হয় (আকল/**Common sense**/বিবেক দিয়ে বুঝতে পারো) তার ওপর ‘আমল করো। আর যা তোমাদের আকল/**Common sense**/বিবেকের বাইরে, তা ঐ বিষয়ে যারা (বিশেষজ্ঞ) জ্ঞানী তাদের দিকে ফিরিয়ে দাও।

◆ আহমাদ, *আল-মুসনাদ*, হাদীস নং-৬৭০২।

◆ হাদীসটির সনদ ও মতন সহীহ।

ব্যাখ্যা : হাদীসটির বোল্ড করা অংশে রসুল স. বলেছেন— কুরআনের যে সকল বক্তব্য মু’মিনরা নিজেদের আকল/বিবেক/**Common sense** দিয়ে বুঝতে পারে তার ওপর ‘আমল করতে। আর যা তাদের আকলের বুঝের বাইরে তা ঐ বিষয়ে যারা বিশেষজ্ঞ জ্ঞানী তাদের দিকে ফিরিয়ে দিতে তথা তাদের কাছে জিজ্ঞাসা করে তা জেনে নিতে।

কুরআন ও হাদীসের উল্লিখিত তথ্যগুলো থেকে মুসলিমদের সামগ্রিক শিক্ষা হলো—


১. ইসলামী সমাজে কুরআনের সাধারণ ও বিশেষজ্ঞ জ্ঞানী থাকবে বা থাকতে হবে।
২. কুরআন, সুন্নাহ ও **Common sense**-এর মাধ্যমে ইসলামের প্রতিটি বিষয় জানার চেষ্টা সকল মুসলিমকে করতে হবে।
৩. কুরআন, সুন্নাহ ও **Common sense**-এর মাধ্যমে সাধারণ জ্ঞানীরা কোনো বিষয়ে সিদ্ধান্তে পৌঁছাতে না পারলে বিশেষজ্ঞ জ্ঞানীদের (মনীষী/আকাবের) থেকে সেটি জেনে নিতে হবে বা তাদের লেখা বই পড়ে তা জানতে হবে।

৪. কুরআন, সুন্নাহ ও Common sense-এর মাধ্যমে সাধারণ জ্ঞানীরা একটি বিষয়ে সিদ্ধান্তে পৌঁছাতে পারলে বিশেষজ্ঞ জ্ঞানীদের থেকে সেটি জানা বা তাদের লেখা বই পড়ার প্রয়োজন নেই।
৫. বিশেষজ্ঞ জ্ঞানীদের সিদ্ধান্ত (ইজমা বা কিয়াস) যাচাই করার বিষয়টি ঘটবে শেষে।
৬. ইজমা বা কিয়াস উৎস নয়। ইজমা বা কিয়াস হলো রেফারেন্স।

এ পুস্তিকার আলোচ্য বিষয়ের ব্যাপারে কুরআন ও প্রকৃত সহীহ হাদীসে স্পষ্ট বক্তব্য আছে। তাই এখানে কিয়াস ও ইজমার সুযোগ নেই।



কুরআনের আরবী আয়াত সর্বদা অপরিবর্তিত থাকবে,  
কিন্তু কিছু কিছু অর্থ ও ব্যাখ্যা  
যুগের জ্ঞানের আলোকে উন্নত হবে।



# আল কুরআন

যুগের জ্ঞানের আলোকে  
অনুবাদ ও মৌলিক তাফসীর  
(সচিত্র)

যোগাযোগ : ০১৯৪৪ ৪১১৫৬০ অথবা ০১৯৪৪ ৪১১৫৫১

## মূল বিষয়

আল্লাহর ইচ্ছা ছাড়া গাছের পাতাটিও পড়ে না। এ কথা বা এ ধরনের কথা শোনেনি এমন মুসলিম পৃথিবীতে আছে বলে আমার মনে হয় না। অর্থাৎ মুসলিম সমাজে বহুল প্রচারিত একটি বিশ্বাস হলো, মানুষের ব্যক্তি ও সমাজ জীবনসহ মহাবিশ্বে যা কিছু ঘটে তার সবকিছু আল্লাহর তাৎক্ষণিক ইচ্ছায় ঘটে। মানুষের ইচ্ছা, অনিচ্ছা বা কর্মপ্রচেষ্টার সেখানে কোনো ভূমিকা নেই। আর এ ধারণা বিশ্বাসের কারণেই আমাদের এ অঞ্চলে যে গান জনপ্রিয় হয়েছে তার দুটি কলি হলো—

‘এই যে দুনিয়া কীসের লাগিয়া কত যত্নে বানাইয়াছেন সাঁই

ছায়াবাজি পুতুলরূপে বানাইয়া মানুষ

যেমনি নাচাও তেমনি নাচি পুতুলের কী দোষ’

বর্তমান প্রচেষ্টার উদ্দেশ্য হলো— আল্লাহর ইচ্ছা, অনুমতি, মনে মোহর মেরে দেওয়া কথাগুলোর বহুল প্রচারিত ব্যাখ্যাগুলোর সঠিকত্ব কুরআন, হাদীস ও Common sense/আকলের ভিত্তিতে যাচাই করা। আর সঠিক না হলে এ বিষয়ে সঠিক তথ্যটি কী তা উপস্থাপন করার মাধ্যমে মানব সভ্যতা, বিশেষ করে মুসলিম জাতির কাছে এর কল্যাণ পৌঁছে দেওয়া।

**‘আল্লাহর ইচ্ছায় সবকিছু হয়’ তথ্যটির প্রচলিত ও প্রকৃত ব্যাখ্যা**  
প্রথমে আমরা ‘আল্লাহর ইচ্ছায় সবকিছু হয়’ তথ্যটির প্রচলিত ও প্রকৃত ব্যাখ্যা নিয়ে আলোচনা করবো। কারণ, এ কথাটি কুরআন ও হাদীসে সবচেয়ে বেশি বার (অসংখ্য বার) এসেছে। আর এটিই মানুষ সবচেয়ে বেশি জানে।

## **‘আল্লাহর ইচ্ছায় সবকিছু হয়’ তথ্যটির প্রকৃত ব্যাখ্যা** **হারিয়ে যাওয়ায় মানব সভ্যতার যে ক্ষতি হয়েছে**

‘আল্লাহর ইচ্ছায় সবকিছু হয়’ তথ্যটির প্রকৃত ব্যাখ্যা হারিয়ে যাওয়ায় মানব সভ্যতার তিন ভাবে ক্ষতি হয়েছে-

১. বিশ্বমানতার সাধারণ ক্ষতি।
২. আল্লাহর কিতাবের বক্তব্য বুঝতে না পারার মহাক্ষতি।
৩. মুসলিম জাতির বিশেষ ক্ষতি।

### **১. বিশ্বমানতার সাধারণ ক্ষতি**

দৃষ্ট লোকেরা খারাপ কাজ করার যুক্তি খুঁজে পায়। তারা বলে, ‘সৃষ্টিকর্তা চান বলেইতো আমরা এ (খারাপ) কাজটি করছি’।

### **২. সৃষ্টিকর্তার কিতাবের (ঐশী গ্রন্থ) বক্তব্য বুঝতে না পারার মহাক্ষতি**

আল্লাহর (গড/ভগবান) ইচ্ছা কথাটি ধারণকারী অসংখ্য বক্তব্য আল কুরআন ও অন্যান্য ঐশী গ্রন্থে আছে। ঐ সকল বক্তব্যের সঠিক অর্থ/ব্যাখ্যা বুঝতে না পারায়, বিভিন্ন দিক দিয়ে মানব সভ্যতার অপূরণীয় ক্ষতি হয়েছে ও হচ্ছে।

### **৩. মুসলিম জাতির বিশেষ ক্ষতি**

ক. সাধারণ মুসলিমরা কষ্টসাধ্য বা ত্যাগ স্বীকার করা লাগে এমন সৎকাজ করার উৎসাহ হারিয়ে ফেলেছে। কারণ তারা মনে করে নিয়েছে- কষ্ট করে বা ত্যাগ স্বীকার করে একটি কাজ করার পরও তার ফল আল্লাহর ইচ্ছা অনুযায়ী হবে। তাই অযথা কষ্ট বা ত্যাগ স্বীকার করার দরকার কী?


খ. বিজ্ঞানের সকল দিকে এক সময়ের শ্রেষ্ঠ মুসলিম জাতি গবেষণা বন্ধ করে দিয়ে আজ বিজ্ঞানের সকল ক্ষেত্রে বিশ্বের অনেক জাতির তুলনায় ব্যাপকভাবে পিছিয়ে পড়েছে।

যেমন—

- চিকিৎসা বিদ্যায় গবেষণার ব্যাপারে তারা মনে করেছে কষ্ট করে গবেষণা করে নতুন নতুন চিকিৎসা পদ্ধতি বা ঔষধ আবিষ্কার করার কী দরকার? রোগ ভালো হবে কি হবে না এটিতো সম্পূর্ণ আল্লাহর ইচ্ছার ওপর নির্ভরশীল।
- কষ্ট বা অর্থ খরচের মাধ্যমে গবেষণা করে উন্নতমানের যুদ্ধাস্ত্র তৈরি করা মুসলিমরা অপ্রয়োজনীয় মনে করেছে। কারণ, তারা ধরে নিয়েছে যুদ্ধের ফলাফলতো আল্লাহর ইচ্ছার ওপর নির্ভরশীল। তাই উন্নতমানের যুদ্ধাস্ত্র থাকলে ফলাফল যা হবে, না থাকলেও ফলাফল তাই হবে।

বিশ্বমানবতার বর্তমান অধঃপতনের মূল কারণ ও প্রতিকার  
এবং জীবন ঘনিষ্ঠ ইসলামের মৌলিক বিষয়ের  
সঠিক তথ্য জানতে সংগ্রহ করুন

কুরআন রিসার্চ ফাউন্ডেশন প্রকাশিত  
গবেষণা সিরিজের বইসমূহ



যোগাযোগ : ০১৯৪৪ ৪১১৫৬০ অথবা ০১৯৪৪ ৪১১৫৫১

## প্রচলিত এ ধারণা ও বিশ্বাস মানবসমাজে

### চালু হওয়ার সময়কাল

মানুষের ব্যক্তি ও সমাজ জীবনসহ মহাবিশ্বে যা কিছু ঘটে তার সবকিছু আল্লাহর তাৎক্ষণিক ইচ্ছায় ঘটে। মানুষের ইচ্ছা, অনিচ্ছা বা কর্মপ্রচেষ্টার সেখানে কোনো ভূমিকা নেই। এ ধরনের ধারণা ও বিশ্বাস মানব সমাজে নতুন করে চালু হয়েছে তা নয়। আজ থেকে ১৫০০ (পনের শত) বছর আগে এবং তার পূর্বেও তা মানব সমাজে চালু ছিল।

এর প্রমাণ হলো-

#### তথ্য-১

وَقَالَ الَّذِينَ أَشْرَكُوا لَوْ شَاءَ اللَّهُ مَا عَبَدْنَا مِنْ دُونِهِ مِنْ شَيْءٍ نَحْنُ وَلَا آبَاؤُنَا وَلَا حَرَمْنَا  
مِنْ دُونِهِ مِنْ شَيْءٍ كَذَلِكَ فَعَلَ الَّذِينَ مِنْ قَبْلِهِمْ فَهَلْ عَلَى الرَّسُولِ إِلَّا الْبَلْغُ الْمُبِينُ .

আর মুশরিকরা বলে, আল্লাহ ইচ্ছা করলে আমরা ও আমাদের পিতৃ-পুরুষেরা তাঁকে ছাড়া অন্য কারো ইবাদাত করতে পারতাম না এবং (তার অনুমতি ছাড়া) কোনো কিছু নিষিদ্ধও করতে পারতাম না। তাদের পূর্ববর্তীরাও এরূপ করেছে। সুতরাং সুস্পষ্টভাবে (এ বিষয়ে আল্লাহর বাণী) পৌঁছে দেওয়া ছাড়া রসুলদের ওপর আর কোনো দায়িত্ব আছে কি?

(সুরা নাহল/১৬ : ৩৫)

#### তথ্য-২

سَيَقُولُ الَّذِينَ أَشْرَكُوا لَوْ شَاءَ اللَّهُ مَا أَشْرَكْنَا وَلَا آبَاؤُنَا وَلَا حَرَمْنَا مِنْ شَيْءٍ

শীঘ্রই মুশরিকরা বলবে, আল্লাহ যদি চাইতেন তবে আমরা ও আমাদের পূর্বপুরুষেরা শিরক করতে পারতাম না এবং আমরা কোনো কিছু হারামও করতে পারতাম না।

(সুরা আন'আম/৬ : ১৪৮)

এ সকল তথ্য হতে সহজেই বুঝা যায় রসুল মুহাম্মাদ স.-এর সময় ও তার আগেও এ ধারণা-বিশ্বাস মানব সমাজে চালু ছিল।

## ‘আল্লাহর তাৎক্ষণিক ইচ্ছায় সবকিছু হয়’ কথাটির উৎপত্তিহীন

‘আল্লাহর তাৎক্ষণিক ইচ্ছায় সবকিছু হয়’ কথাটির উৎপত্তিহীন হলো আল কুরআন ও হাদীসের কিছু তথ্যের অসতর্ক ব্যাখ্যা। চলুন এখন সে বক্তব্য ও ব্যাখ্যাগুলো পর্যালোচনা করা যাক।

আল কুরআন

তথ্য-১

وَمَا تَشَاءُونَ إِلَّا أَنْ يَشَاءَ اللَّهُ رَبُّ الْعَالَمِينَ .

আর তোমাদের ইচ্ছায় কিছুই হয় না জগৎসমূহের রব আল্লাহর ইচ্ছা ছাড়া।

(সূরা তাকভীর/৮১ : ২৯)

প্রচলিত ব্যাখ্যা : মানুষের ইচ্ছায় কিছুই হয় না। আল্লাহ তা‘য়ালার তাৎক্ষণিক ইচ্ছায় সবকিছু হয়।

তথ্য-২

مَنْ يَشَاءِ اللَّهُ يُضِلَّهُ وَمَنْ يَشَاءِ يُجْعَلْهُ عَلَى صِرَاطٍ مُسْتَقِيمٍ .

আল্লাহ যাকে ইচ্ছা বিপদগামী করেন এবং যাকে ইচ্ছা স্থায়ী পথের ওপর রাখেন।

(সূরা আন‘আম/৬ : ৩৯)

প্রচলিত ব্যাখ্যা : আল্লাহ তাৎক্ষণিকভাবে যাকে ইচ্ছা বিপদগামী করেন এবং যাকে ইচ্ছা স্থায়ী পথের ওপর রাখেন।

তথ্য-৩

قُلِ اللَّهُمَّ مَلِكُ الْمَلِكِ تُؤْتِي الْمَلِكَ مِنْ تَشَاءٍ وَتَنْزِعُ الْمَلِكَ مِنْ تَشَاءٍ وَنُعِزُّ مَنْ تَشَاءُ وَنُزِّلُ مَنْ تَشَاءُ مِنْ تَشَاءٍ بِبَيْدِكَ الْحَيْرِ إِنَّكَ عَلَى كُلِّ شَيْءٍ قَدِيرٌ .

বলো, রাষ্ট্রক্ষমতার মালিক হে আল্লাহ! আপনি যাকে ইচ্ছা রাষ্ট্রক্ষমতা দেন ও যার কাছ থেকে ইচ্ছা রাষ্ট্রক্ষমতা কেড়ে নেন এবং যাকে ইচ্ছা সম্মানিত করেন

ও যাকে ইচ্ছা অপমানিত করেন, সকল কল্যাণ আপনারই হাতে, নিশ্চয় আপনি সকল বিষয়ে সর্বশক্তিমান।

(সুরা আলে-ইমরান/৩ : ২৬)

**প্রচলিত ব্যাখ্যা :** আল্লাহ তা'য়ালার তাৎক্ষণিক ইচ্ছায় মানুষ রাষ্ট্রক্ষমতা পায় ও হারায়, সম্মান পায় ও অপমানিত হয়।

**তথ্য-৪**

فَيَغْفِرُ لِمَن يَشَاءُ وَيُعَذِّبُ مَن يَشَاءُ<sup>ط</sup>

অতঃপর তিনি যাকে ইচ্ছা ক্ষমা করে দেবেন এবং যাকে ইচ্ছা শাস্তি দেবেন।

(সুরা বাকারা/২ : ২৮৪)

**প্রচলিত ব্যাখ্যা :** আল্লাহ তা'য়ালার নিজের তাৎক্ষণিক ইচ্ছায় কাউকে মাফ করেন এবং কাউকে শাস্তি দেন।

**তথ্য-৫**

وَلَوْ أَنَّا نَزَّلْنَا إِلَيْهِمُ الْمَلَكَةَ وَكَلَّمَهُمُ الْمَوْتَىٰ وَحَشَرْنَا عَلَيْهِمْ كُلَّ شَيْءٍ قُبُلًا مَا كَانُوا لِيَوْمٍئِذٍ إِلَّا أَن يَشَاءَ اللَّهُ.

আর আমরা যদি তাদের কাছে ফেরেশতা প্রেরণ করতাম, মৃতরা যদি তাদের সাথে কথা বলতো এবং সব বস্তুকে তাদের সম্মুখে উপস্থিত করা হতো তবুও তারা আল্লাহর ইচ্ছা ছাড়া ঈমান আনতো না।

(সুরা আন'আম/৬ : ১১১)

**প্রচলিত ব্যাখ্যা :** যত চেষ্টাই করা হোক না কেন আল্লাহর তাৎক্ষণিক ইচ্ছা ছাড়া কেউ ঈমান আনতে পারে না।

**তথ্য-৬**

وَلَا تَقُولَنَّ لَشَيْءٍ إِنِّي فَاعِلٌ ذَٰلِكَ غَدًا<sup>٥</sup>. إِلَّا أَن يَشَاءَ اللَّهُ ۗ وَأَذْكُرَنَّ رَبَّكَ إِذَا نَسِيتَ ۗ وَقُلْ عَسَىٰ أَن يَهْدِيَنِّي رَبِّي لِأَقْرَبَ مِنْ هَٰذَا رَشْدًا.

আর কখনোই তুমি কোনো বিষয়ে বলো না আমি তা আগামীকাল করবো। এ (কথা বলা) ছাড়া যে, যদি আল্লাহ ইচ্ছা করেন। যদি ভুলে যাও তবে তোমার রবকে স্মরণ করো এবং বলো (দোয়া করো) সম্ভবত আমার রব আমাকে এ কাজে সফল হওয়ার নিখুঁত অবস্থানটির নিকটতর কোনো অবস্থানে পৌঁছার পথ দেখাবেন।

(সুরা কাহাফ/১৮ : ২৩ ও ২৪)

বোল্ড করা অংশের প্রচলিত ব্যাখ্যা : আল্লাহ তাৎক্ষণিকভাবে ইচ্ছা না করলে মানুষ কিছুই নির্ভুলভাবে করতে পারে না।

তথ্য-৭

وَمَنْ يُرِدِ اللَّهُ فِتْنَتَهُ فَلَنْ تَمْلِكَ لَهُ مِنَ اللَّهِ شَيْئًا ۗ أُولَٰئِكَ الَّذِينَ لَمْ يُرِدِ اللَّهُ أَنْ يُطَهِّرْ قُلُوبَهُمْ ۗ

আর আল্লাহ যাকে পরীক্ষায় ফেলতে ইচ্ছা করেন তার জন্য আল্লাহর কাছে তোমার কিছুই করার নেই। ওরাই তারা যাদের মনকে আল্লাহ সত্য বোঝা, গ্রহণ ও পালন করার জন্য যোগ্যতা সম্পন্ন করতে চান না।

(সুরা মায়দা/৫ : ৪১)

প্রচলিত ব্যাখ্যা : আল্লাহ তাৎক্ষণিকভাবে যাকে বিভ্রান্তিতে ফেলতে ইচ্ছা করেন, তাকে কোনো মানুষ এমনকি রসূল স.-ও বাঁচাতে পারে না।

তথ্য-৮

لَهُ مَقَالِيدُ السَّمَوَاتِ وَالْأَرْضِ يَنْسُطُ الرِّزْقَ لِمَنْ يَشَاءُ وَيَقْدِرُ ۗ

আকাশসমূহ ও পৃথিবীর চাবিকাঠি তাঁরই কাছে। তিনি যার জন্য ইচ্ছা করেন রিযিক বর্ধিত করেন এবং (তা) তিনি করেন নিজ তৈরি প্রোগ্রাম অনুযায়ী।

(সুরা শুরা/৪২ : ১২)

প্রচলিত ব্যাখ্যা : আল্লাহ তাৎক্ষণিকভাবে যাকে চান ব্যাপকভাবে জীবিকা দেন আর যাকে চান পরিমিত দেন।

তথ্য-৯

وَلَا يُحِيطُونَ بِشَيْءٍ مِنْ عِلْمِهِ إِلَّا بِمَا شَاءَ ۗ

তিনি যতটুকু ইচ্ছা করেন তা ছাড়া তাঁর জ্ঞানের কিছুই তারা আয়ত্ত্ব করতে পারে না।

(সুরা বাকারা/২ : ২৫৫)

প্রচলিত ব্যাখ্যা : আল্লাহর জানা বিষয় থেকে মানুষ শুধু ততটুকু জানতে পারে যতটুকু তিনি তাৎক্ষণিকভাবে ইচ্ছা করেন।

তথ্য-১০

إِنَّ اللَّهَ لَا يَغْفِرُ أَنْ يُشْرَكَ بِهِ وَيَغْفِرُ مَا دُونَ ذَلِكَ لِمَنْ يَشَاءُ ۗ

নিশ্চয় আল্লাহ তার সাথে শরিক করাকে ক্ষমা করেন না, আর এটা ছাড়া অন্যান্য গুনাহ যাকে ইচ্ছা ক্ষমা করেন।

(সূরা নিসা/৪ : ৪৮ ও ১১৬)

**প্রচলিত ব্যাখ্যা :** আল্লাহ নিজের তাৎক্ষণিক ইচ্ছা মতো মানুষের গুনাহ মাফ করেন।

**তথ্য-১১**

قُلْ لَا أَمَلٌ لِّنَفْسِي ضَرًّا وَلَا نَفْعًا إِلَّا مَا شَاءَ اللَّهُ لِكُلِّ أُمَّةٍ أَجَلٌ إِذَا جَاءَ أَجَلُهُمْ فَلَا يَسْتَأْخِرُونَ سَاعَةً وَلَا يَسْتَقْدِرُونَ .

বলো, আমার নিজের ভালো-মন্দের ওপর আমার কোনো কর্তৃত্ব নেই, আল্লাহর ইচ্ছা ছাড়া। প্রত্যেক জাতির একটি নির্দিষ্ট সময় আছে। যখন তাদের সে সময় আসবে তখন তারা তা এক মুহূর্তও পিছাতে পারবে না, আবার এক মুহূর্তও আগাতে পারবে না।

(সূরা ইউনুস/১০ : ৪৯)

**প্রচলিত ব্যাখ্যা :** আল্লাহর তাৎক্ষণিক ইচ্ছা ছাড়া কোনো মানুষ এমনকি রসূল স. কারও উপকার বা ক্ষতি করতে পারে না।

**তথ্য-১২**

نَرْفَعُ دَرَجَاتٍ مَّن نَّشَاءُ إِنَّ رَبَّكَ حَكِيمٌ عَلِيمٌ .

আমরা যাকে ইচ্ছা উচ্চতর মর্যাদা দান করি, নিশ্চয়ই তোমার রব মহাবিজ্ঞ ও মহাজ্ঞানী।

(সূরা আন'আম/৬ : ৮৩)

**প্রচলিত ব্যাখ্যা :** আল্লাহর তাৎক্ষণিক ইচ্ছায় মানুষ উচ্চ মর্যাদা পায়।

**তথ্য-১৩**

قُلْ إِنَّ الْفُضْلَ بِيَدِ اللَّهِ يُؤْتِيهِ مَن يَشَاءُ

(হে নবী) বলো— নিশ্চয় মর্যাদা (কারো ওপর কিতাব নাযিল করে তাকে মর্যাদা দেওয়া) আল্লাহরই হাতে। তিনি যাকে ইচ্ছা তা প্রদান করেন।

(সূরা আলে-ইমরান/৩ : ৭৩)

**প্রচলিত ব্যাখ্যা :** আল্লাহর তাৎক্ষণিক ইচ্ছা অনুযায়ী মানুষ সকল কল্যাণ (সম্মান, মর্যাদা, সন্তান-সন্ততি ইত্যাদি) পায়।

أَوْ يُزَوِّجُهُمْ ذُكْرَانًا وَإِنَّا نَافِعٌ وَيَجْعَلُ مِنْ يَشَاءُ عَقِيمًا<sup>ط</sup>

অথবা দান করেন পুত্র ও কন্যা উভয়ই, আবার যাকে ইচ্ছা তাকে করে দেন বন্ধ্যা।

(সূরা শূরা/৪২ : ৫০)

প্রচলিত ব্যাখ্যা : আল্লাহ তাৎক্ষণিকভাবে যাকে চান পুত্র ও কন্যা উভয় ধরনের সন্তান দেন, আর যাকে চান বন্ধ্যা করে দেন।

আল হাদীস

أَخْرَجَ الْإِمَامُ التِّرْمِذِيُّ ... .. حَدَّثَنَا هَنَّادٌ ... .. عَنْ أَنَسٍ قَالَ كَانَ رَسُولُ اللَّهِ ﷺ يُكْثِرُ أَنْ يَقُولَ: يَا مُقَلِّبِ الْقُلُوبِ! ثَبَّتْ قَلْبِي عَلَى دِينِكَ، فَقُلْتُ يَا نَبِيَّ اللَّهِ! أَمَّا بِكَ وَمِمَّا جِئْتُ بِهِ فَهَلْ تَحَافُ عَلَيْنَا؟ قَالَ نَعَمْ، إِنَّ الْقُلُوبَ بَيْنَ إِصْبَعَيْنِ مِنْ أَصَابِعِ اللَّهِ يُقَلِّبُهَا كَيْفَ يَشَاءُ.

ইমাম তিরমিযী রহ. আনাস ইবন মালিক রা.-এর বর্ণনা সনদের ৫ম ব্যক্তি হান্নাদ রহ. থেকে শুনে তাঁর 'আস-সুনান' গ্রন্থে লিখেছেন- আনাস ইবন মালিক রা. বলেন, প্রায়ই রসুলুল্লাহ স. এই দোয়া করতেন- হে অন্তর (মন) পরিবর্তনকারী আল্লাহ, আমার অন্তরকে তোমার দ্বীনের ওপর মজবুত রাখো। অতঃপর আমি বললাম, হে আল্লাহর নবী! আমরা আপনাতে এবং আপনি যে দ্বীন নিয়ে এসেছেন তাতে বিশ্বাস করেছি। আপনি কি আমাদের সম্পর্কে ভয় করেন? উত্তরে তিনি বললেন- হ্যাঁ। কেননা, সকল মন আল্লাহ তা'আলার আঙুলসমূহের দুইটি আঙুলের মধ্যে রয়েছে (অধিকারে রয়েছে)। তিনি নিজের ইচ্ছা মতো তা পরিবর্তন করে থাকেন।

◆ তিরমিযী, আস-সুনান, হাদীস নং-২১৪০।

◆ হাদীসটির সনদ ও মতন সহীহ।

প্রচলিত ব্যাখ্যা : আল্লাহ তা'আলা নিজের তাৎক্ষণিক ইচ্ছা মতো অন্তর (মন) পরিবর্তন করেন।

সম্মিলিত শিক্ষা : উল্লিখিত আয়াত ও হাদীসের মতো আরও আয়াত ও হাদীস রয়েছে। এ ধরনের আয়াত ও হাদীসের প্রচলিত ব্যাখ্যা থেকে যে কথা মুসলমান সমাজে ব্যাপকভাবে চালু হয়েছে তা হলো- মানুষের ঈমান আনা বা

না আনা, যে কোনো কাজে সফল হওয়া বা না হওয়া, রাজত্ব (শাসন ক্ষমতা), সম্মান, রিজিক পাওয়া বা না পাওয়া, জন্ম-মৃত্যু, জান্নাত ও জাহান্নাম প্রাপ্তি ইত্যাদি বিষয়সহ মহাবিশ্বে সংঘটিত হওয়া সকল ঘটনা-দুর্ঘটনা মহান আল্লাহর তাৎক্ষণিক (Instantaneous) ইচ্ছা অনুযায়ী হয়। অর্থাৎ আল্লাহর তাৎক্ষণিক ইচ্ছায় সকল কিছু সংঘটিত হয়। মানুষের ইচ্ছা ও কর্মপ্রচেষ্টার সেখানে কোনো ভূমিকা নেই। আল্লাহর ঐ ইচ্ছা কেউ পরিবর্তন করতে পারে না।


## কুরআন রিসার্চ ফাউন্ডেশন প্রকাশিত



### আল কুরআন

যুগের জ্ঞানের আলোকে  
অনুবাদ ও মৌলিক তাফসীর  
(সচিত্র)

শুধু বাংলা



সনদ ও মতন সহীহ

### হাদীস সংকলন

প্রথম খণ্ড

শুধু বাংলা

যোগাযোগ : ০১৯৪৪ ৪১১৫৬০ অথবা ০১৯৭৭ ৩০১৫১১

## ‘আল্লাহর তাৎক্ষণিক ইচ্ছায় সবকিছু সংঘটিত হয়’

### কথাটির গ্রহণযোগ্যতা পর্যালোচনা

চলুন এখন ‘আল্লাহর তাৎক্ষণিক ইচ্ছায় সকল কিছু সংঘটিত হয়’ প্রচলিত এ ধারণাটির সঠিকত্ব নির্ভুল জ্ঞানার্জনের ইসলামী নীতিমালার আলোকে পর্যালোচনা করা যাক—

#### Common sense

##### দৃষ্টিকোণ-১

###### □ মানুষের ইচ্ছা ও কর্মপ্রচেষ্টার মূল্য না থাকার দৃষ্টিকোণ

প্রচলিত কথাটি সঠিক হলে কার্য সম্পাদনে মানুষের ইচ্ছা ও কর্মপ্রচেষ্টার কোনো মূল্য বা ভূমিকা থাকে না। কিন্তু বাস্তবে আমরা দেখি মানুষ ইচ্ছা এবং চেষ্টা না করলে কোনো কিছু ঘটে না। আবার ইচ্ছা ও চেষ্টার ধরনের ভিত্তিতে সকল কাজের সফলতা ও ব্যর্থতা বা সফলতা ও ব্যর্থতার মাত্রা নির্ভর করে। তাই সকল কিছুর পরিণতি পূর্বনির্ধারিত কথাটি সম্পূর্ণ বাস্তবতা বা Common sense/আকল বিরোধী।

তাই ‘আল্লাহর তাৎক্ষণিক ইচ্ছায় মানুষের ও মহাবিশ্বের সকল কিছু সংঘটিত হয়’ Common sense/আকলের দৃষ্টিকোণ থেকে কথাটি সঠিক নয়।

##### দৃষ্টিকোণ-২

###### □ আল্লাহ সর্বশ্রেষ্ঠ ন্যায়-বিচারক হওয়ার দৃষ্টিকোণ

আল্লাহর তাৎক্ষণিক ইচ্ছায় মানুষের সকল কিছু সংঘটিত হলে তথা কার্য সম্পাদনে মানুষের ইচ্ছা ও কর্মপ্রচেষ্টার মূল্য না থাকলে, কাজের মাধ্যমে পরীক্ষা নিয়ে, সফল হলে মানুষকে পুরস্কৃত করা (জান্নাত দেওয়া) এবং ব্যর্থ হলে মানুষকে শাস্তি দেওয়া (জাহান্নামে পাঠানো) চরম অবিচার হয়। কিন্তু মহান আল্লাহ সবচেয়ে বড়ো ন্যায়-বিচারক।

তাই Common sense/আকলের এ দৃষ্টিকোণ থেকেও সহজে বলা যায়, আল্লাহর তাৎক্ষণিক ইচ্ছায় মানুষের সকল কিছু সংঘটিত হয় এ ধারণাটি সঠিক নয়।

\*\* ১৭ পৃষ্ঠায় উল্লিখিত নির্ভুল জ্ঞানার্জন ও ব্যবস্থা গ্রহণের ইসলামী প্রবাহচিত্র (নীতিমালা) অনুযায়ী একটি বিষয় সম্পর্কে Common sense/আকলের রায় হলো ঐ বিষয়ে ইসলামের প্রাথমিক রায়। তাই এ পর্যায়ে এসে সহজেই বলা যায় যে, ইসলামের প্রাথমিক রায় হলো ‘আল্লাহর তাৎক্ষণিক ইচ্ছায় মানুষের ও মহাবিশ্বের সকল কিছু সংঘটিত হয়’ প্রচলিত এ কথাটি সঠিক নয়।

আল কুরআন

তথ্য-১

وَأَنْ لَّيْسَ لِلْإِنْسَانِ إِلَّا مَا سَعَىٰ

আরও এই যে, মানুষের জন্য কিছুই নেই যার জন্য সে চেষ্টা করে না (মানুষ শুধু তাই পায় যা সে চেষ্টা করে)।

(সুরা নাজম/৫৩ : ৩৯)

ব্যাখ্যা : আয়াতটিতে স্পষ্ট করে বলা হয়েছে মানুষ নিজে চেষ্টা না করলে কিছুই পায় না। অন্যদিকে আল্লাহর ইচ্ছা লাগার কথা এখানে উল্লেখই করা হয়নি।

তথ্য-২

وَمَا أَصَابَكُمْ مِنْ مُصِيبَةٍ فَبِمَا كَسَبَتْ أَيْدِيكُمْ .....

আর তোমাদের যে বিপদ-আপদ ঘটে তা তোমাদের কৃতকর্মেরই ফল। ... ..

...

(সুরা শুরা/৪২ : ৩০)

ব্যাখ্যা : এখানে বলা হয়েছে, দুনিয়ায় মানুষের ওপর যে বিপদ আসে তা তাদের নিজ কর্মের ফল। অর্থাৎ মহান আল্লাহ এখানে পরিষ্কার করে জানিয়ে দিয়েছেন, ব্যক্তি বা সামষ্টিক মানুষের ওপর যে বিপদ আসে তা আল্লাহর তাৎক্ষণিক ইচ্ছার কারণে আসে এমনটি সঠিক নয়। ঐ বিপদ আসে মানুষের ভুল কর্মপদ্ধতির কারণে।

তথ্য-৩

ظَهَرَ الْفَسَادُ فِي الْبَحْرِ بِمَا كَسَبَتْ أَيْدِي النَّاسِ .....

মানুষের কৃতকর্মের দরুন স্থলে ও সমুদ্রে বিপর্যয় ছড়িয়ে পড়ে। ...

(সুরা রুম/৩০ : ৪১)

ব্যাখ্যা : এখানে বলা হয়েছে, মানুষের ওপর এবং মহাবিশ্বে যে অরাজকতা তথা বিপদ-আপদ আসে তা মানুষের কর্মের ফল। এখানেও বিপদ-আপদ আল্লাহর ইচ্ছায় আসার কথা অনুপস্থিত।

তথ্য-৪

وَمَا أَصَابَكَ مِنْ سَيِّئَةٍ فَمِنْ نَفْسِكَ<sup>ط</sup>

আর তোমার যা অকল্যাণ হয় তা নিজের পক্ষ থেকে।

(সুরা নিসা/৪ : ৭৯)

ব্যাখ্যা : এখানেও আল্লাহ তা'য়ালার ইচ্ছায় অকল্যাণ আসে বলা হয়নি।

তথ্য-৫

إِنَّ اللَّهَ لَا يُغَيِّرُ مَا بِقَوْمٍ حَتَّىٰ يُغَيِّرُوا مَا بِأَنفُسِهِمْ<sup>ط</sup>

নিশ্চয় আল্লাহ কোনো সম্প্রদায়ের অবস্থা পরিবর্তন করেন না যতক্ষণ না তারা নিজ অবস্থা নিজে পরিবর্তন করে।

(সুরা রাদ/১৩ : ১১)

ব্যাখ্যা : এখানে নিশ্চয়তা দিয়ে বলা হয়েছে জাতির অবস্থার পরিবর্তন জাতির লোকদের নিজ ইচ্ছা ও কর্মপ্রচেষ্টার ওপর নির্ভর করে।

তথ্য-৬

وَلَا تَكْسِبُ كُلُّ نَفْسٍ إِلَّا عَلَيْهَا<sup>ع</sup> وَلَا تَزِرُ وَازِرَةٌ وِزْرَ أُخْرَىٰ

আর প্রত্যেক ব্যক্তি (তা থেকে) কিছুই অর্জন করে না যা তার ওপর বর্তায় না (আর প্রত্যেকে স্বীয় কৃতকর্মের জন্য দায়ী), আর কেউ অন্যের বোঝা বহন করবে না।

(সুরা আন'আম/৬ : ১৬৪)

ব্যাখ্যা : এখানে বলা হয়েছে- ব্যক্তি যা অর্জন করে তা আল্লাহর তাৎক্ষণিক ইচ্ছায় ঘটে ব্যাপারটি মোটেই এমন নয়। বরং ব্যক্তি যা অর্জন করে তার জন্য সে নিজেই দায়ী। কারণ ঐটি তার নিজ কর্মের জন্যই হয়।

◆◆ আল কুরআনের এ সব আয়াতসহ আরও আয়াতের ভিত্তিতে নিশ্চিতভাবে জানা যায় যে- 'আল্লাহর তাৎক্ষণিক ইচ্ছায় মানুষ ও মহাবিশ্বের সকল কিছু সংঘটিত হয়, মানুষের ইচ্ছা ও কর্মপ্রচেষ্টার সেখানে কোনো ভূমিকা নেই' কথাটি একেবারেই সঠিক নয়।

\*\* ১৭ পৃষ্ঠায় উল্লিখিত নির্ভুল জ্ঞানার্জন ও ব্যবস্থা গ্রহণের ইসলামী প্রবাহচিত্র (নীতিমালা) অনুযায়ী একটি বিষয়ে ইসলামের প্রাথমিক রায়কে (Common sense/আকলের রায়) যদি কুরআন সমর্থন করে তবে ঐ প্রাথমিক রায় হবে ইসলামের চূড়ান্ত রায়। তাই এ পর্যায়ে এসে সহজেই বলা যায় যে, ইসলামের চূড়ান্ত রায় হলো ‘আল্লাহর তাৎক্ষণিক ইচ্ছায় মানুষের ও মহাবিশ্বের সকল কিছু সংঘটিত হয়’ প্রচলিত এ কথাটি সঠিক নয়।

### চূড়ান্ত রায় সমর্থনকারী হাদীস হাদীস-১

أَخْرَجَ الْإِمَامُ ابْنُ حِبَّانٍ، ... .. أَخْبَرَنَا الْحُسَيْنُ بْنُ عَبْدِ اللَّهِ الْقَطَّانُ، ...  
... عَنْ جَعْفَرِ بْنِ عَمْرٍو بْنِ أُمَيَّةَ، عَنْ أَبِيهِ، قَالَ: قَالَ رَجُلٌ لِلنَّبِيِّ ﷺ:  
أُرْسِلْ نَاقَتِي وَأَتَوَكَّلُ؟ قَالَ: اعْقَلْهَا وَتَوَكَّلْ.

ইবন হিব্বান রহ. আমার ইবন উমাইয়া রা.-এর বর্ণনা সনদের ৬ষ্ঠ ব্যক্তি হুসাইন ইবন আদিল্লাহ আল-কাত্তান রহ. থেকে শুনে তাঁর ‘আস-সহীহ’ গ্রন্থে লিখেছেন- আমার ইবন উমাইয়া রা. বলেন, এক ব্যক্তি রসূলুল্লাহ স.-কে বললেন- আমি আমার উটকে ছেড়ে দিয়ে তারপর আল্লাহর ওপর ভরসা করবো? রসূলুল্লাহ স. বললেন- আগে উট বাঁধো তারপর আল্লাহর ওপর ভরসা করো।

- ◆ ইবন হিব্বান, আস-সহীহ, হাদীস নং-৭৩১।
- ◆ হাদীসটির সনদ ও মতন সহীহ।

ব্যাখ্যা : রসূল স. এখানে স্পষ্ট করে জানিয়ে দিয়েছেন উট হারিয়ে না যাওয়ার ব্যাপারে শুধুমাত্র আল্লাহর কাছে দোয়া করলে চলবে না। প্রথমে উটকে ভালোভাবে বাঁধতে হবে। তারপর আল্লাহর কাছে দোয়া করতে হবে। তাই, এ হাদীসটির মাধ্যমে জানা যায়- সকল কাজ শুধুমাত্র আল্লাহর ইচ্ছায় সংঘটিত হয় প্রচারণাটি সঠিক নয়।

### হাদীস-২

أَخْرَجَ الْإِمَامُ الْبُخَارِيُّ، ... .. أَخْبَرَنَا مُحَمَّدُ بْنُ عَبْدِ الْأَعْلَى، ... .. عَنْ  
سَعِيدِ بْنِ الْمُسَيَّبِ، عَنْ أَبِيهِ، قَالَ: لَمَّا حَضَرَتْ أَبَا طَالِبٍ الْوَفَاءُ دَخَلَ عَلَيْهِ النَّبِيُّ

عَلَيْهِ وَسَلَّمَ وَعِنْدَهُ أَبُو جَهْلٍ وَعَبْدُ اللَّهِ بْنُ أَبِي أُمَيَّةَ فَقَالَ: أَيُّ عَمْرٍ قُلْ لَا إِلَهَ إِلَّا اللَّهُ كَلِمَةً  
 أَحَاجُّ لَكَ بِهَا عِنْدَ اللَّهِ عَزَّ وَجَلَّ. فَقَالَ لَهُ أَبُو جَهْلٍ وَعَبْدُ اللَّهِ بْنُ أَبِي أُمَيَّةَ: يَا أَبَا  
 طَالِبٍ أَتَرْتَعِبُ عَنْ مِلَّةِ عَبْدِ الْمُطَّلِبِ. فَلَمْ يَزَلْ لَا يُكَلِّمَانِهِ حَتَّى كَانَ آخِرُ شَيْءٍ  
 كَلَّمَهُمْ بِهِ عَلَى مِلَّةِ عَبْدِ الْمُطَّلِبِ. فَقَالَ لَهُ النَّبِيُّ صَلَّى اللَّهُ عَلَيْهِ وَسَلَّمَ (لِاسْتَعْفِرَنَّ لَكَ  
 مَا لَمْ أَنَّهُ عَنكَ. فَزَلْتِ مَا كَانَ لِلنَّبِيِّ وَالَّذِينَ آمَنُوا أَنْ يَسْتَغْفِرُوا لِلْمُشْرِكِينَ)  
 وَنَزَلَتْ (إِنَّكَ لَا تَهْدِي مَنْ أَحْبَبْتَ).

ইমাম বুখারী রহ. মুসাইয়্যাব রা.-এর বর্ণনা সনদের ৪র্থ ব্যক্তি মুহাম্মাদ ইবনু  
 আব্দুল আলা রহ. থেকে শুনে তাঁর 'আস-সহীহ' গ্রন্থে লিখেছেন- মুসাইয়্যাব  
 রা. বলেছেন, যখন আবু তালেবের মৃত্যু উপস্থিত হলো তখন রসুল স. তার  
 কাছে আসলেন। সে সময় তার সামনে আবু জাহল ও আবদুল্লাহ ইবনু আবু  
 উমাইয়াও ছিল। তিনি বললেন হে চাচাজান আপনি একবার বলুন- لَا إِلَهَ إِلَّا  
 اللَّهُ। আমি তাই নিয়ে আল্লাহর কাছে যথাসাধ্য চেষ্টা চালাবো (সাফায়াত  
 করবো)।

তখন আবু জাহল ও আবদুল্লাহ ইবনু আবু উমাইয়া বললো- হে আবু তালিব,  
 আপনি কি আব্দুল মুত্তালিবের ধর্ম থেকে সরে যাবেন? তারা সর্বক্ষণই এ কথা  
 বলতে থাকল। শেষ পর্যন্ত তার মুখ দিয়ে শেষ শব্দ যা বের হয়েছিল তা  
 ছিল- আমি আব্দুল মুত্তালিবের ধর্মের ওপর মৃত্যুবরণ করছি।

তখন রসুল স. বললেন- আমি আপনার জন্য অবশ্যই অবশ্যই মাগফিরাত  
 চাইবো যতক্ষণ না আমাকে নিষেধ করা হয়। তখন এ আয়াত অবতীর্ণ হয়-

مَا كَانَ لِلنَّبِيِّ وَالَّذِينَ آمَنُوا أَنْ يَسْتَغْفِرُوا لِلْمُشْرِكِينَ وَلَوْ كَانُوا أُولِي قُرْبَىٰ مِنْ بَعْدِ مَا  
 تَبَيَّنَ لَهُمْ أَنَّهُمْ أَصْحَابُ الْجَحِيمِ .

(আত্মীয়-স্বজন হলেও মুশরিকদের জন্যে ক্ষমা প্রার্থনা করা নবী এবং  
 মু'মিনদের জন্যে সংগত নয় যখন তাদের কাছে এটা সুস্পষ্ট হয়ে গেছে যে,  
 তারা জাহান্নামের অধিবাসী)

(সূরা তাওবা/৯ : ১১৩)

আর এ আয়াতও অবতীর্ণ হয়-


إِنَّكَ لَا تَهْدِي مَنْ أَحْبَبْتَ وَلَكِنَّ اللَّهَ يَهْدِي مَنْ يَشَاءُ.....

(নিশ্চয় তুমি যাকে ভালোবাসো (চাইলেই) তাকে সঠিক পথে আনতে পারবে না, তবে আল্লাহ যাকে ইচ্ছা সঠিক পথপ্রদর্শন করেন)

(সুরা কাসাস/২৮ : ৫৬)

- ◆ বুখারী, আস-সহীহ, হাদীস নং-৩৮৮৪।
- ◆ হাদীসটির সনদ ও মতন সহীহ।

হাদীসের সনদ ও মতন  
উভয়টি বিচার বিশ্লেষণ করে  
সম্পূর্ণ ব্যতিক্রমী যুগোপযোগী ব্যাখ্যাসহ



সনদ ও মতন সহীহ  
হাদীস সংকলন  
প্রথম খণ্ড

## ইচ্ছা সম্পর্কিত আপাত বিরোধী আয়াত ও হাদীস নিয়ে সমস্যা

আমরা দেখতে পেলাম, 'ইচ্ছা' সম্পর্কিত আপাত বিরোধী আয়াত আছে। কিন্তু আল কুরআন বলছে—

وَلَوْ كَانَ مِنْ عِنْدِ غَيْرِ اللَّهِ لَوَجَدُوا فِيهِ اخْتِلَافًا كَثِيرًا .

অথচ তা যদি আল্লাহ ছাড়া অন্য কারো কাছ থেকে আসতো তবে নিঃসন্দেহে তারা তাতে অনেক পরস্পর বিরোধিতা (পরস্পর বিরোধী বক্তব্য) পেতো।

(সুরা নিসা/৪ : ৮২)

وَأَنَّ الَّذِينَ اخْتَلَفُوا فِي الْكِتَابِ لَفِي شِقَاقٍ بَعِيدٍ .

আর নিশ্চয় যারা কিতাবের মধ্যে (পরস্পর) বিরোধিতা (আবিষ্কার) করেছে তারা অবশ্যই জেদের বশবর্তী হয়ে (সত্য হতে) অনেক দূরে চলে গিয়েছে।

(সুরা বাকারা/২ : ১৭৬)

সম্মিলিত ব্যাখ্যা : এ দুটি আয়াতের মাধ্যমে স্পষ্টভাবে জানা যায় যে, আল কুরআনে পরস্পর বিরোধী প্রত্যক্ষ বা পরোক্ষ কোনো বক্তব্য নেই।

তাই আল কুরআন (ও হাদীসে) ইচ্ছা সম্পর্কিত আপাত বিরোধী বক্তব্য থাকা এক বিরাট সমস্যা। আমাদের এ সমস্যার সমাধান করতে হবে। অর্থাৎ ইচ্ছা সম্পর্কিত আয়াতের (ও হাদীসের) এমন অর্থ ও ব্যাখ্যা বের করতে হবে যা পরস্পর সম্পূরক হবে।

## ইচ্ছা সম্পর্কিত আপাত বিরোধী আয়াতের ও হাদীসের সমস্যার সমাধান

একটি কাজ সম্পাদনের সাথে সম্পৃক্ত 'ইচ্ছা' দুই ধরনের হয়—

১. তাৎক্ষণিক (Instantaneous) ইচ্ছা ।

২. অতাতক্ষণিক (Non-instantaneous) ইচ্ছা ।

**তাৎক্ষণিক ইচ্ছা :** এ ধরনের 'ইচ্ছা' করা হয় কাজ শুরু করার পূর্ব মুহূর্তে ।

**অতাতক্ষণিক ইচ্ছা :** এ ধরনের 'ইচ্ছা' করা হয় কাজ শুরু হওয়ার অনেক আগে । আর এটি প্রয়োগ করা হয় প্রোথামের (বিধি-বিধান, আইন-কানুন, দিক-নির্দেশনা, প্রাকৃতিক আইন, পরিচালনা পদ্ধতি ইত্যাদি) মাধ্যমে ।

### উদাহরণ

একটি উদাহরণ দিলে বিষয়টি সহজে বোঝা যাবে । ধরুন একটি রেডিও । রেডিটির একটি চালু করার ও একটি বন্ধ করার বোতাম (on/off button) আছে । এক ব্যক্তি চায় রেডিওটি অন করতে । এ জন্য সে বন্ধ করার বোতামে চাপ দিচ্ছে । এতে রেডিও অন হচ্ছে না । কার ইচ্ছায় এমনটি হচ্ছে? নিশ্চয়ই ব্যক্তির ইচ্ছায় নয় । কারণ সেতো রেডিওটি অন করতে চায় । রেডিওটি অন হচ্ছে না সেটির প্রস্তুতকারী প্রকৌশলীর (Engineer) ইচ্ছায় । কিন্তু প্রকৌশলী তাৎক্ষণিকভাবে ইচ্ছাটি করছেন না । এটি হচ্ছে তাঁর অতাতক্ষণিক ইচ্ছায় । অর্থাৎ তার পূর্বে নির্ধারণ করে রাখা প্রোথাম (Programme) বা পরিচালনা পদ্ধতির কারণে । রেডিওটি তৈরি করার সময় প্রকৌশলী প্রোথাম নির্ধারণ করে নিজ ইচ্ছা প্রয়োগ করে রেখেছেন ।

### তাই—

১. কোনো ব্যক্তির সঠিক বোতামে চাপ দেওয়ার পর রেডিও চালু হওয়ার ব্যাখ্যা হলো— প্রকৌশলীর অতাতক্ষণিক ইচ্ছা এবং ব্যক্তির তাৎক্ষণিক ইচ্ছা মিলে যাওয়ায় রেডিওটি চালু হওয়া ।
২. কোনো ব্যক্তির ভুল বোতামে চাপ দেওয়ার পর রেডিওটি চালু না হওয়ার ব্যাখ্যা হলো— প্রকৌশলীর অতাতক্ষণিক ইচ্ছার সাথে ব্যক্তির তাৎক্ষণিক ইচ্ছা না মিলায় রেডিওটি চালু না হওয়া ।

আল্লাহ তা'য়ালা মহাবিশ্ব সৃষ্টির ৫০,০০০ বছর পূর্বে সকল কিছুর জন্য দুই ধরনের প্রোগ্রাম (বিধি-বিধান, আইন-কানুন, দিক-নির্দেশনা, প্রাকৃতিক আইন, পরিচালনা পদ্ধতি ইত্যাদি) করে রেখেছেন-

১. সফল হওয়ার প্রোগ্রাম।
২. ব্যর্থ হওয়ার প্রোগ্রাম।

এ তথ্যটি আল্লাহ জানিয়ে দিয়েছেন এভাবে-

ع  
وَهَدَيْنَاهُ النَّجْدَيْنِ.

আর আমরা তাকে (মানুষকে) উভয় (সঠিক ও ভুল) পথের পথনির্দেশন করেছি (প্রোগ্রাম জানিয়ে দিয়েছি)।

(সুরা বালাদ/৯০ : ১০)

তাই-

১. একটি কাজ সফল হয় তখন যখন- ব্যক্তি তার ইচ্ছা ও কর্ম প্রচেষ্টা ঐ কাজের আল্লাহর তৈরি সফল হওয়ার প্রোগ্রাম অনুযায়ী প্রয়োগ করে।  
অর্থাৎ সফলতার অর্থ হলো- মানুষের তাৎক্ষণিক ইচ্ছা ও কর্ম প্রচেষ্টা, আল্লাহর তৈরি সফলতামূলক অতাত্মক্ষণিক ইচ্ছা তথা সফলতামূলক প্রোগ্রাম অনুযায়ী প্রয়োগ করা।
২. একটি কাজ ব্যর্থ হয় তখন যখন- ব্যক্তি তার ইচ্ছা ও কর্ম প্রচেষ্টা ঐ কাজের আল্লাহর তৈরি ব্যর্থতামূলক অতাত্মক্ষণিক ইচ্ছা তথা ব্যর্থতামূলক প্রোগ্রাম অনুযায়ী প্রয়োগ করে।  
অর্থাৎ ব্যর্থতার অর্থ হলো- মানুষের তাৎক্ষণিক ইচ্ছা ও কর্ম প্রচেষ্টা, আল্লাহর ব্যর্থতামূলক অতাত্মক্ষণিক ইচ্ছা তথা ব্যর্থতামূলক প্রোগ্রাম অনুযায়ী প্রয়োগ করা।

তাই, মানুষের করা একটি কাজ-

১. সফল হওয়ার অর্থ হলো আল্লাহর নির্ধারণ করে রাখা সফল হওয়ার প্রোগ্রাম অনুযায়ী কাজটি করার দরুন সফল হওয়া। অর্থাৎ আল্লাহর অতাত্মক্ষণিক ইচ্ছার সাথে মানুষের তাৎক্ষণিক ইচ্ছা ও কর্মপ্রচেষ্টা মিলিত হয়ে কাজটি সফল হওয়া।
২. ব্যর্থ হওয়ার অর্থ হলো আল্লাহর নির্ধারণ করে রাখা ব্যর্থ হওয়ার প্রোগ্রাম অনুযায়ী কাজটি করার দরুন ব্যর্থ হওয়া। অর্থাৎ আল্লাহর অতাত্মক্ষণিক ইচ্ছা এবং মানুষের তাৎক্ষণিক ইচ্ছা ও কর্মপ্রচেষ্টা মিলিত হয়ে কাজটি ব্যর্থ হওয়া।

আল্লাহর ইচ্ছার অর্থ আল্লাহর অতাত্ক্ষণিক ইচ্ছা তথা  
আল্লাহর তৈরি প্রোত্থাম ধরলে আগে উল্লিখিতসহ আরও কিছু  
আয়াত ও হাদীসের যে অর্থ ও ব্যাখ্যা দাঁড়ায়

আল কুরআন

তথ্য-১

وَمَا تَشَاءُونَ إِلَّا أَنْ يَشَاءَ اللَّهُ رَبُّ الْعَالَمِينَ .

আর তোমাদের ইচ্ছায় কিছুই হয় না জগৎসমূহের রব আল্লাহর ইচ্ছা ছাড়া ।

(সুরা তাকভীর/৮১ : ২৯)

প্রকৃত ব্যাখ্যা : মানুষের তাৎক্ষণিক ইচ্ছায় ঘটনা-দুর্ঘটনা, সফলতা, ব্যর্থতা  
কিছুই সংঘটিত হয় না । বরং-

১. ঘটনা-দুর্ঘটনা সংঘটিত হয় যখন আল্লাহর অতাত্ক্ষণিক ইচ্ছা তথা  
আল্লাহর তৈরি ঘটনা-দুর্ঘটনা সংঘটিত হওয়ার প্রোত্থাম অনুযায়ী  
মানুষের তাৎক্ষণিক ইচ্ছা ও কর্মপ্রচেষ্টা প্রয়োগ হয় ।
২. কাজ সফল হয় যখন মানুষের তাৎক্ষণিক ইচ্ছা ও কর্মপ্রচেষ্টা,  
আল্লাহর অতাত্ক্ষণিক ইচ্ছা তথা কাজ সফল হওয়ার আল্লাহর তৈরি  
প্রোত্থাম অনুযায়ী/অনুসরণ করে পালন করা হয় ।
৩. কাজ ব্যর্থ হয় যখন মানুষের তাৎক্ষণিক ইচ্ছা ও কর্মপ্রচেষ্টা, আল্লাহর  
অতাত্ক্ষণিক ইচ্ছা তথা কাজ ব্যর্থ হওয়ার আল্লাহর তৈরি প্রোত্থাম  
অনুযায়ী/অনুসরণ করে পালন করা হয় ।

তথ্য-২

مَنْ يَشَأِ اللَّهُ يُضِلَّهُ وَمَنْ يَشَأِ يُجْعَلْهُ عَلَى صِرَاطٍ مُسْتَقِيمٍ .

আল্লাহ যাকে ইচ্ছা বিপদগামী করেন এবং যাকে ইচ্ছা স্থায়ী পথের ওপর  
প্রতিষ্ঠিত করেন ।

(সুরা আন'আম/৬ : ৩৯)

**প্রকৃত ব্যাখ্যা :** আল্লাহর অতাৎক্ষণিক ইচ্ছা তথা আল্লাহর তৈরি বিপথগামী হওয়ার প্রোগ্রাম অনুযায়ী নিজ তাৎক্ষণিক ইচ্ছায় চলার কারণে মানুষ বিপথগামী হয় এবং আল্লাহর অতাৎক্ষণিক ইচ্ছা তথা আল্লাহর তৈরি স্থায়ী পথ পাওয়ার প্রোগ্রাম অনুযায়ী নিজ তাৎক্ষণিক ইচ্ছায় চলার কারণে মানুষ স্থায়ী পথ পায়।

### তথ্য-৩

قُلِ اللَّهُمَّ مَلِكًا الْمَلِكُ تُؤْتِي الْمَلِكَ مِنْ تَشَاءُ وَتَنْزِعُ الْمَلِكَ مِنْ تَشَاءُ وَتُعْزِزُ مَنْ تَشَاءُ وَتُذِلُّ مَنْ تَشَاءُ بِيَدِكَ الْخَيْرُ إِنَّكَ عَلَىٰ كُلِّ شَيْءٍ قَدِيرٌ .

বলো, রাষ্ট্রক্ষমতার মালিক হে আল্লাহ! আপনি যাকে ইচ্ছা রাষ্ট্রক্ষমতা দেন ও যার কাছ থেকে ইচ্ছা রাষ্ট্রক্ষমতা কেড়ে নেন এবং যাকে ইচ্ছা সম্মানিত করেন ও যাকে ইচ্ছা অপমানিত করেন, সমস্ত কল্যাণ আপনারই হাতে, নিশ্চয় আপনি সকল বিষয়ে সর্বশক্তিমান।

(সূরা আলে-ইমরান/৩ : ২৬)

**প্রকৃত ব্যাখ্যা :** আয়াতটির পুস্তিকার আলোচ্য বিষয় সম্পর্কিত অংশের প্রকৃত ব্যাখ্যা হলো—

১. আল্লাহর অতাৎক্ষণিক ইচ্ছা তথা আল্লাহর তৈরি রাষ্ট্রক্ষমতা পাওয়ার প্রোগ্রাম অনুযায়ী চেষ্টা-সাধনা করায় মানুষ রাষ্ট্রক্ষমতা পায়।
২. আল্লাহর অতাৎক্ষণিক ইচ্ছা তথা আল্লাহর তৈরি রাষ্ট্রক্ষমতা হারানোর প্রোগ্রাম অনুযায়ী কাজ করায় মানুষ রাষ্ট্রক্ষমতা হারায়।
৩. আল্লাহর অতাৎক্ষণিক ইচ্ছা তথা আল্লাহর তৈরি সম্মান পাওয়ার প্রোগ্রাম অনুযায়ী চেষ্টা-সাধনা করায় মানুষ সম্মান পায়।
৪. আল্লাহর অতাৎক্ষণিক ইচ্ছা তথা আল্লাহর তৈরি অপমানিত হওয়ার প্রোগ্রাম অনুযায়ী কাজ করলে মানুষ অপমানিত হয়।

### তথ্য-৪

فَيَغْفِرُ لِمَنْ يَشَاءُ وَيُعَذِّبُ مَنْ يَشَاءُ

অতঃপর তিনি যাকে ইচ্ছা ক্ষমা করেন এবং যাকে ইচ্ছা শাস্তি দেন।

(সূরা বাকারা/২ : ২৮৪)

**প্রকৃত ব্যাখ্যা :** অতঃপর আল্লাহর অতাৎক্ষণিক ইচ্ছা তথা আল্লাহর তৈরি করা ও জানিয়ে দেওয়া—

- ক্ষমা পাওয়ার প্রোগ্রাম অনুযায়ী যে চেষ্টা-সাধনা করে সে ক্ষমা পায়।
- শাস্তি পাওয়ার প্রোগ্রাম অনুযায়ী যে কাজ করে সে শাস্তি পায়।

## তথ্য-৫

إِنَّ اللَّهَ لَا يُغَيِّرُ مَا بِقَوْمٍ حَتَّىٰ يُغَيِّرُوا مَا بِأَنفُسِهِمْ<sup>ط</sup>

নিশ্চয় আল্লাহ কোনো সম্প্রদায়ের অবস্থা পরিবর্তন করেন না যতক্ষণ না তারা নিজ অবস্থা নিজে পরিবর্তন করে।

(সুরা রাদ/১৩ : ১১)

**প্রকৃত ব্যাখ্যা :** নিশ্চয় আল্লাহ তাৎক্ষণিক ইচ্ছায় কোনো সম্প্রদায়ের (জাতি) অবস্থা পরিবর্তন করেন না। সম্প্রদায়ের অবস্থা পরিবর্তন হয় যখন আল্লাহর অতাৎক্ষণিক ইচ্ছা তথা আল্লাহর তৈরি অবস্থা পরিবর্তন হওয়ার প্রোথাম অনুযায়ী সম্প্রদায়ের লোকেরা চেষ্টা করে।

## তথ্য-৬

وَلَوْ أَنَّنَا نَزَّلْنَا إِلَيْهِمُ الْمَلَكَةَ وَكَلَّمَهُمُ الْمَوْتَىٰ وَحَشَرْنَا عَلَيْهِمْ كُلَّ شَيْءٍ قُبُلًا مَا كَانُوا لِيَوْمٍئِذٍ مُّؤْمِنًا إِلَّا أَنْ يَشَاءَ اللَّهُ.....

**সরল অনুবাদ :** আর আমরা যদি তাদের কাছে ফেরেশতা প্রেরণ করতাম, মৃতরা যদি তাদের সাথে কথা বলতো এবং সব বস্তুকে তাদের সম্মুখে উপস্থিত করা হতো তবুও তারা আল্লাহর ইচ্ছা ছাড়া ঈমান আনতো না। ... ..

(সুরা আন'আম/৬ : ১১১)

**প্রকৃত ব্যাখ্যা :** ফেরেশতা নাযিল হলে, মৃত মানুষদের সাথে কথা হলে বা সকল বস্তুকে সম্মুখে উপস্থিত করলেও ব্যক্তি মানুষ ঈমান আনতে পারবে না যদি আল্লাহর অতাৎক্ষণিক ইচ্ছা তথা আল্লাহর তৈরি ঈমান আনার প্রোথাম অনুসরণ করে সে চেষ্টা না করে।

## তথ্য-৭

وَلَا تَقُولَنَّ لِشَيْءٍ إِنِّي فَاعِلٌ ذَٰلِكَ غَدًا<sup>٥</sup>. إِلَّا أَنْ يَشَاءَ اللَّهُ ۗ وَادْكُرْ رَبَّكَ إِذَا أَنْسَيْتَ ۗ وَقُلْ عَسَىٰ أَنْ يَهْدِيَنِي رَّبِّي لِأَقْرَبَ مِنْ هَٰذَا رَشْدًا.

আর কখনো তুমি কোনো বিষয়ে বলো না আমি আগামীকাল অমুক কাজটি করবো। আল্লাহর ইচ্ছা ছাড়া। যদি ভুলে যাও তবে তোমার রবকে স্মরণ করো এবং বলো সম্ভবত আমার রব আমাকে এ কাজে সফল হওয়ার শতভাগ সঠিক অবস্থানটির কাছাকাছি অবস্থানে পৌঁছার পথ দেখাবেন।

(সুরা কাহাফ/১৮ : ২৩ ও ২৪)

আয়াতটির অংশভিত্তিক প্রকৃত ব্যাখ্যা

‘কখনো তুমি কোনো বিষয়ে বলো না আমি আগামীকাল অমুক কাজটি করবো’  
অংশের ব্যাখ্যা : রসুলুল্লাহ স. ও মানুষের জন্য বলা নিষেধ যে, আমি  
আগামীকাল অমুক কাজটি শতভাগ সঠিকভাবে পালন করবো ।

‘আল্লাহর ইচ্ছা ছাড়া’ অংশের ব্যাখ্যা : একটি কাজ শতভাগ নির্ভুলভাবে পালন  
করতে হলে সেটিকে আল্লাহর অতাৎক্ষণিক ইচ্ছা তথা আল্লাহর তৈরি  
প্রোগ্রামে থাকা সকল অনুঘটককে (Factor) শতভাগ সঠিকভাবে পালন  
করতে হবে । এটি কারো পক্ষে সম্ভব নয় ।

‘যদি ভুলে যাও তবে ... .. আমাকে এ কাজে সফল হওয়ার শতভাগ  
সঠিক অবস্থানটির কাছাকাছি অবস্থানে পৌঁছার পথ দেখাবেন’ অংশের ব্যাখ্যা :  
একটি কাজ পালন করার সময়, আল্লাহর তৈরি প্রোগ্রামে থাকা শতভাগ সঠিক  
অবস্থানটির কাছাকাছি অবস্থানে থেকে পালন করার তৌফিক দিতে আল্লাহর  
কাছে দোয়া করতে হবে ।

তথ্য-৮

وَمَنْ يُرِدِ اللَّهُ فِتْنَتَهُ فَلَنْ يَمْلِكَ لَهُ مِنَ اللَّهِ شَيْئًا ۗ أُولَٰئِكَ الَّذِينَ لَمْ يُرِدِ اللَّهُ أَنْ يُطَهِّرَ  
قُلُوبَهُمْ

আর আল্লাহ যাকে পরীক্ষায় ফেলতে ইচ্ছা করেন তার জন্য আল্লাহর কাছে  
তোমার কিছুই করার নেই । ওরাই তারা যাদের মনকে আল্লাহ কলুষমুক্ত  
করতে চান না ।

(সুরা মায়েরা/৫ : ৪১)

প্রকৃত ব্যাখ্যা : আল্লাহর অতাৎক্ষণিক ইচ্ছা তথা আল্লাহর তৈরি পরীক্ষায়  
পড়ার প্রোগ্রাম অনুযায়ী নিজ তাৎক্ষণিক ইচ্ছা ও কর্মচেষ্টায় যে পরীক্ষায় পড়ে,  
রসুল স.-সহ কেউ তাকে পরীক্ষায় পড়া হতে বাঁচাতে পারে না । এরাই সেই  
লোক যাদের মন আল্লাহর অতাৎক্ষণিক ইচ্ছা তথা আল্লাহর তৈরি প্রোগ্রাম  
অনুযায়ী কলুষমুক্ত হয় না ।

তথ্য-৯

يَبْسُطُ الرِّزْقَ لِمَنْ يَشَاءُ وَيَقْدِرُ ۗ

তিনি যার জন্য ইচ্ছা রিযিক বর্ধিত করেন এবং (তা) তিনি করেন নিজ তৈরি  
প্রোগ্রাম অনুযায়ী ।  
(সুরা শুরা/৪২ : ১২)

প্রকৃত ব্যাখ্যা : আল্লাহর অতাত্মক্ষণিক ইচ্ছা অনুযায়ী মানুষ অধিক রিজিক পায়। আর এটি ঘটে আল্লাহর তৈরি অধিক রিজিক পাওয়ার প্রোথাম অনুযায়ী মানুষের চেষ্টা করার ফলে।

তথ্য-১০

وَلَا يُحِطُونَ بِشَيْءٍ مِّنْ عِلْمِهِ إِلَّا بِمَا شَاءَ

তঁার ইচ্ছা ছাড়া তঁার জ্ঞানের কিছুই তারা অর্জন করতে পারে না।

(সুরা বাকারা/২ : ২৫৫)

প্রকৃত ব্যাখ্যা : আল্লাহর অতাত্মক্ষণিক ইচ্ছা তথা আল্লাহর তৈরি প্রোথাম অনুযায়ী চেষ্টা-সাধনা না করলে মানুষ আল্লাহর জ্ঞানের কিছুই অর্জন করতে পারে না।

তথ্য-১১

إِنَّ اللَّهَ لَا يَغْفِرُ أَنْ يُشْرَكَ بِهِ وَيَغْفِرُ مَا دُونَ ذَلِكَ لِمَنْ يَشَاءُ وَمَنْ يُشْرِكْ بِاللَّهِ فَقَدْ افْتَرَىٰ إِثْمًا عَظِيمًا

নিশ্চয় আল্লাহ তঁার সাথে শরিক করাকে ক্ষমা করেন না। আর এটা ছাড়া অন্যান্য গুনাহ যাকে ইচ্ছা ক্ষমা করেন। আর যে আল্লাহর সাথে শরিক করলো সে অতিবড়ো এক গুনাহ রচনা করলো।

(সুরা নিসা/৪ : ৪৮ ও ১১৬)

আয়াতটির অংশভিত্তিক প্রকৃত ব্যাখ্যা

‘নিশ্চয় আল্লাহ তঁার সাথে শরিক করাকে ক্ষমা করেন না’ অংশের ব্যাখ্যা : নিশ্চয় আল্লাহ শিরক সম্পর্কিত কবীরা গুনাহ তাওবা ছাড়া ক্ষমা করেন না।

‘আর এটা ছাড়া অন্যান্য গুনাহ যাকে ইচ্ছা ক্ষমা করেন’ অংশের ব্যাখ্যা : শিরক সম্পর্কিত কবীরা গুনাহ ছাড়া অন্য গুনাহ (শিরক সম্পর্কিত মধ্যম ও ছগীরা গুনাহ) তঁার তৈরি করা ও জানিয়ে দেওয়া মাফ পাওয়ার প্রোথাম অনুযায়ী কাজ করলে মানুষ মাফ পেয়ে যাবে।

‘আর যে আল্লাহর সাথে শরিক করলো সে অতিবড়ো এক গুনাহ রচনা করলো’ অংশের ব্যাখ্যা : আল্লাহর সাথে শরিক করা অতিবড়ো গুনাহ।

তথ্য-১২

قُلْ لَا أَمْلِكُ لِنَفْسِي ضَرًّا وَلَا نَفْعًا إِلَّا مَا شَاءَ اللَّهُ

বলো, আমার নিজের ভালো-মন্দের ওপর আমার কোনো কর্তৃত্ব নেই, আল্লাহর ইচ্ছা ছাড়া।

(সুরা ইউনুস/১০ : ৪৯)

**প্রকৃত ব্যাখ্যা :** নিজের ভালো-মন্দের ওপর রসুলুল্লাহসহ স. মানুষের সরাসরি কোনো কর্তৃত্ব নেই। আল্লাহর অতাৎক্ষণিক ইচ্ছা তথা আল্লাহর তৈরি প্রোথাম অনুযায়ী চেষ্টা-সাধনা বা কাজ করার দরুন মানুষের ভালো বা মন্দ হয়।

**তথ্য-১৩**

نَرْفَعُ دَرَجَاتٍ مَّن نَّشَاءُ إِنَّ رَبَّكَ حَكِيمٌ عَلِيمٌ ۝

আমরা যাকে ইচ্ছা উচ্চতর মর্যাদা দান করি, নিশ্চয়ই তোমার রব মহাবিজ্ঞ ও মহাজ্ঞানী।

(সুরা আন'আম/৬ : ৮৩)

**প্রকৃত ব্যাখ্যা :** আল্লাহর অতাৎক্ষণিক ইচ্ছা তথা আল্লাহর তৈরি প্রোথাম অনুযায়ী চেষ্টা-সাধনা করার ফলে মানুষ উচ্চতর মর্যাদা পায়। নিশ্চয় তোমার রব অতীব জ্ঞানী ও বিজ্ঞ।

**তথ্য-১৪**

أَوْ يُزَوِّجَهُمْ دُكْرَانًا وَإِنَّا لَنَجْعَلُ مَن نَّشَاءُ عَقِيمًا ۝

অথবা তাদেরকে দান করেন পুত্র ও কন্যা উভয়ই। আবার যাকে ইচ্ছা তাকে করেন বন্ধ্যা।

(সুরা শুরা/৪২ : ৫০)

**প্রকৃত ব্যাখ্যা :** আল্লাহর অতাৎক্ষণিক ইচ্ছা তথা আল্লাহর তৈরি প্রোথাম অনুযায়ী কেউ পুত্র ও কন্যা উভয় ধরনের সন্তান লাভ করে। আবার কেউ বন্ধ্যা হয়।

**তথ্য-১৫**

إِنَّكَ لَا تَهْدِي مَنْ أَحْبَبْتَ وَلَكِنَّ اللَّهَ يَهْدِي مَن يَشَاءُ ۝

নিশ্চয় তুমি (রসুলুল্লাহ স.) যাকে ভালোবাসো (চাইলেই) তাকে সঠিক পথে আনতে পারবে না। তবে আল্লাহ যাকে ইচ্ছা সঠিক পথপ্রদর্শন করেন।

(সুরা কাসাস/২৮ : ৫৬)

**প্রকৃত ব্যাখ্যা :** যখন রসুলুল্লাহ স. তাঁর অতি প্রিয় চাচা আবু তালিবকে ঈমান গ্রহণ করানোর চেষ্টা করছিলেন তখন আয়াতটি নাযিল হয়। আয়াতটির

ব্যাখ্যা হলো— রসুলুল্লাহ স. যাকে ভালোবাসেন চাইলেই তাকে সঠিক পথে আনতে পারবেন না। মানুষ সঠিক পথ পায় আল্লাহর অতাত্মক্ষণিক ইচ্ছা তথা আল্লাহর তৈরি প্রোত্থাম অনুযায়ী নিজ চেষ্টা-সাধনার ফলে।

আল হাদীস

أَخْرَجَ الْإِمَامُ التِّرْمِذِيُّ..... حَدَّثَنَا هَنَّادٌ..... عَنْ أَنَسٍ قَالَ كَانَ رَسُولُ اللَّهِ ﷺ يُكْنِزُ أَنْ يَقُولَ: يَا مُقَلِّبَ الْقُلُوبِ! ثَبِّتْ قَلْبِي عَلَى دِينِكَ، فَقُلْتُ يَا نَبِيَّ اللَّهِ! أَمَّا بِكَ وَبِمَا جِئْتَ بِهِ فَهَلْ تَحَاكُ عَلَيْنَا؟ قَالَ نَعَمْ، إِنَّ الْقُلُوبَ بَيْنَ إِصْبَعَيْنِ مِنْ أَصَابِعِ اللَّهِ يُقَلِّبُهَا كَيْفَ يَشَاءُ.

সরল অনুবাদ : ইমাম তিরমিযী রহ. আনাস ইবন মালিক রা.-এর বর্ণনা সনদের ৫ম ব্যক্তি হান্নাদ রহ. থেকে শুনে তাঁর ‘আস-সুনান’ গ্রন্থে লিখেছেন— আনাস ইবন মালিক রা. বলেন, প্রায়ই রসুলুল্লাহ স. এই দোয়া করতেন— হে অন্তর (মন) পরিবর্তনকারী আল্লাহ, আমার অন্তরকে তোমার দ্বীনের ওপর মজবুত রাখো। অতঃপর আমি বললাম, হে আল্লাহর নবী! আমরা আপনাতে এবং আপনি যে দ্বীন নিয়ে এসেছেন তাতে বিশ্বাস করেছি। আপনি কি আমাদের সম্পর্কে ভয় করেন? উত্তরে তিনি বললেন— হ্যাঁ। কেননা, সকল মন আল্লাহ তা‘আলার আঙুলসমূহের দুইটি আঙুলের মধ্যে রয়েছে (অধিকারে রয়েছে)। তিনি নিজের ইচ্ছা মতো তা পরিবর্তন করে থাকেন।

◆ তিরমিযী, আস-সুনান, হাদীস নং-২১৪০।

◆ হাদীসটির সনদ ও মতন সহীহ।

প্রকৃত ব্যাখ্যা : হাদীসটির বোল্ড করা অংশের প্রকৃত ব্যাখ্যা হবে— সকল মন মহান আল্লাহর অধিকারে রয়েছে। আল্লাহর অতাত্মক্ষণিক ইচ্ছা তথা আল্লাহর তৈরি প্রোত্থাম অনুযায়ী কাজ করার কারণে মনের অবস্থার পরিবর্তন ঘটে।

**যে সব কারণে কুরআন ও হাদীসের ‘আল্লাহর ইচ্ছা’  
কথাটির অর্থ আল্লাহর অতাৎক্ষণিক ইচ্ছা তথা আল্লাহর তৈরি  
করে রাখা প্রোগ্রাম ধরা গ্রহণযোগ্য হবে**

কুরআন ও হাদীসের ‘আল্লাহর ইচ্ছা’ কথাটির অর্থ আল্লাহর অতাৎক্ষণিক ইচ্ছা তথা আল্লাহর তৈরি করে রাখা প্রোগ্রাম ধরা যে সকল কারণে গ্রহণযোগ্য হবে—

১. কার্য সম্পাদনে মানুষের ইচ্ছা, কর্মপ্রচেষ্টা, ধৈর্য, দৃঢ়তা, নিষ্ঠা, ত্যাগ, সাহসিকতা, একতা, সংঘবদ্ধতা, জন্মসূত্রে পাওয়া গুণাগুণ ইত্যাদির যথাযথ ভূমিকা থাকে।
২. কর্মফলের জন্য মানুষকে দায়ী করা যৌক্তিক হয়।
৩. আমলের ভিত্তিতে পরীক্ষা নিয়ে জান্নাতের পুরস্কার বা জাহান্নামের শাস্তি দেওয়া ইনসাফ ভিত্তিক হয়।
৪. সকল ঘটনা-দুর্ঘটনা আল্লাহর অতাৎক্ষণিক ইচ্ছা তথা আল্লাহর তৈরি প্রোগ্রাম অনুযায়ী হয় এবং তা আল্লাহ ছাড়া অন্য কেউ পরিবর্তন করতে পারে না। তাই আল্লাহর শ্রেষ্ঠত্ব (উলুহিয়াত বা রুবুবিয়াত) বজায় থাকে।
৫. কুরআনের কোনো আয়াতের বক্তব্যের বিরোধী হয় না। পরিপূরক হয়।
৬. কোনো নির্ভুল হাদীসের বক্তব্যের বিরোধী হয় না। পরিপূরক হয়।
৭. Common sense/আকলেরও বিরোধী হয় না।

তাই সহজেই বলা যায়— যে সকল আয়াত ও হাদীসে ‘আল্লাহর ইচ্ছা’ কথাটি আছে তার প্রায় সব স্থানে ঐ ইচ্ছাকে আল্লাহর ‘অতাৎক্ষণিক ইচ্ছা’ তথা আল্লাহর তৈরি করে রাখা প্রোগ্রাম (বিধি-বিধান, নীতিমালা, পরিচালন পদ্ধতি, প্রোগ্রাম বা প্রাকৃতিক আইন ইত্যাদি) ধরা অবশ্যই গ্রহণযোগ্য হবে।

## ‘আল্লাহর অনুমতি’ কথাটি ধারণকারী আয়াত ও হাদীসের প্রচলিত ও প্রকৃত ব্যাখ্যা

এবার আমরা আল্লাহর অনুমতি কথাটি ধারণকারী আয়াত ও হাদীসের প্রচলিত ও প্রকৃত ব্যাখ্যা জানবো ও পর্যালোচনা করবো।

## ‘আল্লাহর তাৎক্ষণিক অনুমতিতে সবকিছু হয়’ কথাটির উৎপত্তিস্থল

‘আল্লাহর তাৎক্ষণিক অনুমতিতে সবকিছু হয়’ কথাটির উৎপত্তিস্থল হলো আল কুরআন ও হাদীসের কিছু তথ্যের অসতর্ক ব্যাখ্যা। চলুন এখন সে বক্তব্য ও ব্যাখ্যাগুলো জানা ও পর্যালোচনা করা যাক।

আল কুরআন

তথ্য-১

وَمَا كَانَ لِنَفْسٍ أَنْ تُؤْمِنَ إِلَّا بِإِذْنِ اللَّهِ<sup>ط</sup>

আল্লাহর অনুমতি ছাড়া কেউ ঈমান আনতে পারে না। ... ..

(সূরা ইউনুস/১০ : ১০০)

প্রচলিত ব্যাখ্যা : আল্লাহর তাৎক্ষণিক অনুমতি ছাড়া কেউ ঈমান আনতে পারে না।

তথ্য-২

وَمَا كَانَ لِنَفْسٍ أَنْ تَمُوتَ إِلَّا بِإِذْنِ اللَّهِ كِتَابًا مُؤَجَّلًا<sup>ط</sup>

আর আল্লাহর অনুমতি ছাড়া কারো মৃত্যু হতে পারে না; মৃত্যুর অবধারিত মেয়াদ লিখিত আছে (উম্মুল কিতাবে)।

(সূরা আলে-ইমরান/৩ : ১৪৫)

প্রচলিত ব্যাখ্যা : আল্লাহর তাৎক্ষণিক অনুমতি ছাড়া কারো মৃত্যু হয় না।

### তথ্য-৩

وَمَا أَرْسَلْنَا مِنْ رَّسُولٍ إِلَّا لِيُطَاعَ إِلَّا بِإِذْنِ اللَّهِ<sup>ط</sup>

আমরা এ উদ্দেশ্যে কোনো রসুল প্রেরণ করিনি যে, আল্লাহর অনুমতি ছাড়া তাঁর আনুগত্য করা হবে।

(সূরা নিসা/৪ : ৬৪)

প্রচলিত ব্যাখ্যা : আল্লাহর তাৎক্ষণিক অনুমতি ছাড়া কেউ কোনো রসুলের আনুগত্য করতে পারে না।

### তথ্য-৪

وَمَا هُمْ بِضَايِقِينَ بِهِ مِنْ أَحَدٍ إِلَّا بِإِذْنِ اللَّهِ<sup>ط</sup>

অনুবাদ আর আল্লাহর অনুমতি ছাড়া এর (জাদুর) মাধ্যমে তারা (কারো) কোনো ক্ষতি করতে পারতো না

(সূরা বাকারা/২ : ১০২)

প্রচলিত ব্যাখ্যা : আল্লাহর তাৎক্ষণিক অনুমতি ছাড়া জাদু দিয়ে মানুষের ক্ষতি করা যায় না।

### তথ্য-৫

فَمِنْهُمْ ظَالِمٌ لِنَفْسِهِ وَمِنْهُمْ مُقْتَصِدٌ وَمِنْهُمْ سَابِقٌ بِالْخَيْرَاتِ إِذْنِ اللَّهِ<sup>ط</sup>

অতঃপর তাদের কেউ নিজের প্রতি জুলুমকারী, কেউ মধ্যম অবস্থানে, আর কেউ আল্লাহর অনুমতিতে নেক আমলে অগ্রগামী।

(সূরা ফাতির/৩৫ : ৩২)

প্রচলিত ব্যাখ্যা : অতঃপর তাদের মধ্যে কেউ নিজের প্রতি জুলুমকারী, কেউ (আমলের দিক দিয়ে) মধ্যম অবস্থানে এবং কেউ আল্লাহর তাৎক্ষণিক অনুমতিক্রমে নেক আমলে অগ্রগামী।

### তথ্য-৬

مَا أَصَابَ مِنْ مُصِيبَةٍ إِلَّا بِإِذْنِ اللَّهِ<sup>ط</sup>

আল্লাহর অনুমতি ছাড়া কোনো বিপদই আপতিত হয় না।

(সূরা তাগাবুন/৬৪ : ১১)

প্রচলিত ব্যাখ্যা : আল্লাহর তাৎক্ষণিক অনুমতি ছাড়া মানুষের ওপর কোনো বিপদ আসে না।

আল হাদীস

أَخْرَجَ الْإِمَامُ مُسْلِمٌ..... حَدَّثَنَا هَارُونُ بْنُ مَعْرُوفٍ وَأَبُو الطَّاهِرِ وَأَحْمَدُ  
بْنُ عَيْسَى..... عَنْ جَابِرٍ عَنْ رَسُولِ اللَّهِ ﷺ أَنَّهُ قَالَ لِكُلِّ دَاءٍ دَوَاءٌ فَإِذَا  
أَصِيبَ دَوَاءٌ الدَّاءِ بَرَأَ أَيُّدُنِ اللَّهِ عَزَّ وَجَلَّ.

ইমাম মুসলিম রহ. জাবির রা.-এর বর্ণনা সনদের ৬ষ্ঠ ব্যক্তিত্বের হারুন ইবন মারুফ, আবু তাহির ও আহমাদ ইবন ঈসা রহ. থেকে শুনে তাঁর 'আস-সহীহ' গ্রন্থে লিখেছেন- জাবির রা. বলেন, রসূল স. বলেছেন- সকল রোগের জন্য ঔষধ আছে। যখন সঠিক ঔষধ রোগের জন্য প্রয়োগ করা হয় তখন রোগী আল্লাহর অনুমতিতে সেরে উঠে।

◆ মুসলিম, আস-সহীহ, হাদীস নং-৫৮৭১।

◆ হাদীসটির সনদ ও মতন সহীহ।

প্রচলিত ব্যাখ্যা : আল্লাহর তাৎক্ষণিক অনুমতিতে সকল রোগী সেরে ওঠে।

\*\* এ ধরনের আরও আয়াত ও হাদীস কুরআন ও হাদীস গ্রন্থে আছে। আর এর প্রচলিত ব্যাখ্যা থেকে মুসলিম সমাজে চালু হয়েছে- মানুষ ও মহাবিশ্বের ঘটনা-দুর্ঘটনা আল্লাহর তাৎক্ষণিক অনুমতির মাধ্যমে হয়। অন্যকথায় আল্লাহ তাৎক্ষণিকভাবে অনুমতি না দিলে মানুষ কোনো বিষয়ে তাদের ইচ্ছা ও কর্মপ্রচেষ্টা চালাতে পারে না অথবা তাদের কর্মপ্রচেষ্টার ভালো বা মন্দ কোনো ফল লাভ করতে পারে না।

## ‘আল্লাহর অনুমতি’ কথাটি ধারণকারী আয়াত ও হাদীসের প্রচলিত ব্যাখ্যার গ্রহণযোগ্যতা পর্যালোচনা

আগে উল্লিখিত (পৃষ্ঠা নং ৩৩-৩৯) ‘আল্লাহর ইচ্ছা’ কথাটি ধারণকারী আয়াত ও হাদীসের প্রচলিত অর্থ কুরআন, হাদীস ও Common sense/আকলের যে সব তথ্যের কারণে গ্রহণযোগ্য হবে না বলে আমরা জেনেছি, সেই একই কারণে ‘আল্লাহর অনুমতি’ কথাটি ধারণকারী (অধিকাংশ) আয়াতের প্রচলিত ব্যাখ্যা তথা আল্লাহর তাৎক্ষণিক অনুমতিতে সকল ঘটনা-দুর্ঘটনা সংঘটিত হয় গ্রহণযোগ্য হবে না।

## ‘আল্লাহর অনুমতি’ কথাটি ধারণকারী আয়াত ও হাদীসের সঠিক ব্যাখ্যা

অনুমতি দুই ধরনের হয়—

১. তাৎক্ষণিক অনুমতি (Instantaneous permission)।
২. অতাত্তক্ষণিক অনুমতি (Non-instantaneous permission)।

‘তাত্তক্ষণিক অনুমতি’ দেওয়া হয় কার্যসম্পাদনের পূর্বমুহূর্তে।

‘অতাত্তক্ষণিক অনুমতি’ দেওয়া হয় কার্যসম্পাদনের আগে তৈরি করা প্রোগ্রামের (পরিচালনা পদ্ধতি, বিধি-বিধান, নীতিমালা, প্রাকৃতিক আইন) মাধ্যমে।

### উদাহরণ

ধরুন গত বছর গ্রামের বাড়িতে গিয়ে আপনার ছোটো ভাইয়ের কাছে ১০,০০০ টাকা রেখে বলে এসেছেন— এই ধরনের ব্যক্তির এসে সাহায্য চাইলে তাদের প্রত্যেককে ঐ টাকা থেকে ১০০০ করে টাকা দিয়ে দিতে। এক মাস পরে ঐ ধরনের একজন লোক এসে সাহায্য চাইলে আপনার ছোটো ভাই ব্যক্তিটিকে ১০০০ টাকা দিয়ে দিলো। আপনার ছোটো ভাই কি ঐ টাকা দিতে আপনার অনুমতি নিয়েছে? হ্যাঁ, নিয়েছে কিন্তু আপনার সেই অনুমতি ‘তাত্তক্ষণিক’ নয়। ঐটি হলো আপনার ‘অতাত্তক্ষণিক অনুমতি’। অর্থাৎ আপনার গত বছর নির্ধারণ করে দেওয়া প্রোগ্রামের মাধ্যমে দেওয়া অনুমতি।

‘আল্লাহর অনুমতি’ কথাটির অর্থ আল্লাহর অতাত্ক্ষণিক তথা  
আল্লাহর তৈরি করা প্রোগ্রাম ধরলে আগে উল্লিখিত কুরআনের  
আয়াত ও হাদীসের যে ব্যাখ্যা দাঁড়ায়

আল কুরআন

তথ্য-১

وَمَا كَانَ لِنَفْسٍ أَنْ تُوْمِنَ إِلَّا بِإِذْنِ اللَّهِ<sup>ط</sup>

আল্লাহর অনুমতি ছাড়া কেউ ঈমান আনতে পারে না।

(সুরা ইউনুস/১০ : ১০০)

প্রকৃত ব্যাখ্যা : আল্লাহর অতাত্ক্ষণিক অনুমতি তথা আল্লাহর তৈরি করে রাখা  
প্রোগ্রাম অনুযায়ী চেষ্টা-সাধনা ছাড়া কেউ ঈমান আনতে পারে না।

তথ্য-২

وَمَا كَانَ لِنَفْسٍ أَنْ تَمُوتَ إِلَّا بِإِذْنِ اللَّهِ كِتَابًا مُّؤَجَّلًا<sup>ط</sup>

আর আল্লাহর অনুমতি ছাড়া কারো মৃত্যু হতে পারে না। মৃত্যুর অবধারিত  
মেয়াদ লিখিত আছে (উম্মুল কিতাবে)।

(সুরা আলে-ইমরান/৩ : ১৪৫)

প্রকৃত ব্যাখ্যা : আল্লাহর অতাত্ক্ষণিক অনুমতি তথা আল্লাহর পূর্বে নির্ধারণ  
করে রাখা প্রোগ্রামে থাকা অনুঘটকসমূহের (Factor) যথাযথ মিলন ছাড়া  
কোনো প্রাণীর মৃত্যু হতে পারে না। মৃত্যুর অবধারিত মেয়াদ লিখিত আছে  
লাওহে মাহফুজে থাকা উম্মুল কিতাবে। ঐ প্রোগ্রামে আছে রোগ, চিকিৎসা,  
রোগ প্রতিরোধ ক্ষমতা, হাসপাতাল, চিকিৎসক, ঔষধ ইত্যাদির ধরনসহ  
মানুষের জানা বা অজানা কিন্তু আল্লাহর জানা অসংখ্য বিষয়।

তথ্য-৩

وَمَا أَرْسَلْنَا مِنْ رَّسُولٍ إِلَّا لِيُطَاعَ إِلَّا بِإِذْنِ اللَّهِ<sup>ط</sup>

আমরা এ উদ্দেশ্যে কোনো রসুল প্রেরণ করিনি যে, আল্লাহর অনুমতি ছাড়া তাঁর আনুগত্য করা হবে।

(সূরা নিসা/৪ : ৬৪)

**প্রকৃত ব্যাখ্যা :** আল্লাহর অতাত্ক্ষণিক অনুমতি তথা আল্লাহর তৈরি প্রোখাম অনুসরণ করেই শুধু রসুল স.-এর আনুগত্য করতে হবে।

আল্লাহর ঐ প্রোখামে থাকা প্রধান তিনটি বিষয় (অনুঘটক) হলো-

১. রসুলুল্লাহ স.-এর কথা, কাজ বা অনুমোদন সরাসরি তাঁর কাছ থেকে শুনলে বা দেখলে তা অনুসরণ হতে হবে।
২. রসুলুল্লাহ স.-এর কথা, কাজ বা অনুমোদন অন্য কারো কাছ থেকে শুনলে বিষয়টি সতাই রসুলুল্লাহ স.-এর কথা, কাজ বা অনুমোদন কি না সেটি আগে নিশ্চিত হতে হবে।
৩. কুরআনের বিপরীত কথা রসুলুল্লাহ স.-এর বলার অধিকার নেই। তাই, কুরআনের বিপরীত কথা রসুলুল্লাহ স.-এর কথা মনে করে অনুসরণ না করা।

**তথ্য-৪**

فَمِنْهُمْ ظَالِمٌ لِّنَفْسِهِ وَمِنْهُمْ مُقْتَصِدٌ وَمِنْهُمْ سَابِقٌ بِالْخَيْرَاتِ إِذْنِ اللَّهِ ط

অতঃপর তাদের মধ্যে কেউ নিজের প্রতি জুলুমকারী (সগীরা গুনাহগার), কেউ (আমলের দিক থেকে) মধ্যম অবস্থানে এবং কেউ আল্লাহর অনুমতিতে নেক আমলে অগ্রগামী।

(সূরা ফাতির/৩৫ : ৩২)

**বোদ্ধ করা অংশের প্রকৃত ব্যাখ্যা :** কেউ আল্লাহর অতাত্ক্ষণিক অনুমতি তথা আল্লাহর তৈরি প্রোখাম অনুসরণ করে নেক আমলের দিক দিয়ে অগ্রগামী (নেককার মুমিন)।

**তথ্য-৫**

مَا أَصَابَ مِنْ مُصِيبَةٍ إِلَّا بِإِذْنِ اللَّهِ ط

আল্লাহর অনুমতি ছাড়া কোনো বিপদই আপতিত হয় না।

(সূরা তাগাবুন/৬৪ : ১১)

**প্রকৃত ব্যাখ্যা :** আল্লাহর অতাত্ক্ষণিক অনুমতি তথা আল্লাহর তৈরি প্রোখাম অনুযায়ী কাজ করার জন্য মানুষের ওপর বিপদ আসে।

وَمَا هُمْ بِضَآئِرٍ يَبْعِدُ عَنْهُمُ أَحَدٌ إِلَّا يَأْذِنُ اللَّهُ ط

তবে আল্লাহর অনুমতি ছাড়া এর (জাদুর) মাধ্যমে তারা (কারো) কোনো ক্ষতি করতে পারতো না।

(সুরা বাকারা/২ : ১০২)

প্রকৃত ব্যাখ্যা : আল্লাহর অতাৎক্ষণিক অনুমতি তথা আল্লাহর তৈরি প্রোগ্রাম অনুযায়ী প্রয়োগ করার ফলে জাদু দিয়ে মানুষের ক্ষতি শুধু হয়।

আল হাদীস

أَخْرَجَ الْإِمَامُ مُسْلِمٌ..... حَدَّثَنَا هَارُونُ بْنُ مَعْرُوفٍ وَأَبُو الطَّاهِرِ وَأَخْمَدُ  
بْنُ عَيْسَى..... عَنْ جَابِرٍ عَنْ رَسُولِ اللَّهِ ﷺ أَنَّهُ قَالَ لِكُلِّ دَاءٍ دَوَاءٌ فَإِذَا  
أُصِيبَ دَوَاءٌ الدَّاءِ بَرَأَ أَيْدِنُ اللَّهِ عَزَّ وَجَلَّ.

ইমাম মুসলিম রহ. জাবির রা.-এর বর্ণনা সনদের ৬ষ্ঠ ব্যক্তির হারুন ইবন মারুফ, আবু ত্বাহির ও আহমাদ ইবন হুসাইন রহ. থেকে শুনে তাঁর 'আস-সহীহ' গ্রন্থে লিখেছেন- জাবির রা. বলেন, রসূল স. বলেছেন- সব রোগের জন্য ঔষধ আছে। যখন সঠিক ঔষধ রোগের জন্য প্রয়োগ করা হয় তখন রোগী আল্লাহর অনুমতিতে সেরে উঠে।

◆ মুসলিম, আস-সহীহ, হাদীস নং-৫৮৭১।

◆ হাদীসটির সনদ ও মতন সহীহ।

প্রকৃত ব্যাখ্যা : সকল রোগী আল্লাহর অতাৎক্ষণিক অনুমতি তথা আল্লাহর তৈরি প্রোগ্রাম অনুযায়ী চেষ্টা-সাধনা করলে সেরে ওঠে। সে প্রোগ্রামের দুটি প্রধান দিক হলো-

১. সঠিক রোগ নির্ণয়।
২. সঠিক ঔষধ প্রয়োগ।

## ‘আল্লাহর অনুমতি’ কথাটি ধারণকারী আয়াত ও হাদীসের সঠিক ব্যাখ্যাটি যে সব কারণে গ্রহণযোগ্য হবে

‘আল্লাহর অনুমতি’ কথাটি ধারণকারী আয়াতের সঠিক ব্যাখ্যাটি গ্রহণযোগ্য হওয়ার কারণসমূহ হলো—

১. কার্য সম্পাদনের ব্যাপারে মানুষের ইচ্ছা, কর্মপ্রচেষ্টা, ধৈর্য, দৃঢ়তা, নিষ্ঠা, ত্যাগ, সাহসিকতা, একতা, সংঘবদ্ধতা, জন্মসূত্রে পাওয়া গুণাগুণ ইত্যাদির যথাযথ ভূমিকা থাকে।
২. কর্মফলের জন্যে মানুষকে দায়ী করা যৌক্তিক হয়।
৩. আমলের ভিত্তিতে পরীক্ষা নিয়ে জান্নাতের পুরস্কার বা জাহান্নামের শাস্তি দেওয়া ইনসাফ ভিত্তিক হয়।
৪. সকল ঘটনা-দুর্ঘটনা আল্লাহর অত্যাঞ্চলিক ইচ্ছা তথা আল্লাহর তৈরি প্রাকৃতিক আইন অনুযায়ী হয় যা অন্য কেউ পরিবর্তন করতে পারে না। তাই এখানে আল্লাহর শ্রেষ্ঠত্ব (উলুহিয়াত বা রুবুবিয়াত) বজায় থাকে।
৫. কুরআনের কোনো আয়াত বা রসুল স.-এর কোনো হাদীসের বক্তব্যের বিরোধী হয় না বরং সম্পূরক হয়।
৬. Common sense/আকলের বিরোধী হয় না।

♣♣ তাই সহজেই বলা যায়, যে সকল আয়াতে ‘আল্লাহর অনুমতি’ কথাটি আছে তার প্রায় সব স্থানে ঐ অনুমতিকে আল্লাহর ‘অত্যাঞ্চলিক অনুমতি’ তথা আল্লাহর তৈরি করে রাখা প্রোগ্রাম (পরিচালনা পদ্ধতি, বিধি-বিধান, নীতিমালা, প্রাকৃতিক আইন) ধরাটা অবশ্যই গ্রহণযোগ্য হবে।

‘মন ও কানে মোহর এবং চোখে পর্দা দিয়ে দেওয়া’

বক্তব্য সংবলিত আয়াতের প্রচলিত ও প্রকৃত ব্যাখ্যা

এবার আমরা মন ও কানে মোহর এবং চোখে পর্দা দিয়ে দেওয়া’ বক্তব্যধারণকারী আয়াতের প্রচলিত ও প্রকৃত ব্যাখ্যা জানবো ও পর্যালোচনা করবো।

‘মন ও কানে মোহর এবং চোখে পর্দা দিয়ে দেওয়া’

আয়াত ও তার প্রচলিত ব্যাখ্যা

তথ্য-১

إِنَّ الَّذِينَ كَفَرُوا سَوَاءٌ عَلَيْهِمْ ءَأَنذَرْتَهُمْ أَمْ لَمْ تُنذِرْهُمْ لَا يُؤْمِنُونَ . خَتَمَ اللَّهُ عَلَى قُلُوبِهِمْ وَعَلَى سَمْعِهِمْ وَعَلَى أَبْصَارِهِمْ غِشَاوَةٌ وَلَهُمْ عَذَابٌ عَظِيمٌ .

নিশ্চয় যারা (কুরআন ও সুন্নাহ) অস্বীকার করে, তাদের তুমি সতর্ক করো বা না করো, তাদের জন্য সমান, তারা ঈমান আনবে না। আল্লাহ তাদের মনে ও কানে মোহর মেয়ে দিয়েছেন এবং তাদের চোখের ওপর পর্দা পড়ে গেছে, আর তাদের জন্য রয়েছে কঠোর শাস্তি।

(সুরা বাকারা/২ : ৬-৭)

তথ্য-২

وَمِنْهُمْ مَّنْ يَسْتَمِعُ إِلَيْكَ وَجَعَلْنَا عَلَى قُلُوبِهِمْ أَكِنَّةً أَنْ يَفْقَهُوهُ وَفِي آذَانِهِمْ وَقْرًا وَإِنْ يَرَوْا كَلِمًا لِلْإِنْسَانِ مِنْ آيَاتِنَا يَتَوَلَّوْنَ أُولَٰئِكَ سَمْعًا

আর তাদের (কাফির ও মুশরিক) মধ্যে কেউ কেউ তোমার দিকে কান পেতে রাখে। কিন্তু আমরা তাদের মনের ওপর আবরণ এঁটে দিয়েছি যেন তারা তা উপলব্ধি করতে না পারে এবং তাদের কানে রয়েছে বধিরতা। এ জন্য সব নিদর্শন দেখলেও তারা ঈমান আনবে না।

(সুরা আনআম/৬ : ২৫)

তথ্য-৩

أَفَرَأَيْتَ مَنِ اتَّخَذَ إِلَهَهُ هَوَاهُ وَأَصْلَهُ اللَّهُ عَلَى عِلْمٍ وَحَتَّمَ عَلَى سَمْعِهِ وَقَلْبِهِ وَجَعَلَ عَلَى بَصَرِهِ غِشَاوَةً فَمَنْ يَهْدِيهِ مِنْ بَعْدِ اللَّهِ أَفَلَا تَذَكَّرُونَ .

তুমি কি তাকে লক্ষ করেছো যে নিজ খেয়াল-খুশিকে তার ইলাহ বানিয়ে নিয়েছে? আর আল্লাহ স্বত্ত্বানে তাকে পথভ্রষ্ট করেছেন এবং তার কান ও মনে মোহর মেরে দিয়েছেন এবং তার চোখের ওপর পর্দা এঁটে দিয়েছেন, অতএব আল্লাহর পরে কে তাকে পথনির্দেশ করবে? তবু কি তোমরা উপদেশ গ্রহণ করবে না?

(সুরা জাসিয়া/৪৫ : ২৩)

আয়াতসমূহ ও এ ধরনের অন্য আয়াতের প্রচলিত ব্যাখ্যা থেকে মুসলিম সমাজে চালু হওয়া কথাসমূহ—

আল্লাহ তা'য়ালা কাফির, মুশরিক ও মুনাফিকদের—

১. কুরআন ও সুন্নাহ বুঝতে গেলে তাৎক্ষণিকভাবে মনে মোহর মেরে দেন, তাই তারা কুরআন ও সুন্নাহ পড়ে বা শুনে বুঝতে পারে না।
২. কুরআন ও সুন্নাহ শুনতে গেলে তাৎক্ষণিকভাবে কানে মোহর বা পর্দা দিয়ে দেন, তাই তারা কুরআন ও হাদীস শুনে বুঝতে পারে না।
৩. দেখতে গেলে তাৎক্ষণিকভাবে চোখে পর্দা দিয়ে দেন, তাই তারা প্রকৃতিতে ছড়িয়ে থাকা উদাহরণ দেখেও ঈমান আনতে পারে না।

## আয়াতসমূহের প্রচলিত ব্যাখ্যার গ্রহণযোগ্যতা পর্যালোচনা

আল্লাহ যদি কাফির, মুশরিক ও মুনাফিক ব্যক্তিদের মন ও কানে মোহর এবং চোখে পর্দা লাগিয়ে দিয়ে থাকেন তবে তারা তো কোনো দিন কুরআন ও সুন্নাহর বক্তব্য বুঝতে পারবে না। ফলস্বরূপ তারা ঈমান আনতে ও ইসলাম গ্রহণ করতে পারবে না। তাই, তারা ইসলাম বিরোধী তথা গুনাহর কাজ করে যেতেই থাকবে বা করতে বাধ্য হবে। অর্থাৎ মন ও কানে মোহর এবং চোখে পর্দা লাগিয়ে দেওয়ার মাধ্যমে পরোক্ষভাবে আল্লাহ তাদের পাপ কাজ করে যেতে বাধ্য করেছেন।

অথচ আল্লাহ বলেছেন—

إِنَّ اللَّهَ لَا يَأْمُرُ بِالْفَحْشَاءِ<sup>ط</sup>

নিশ্চয় আল্লাহ অশ্লীল কাজ করার নির্দেশ দেন না।

(সূরা আরাফ/৭ : ২৮)

ব্যাখ্যা : এ আয়াতের মাধ্যমে পরিষ্কারভাবে জানিয়ে দেওয়া হয়েছে আল্লাহ গুনাহের কাজ করার নির্দেশ দেন না।

وَمَا أَمْرًا إِلَّا لِيَعْبُدُوا اللَّهَ مُخْلِصِينَ لَهُ الدِّينَ

অথচ তাদেরকে আদেশ দেওয়া হয়েছিল জীবন-ব্যবস্থার ক্ষেত্রে বিশুদ্ধ মনে একনিষ্ঠভাবে কেবল তাঁরই দাসত্ব করতে।

(সূরা বাইয়েনা/৯৮ : ৫)

ব্যাখ্যা : আল্লাহ এখানে স্পষ্ট করে জানিয়ে দিয়েছেন তিনি মানুষকে অন্য কারো ইবাদাত তথা গুনাহের কাজ করতে নির্দেশ দেননি।

তাই, যে সকল কারণে ‘আল্লাহর ইচ্ছা’ ও ‘আল্লাহর অনুমতি’ কথা দুটি ধারণাকারী আয়াত ও হাদীসের প্রচলিত ব্যাখ্যা ইসলামে গ্রহণযোগ্য হবে না বলে আমরা আগে (৩৩-৩৯ ও ৫৩ নং পৃষ্ঠা) আলোচনা করেছি সেই একই কারণে ‘মন ও কানে মোহর এবং চোখে পর্দা লাগিয়ে দেওয়া’ বক্তব্য ধারণাকারী আয়াতেরও প্রচলিত ব্যাখ্যা ইসলামে গ্রহণযোগ্য হবে না।

## আয়াতসমূহের প্রকৃত ব্যাখ্যা জানতে হলে যে বিষয়গুলো আগে বুঝতে হবে

আয়াতসমূহের প্রকৃত ব্যাখ্যা বুঝতে হলে ৩টি বিষয় আগে বুঝে নিতে হবে—

১. আল্লাহ কর্তৃক প্রদান করা, মেরে দেওয়া, লাগিয়ে দেওয়া, আদেশ করা ইত্যাদি কথার প্রকৃত ব্যাখ্যা।
২. Common sense উৎকর্ষিত ও অবদমিত হওয়া এবং তার পদ্ধতি।
৩. অন্তর, কান ও চোখে তালা বা পর্দা পড়ে যাওয়া বিষয়টির ব্যাখ্যা এবং এটি যেভাবে ঘটে।

### ১. আল্লাহ কর্তৃক প্রদান করা, মেরে দেওয়া, লাগিয়ে দেওয়া, আদেশ করা ইত্যাদি কথার প্রকৃত ব্যাখ্যা

আল্লাহ কর্তৃক প্রদান করা, মেরে দেওয়া, লাগিয়ে দেওয়া, আদেশ করা ইত্যাদি দুই ধরনের—

১. তাৎক্ষণিক (Instantaneous)।
২. অতাত্তক্ষণিক (Non-instantaneous)।

**তাৎক্ষণিক** : প্রদান করা, মেরে দেওয়া, লাগিয়ে দেওয়া, আদেশ করা ইত্যাদি ‘তাৎক্ষণিকভাবে’ সংঘটিত হওয়া বলতে বুঝায়— বিষয়গুলো মানুষ কাজ শুরু করার পূর্বমুহূর্তে সংঘটিত হওয়া।

### যেমন—

একজন মানুষ একটি বিষয় বুঝতে চেষ্টা করছে কিন্তু ঐ সময় তার মনে তালা মেরে দেওয়া হলো তাই সে তা বুঝতে পারলো না— এটি হলো তাৎক্ষণিকভাবে তালা মেরে দেওয়া।

**অতাত্তক্ষণিক** : প্রদান করা, মেরে দেওয়া, লাগিয়ে দেওয়া, আদেশ করা ইত্যাদি ‘অতাত্তক্ষণিকভাবে’ সংঘটিত হওয়া বলতে বুঝায়— মানুষ কাজ শুরু করার পূর্বে তৈরি করে রাখা প্রোগ্রাম অনুযায়ী বিষয়গুলো সংঘটিত হওয়া।

যেমন—

১৫০০ বছর আগে নাযিল হওয়া কুরআনের মাধ্যমে আল্লাহ আদেশ দিয়েছেন, ধনী মানুষ চুরি করলে তার হাত কেটে দাও। একজন ধনী মানুষ চুরি করার পর আজ (রাষ্ট্রীয়ভাবে বিচার করে) তার হাত কেটে দেওয়া হলো। এ শাস্তিটি দেওয়া হলো আল্লাহর অত্যাৎক্ষণিক আদেশ অনুযায়ী।

\*\* কুরআন ও হাদীসের যে সব স্থানে আল্লাহ কর্তৃক প্রদান করা, মেরে দেওয়া, আদেশ করা ইত্যাদি কথা আছে, অধিকাংশ স্থানে তার অর্থ হবে— আল্লাহ কর্তৃক অত্যাৎক্ষণিকভাবে তথা আল্লাহ তা'য়ালার পূর্বে তৈরি করে রাখা প্রোগ্রাম অনুযায়ী বিষয়গুলো সংঘটিত হওয়া।

## ২. Common sense/আকল উৎকর্ষিত ও অবদমিত হওয়া এবং তার পদ্ধতি

মানুষের জন্মগতভাবে পাওয়া জ্ঞানের শক্তি Common sense/ আকল উৎকর্ষিত ও অবদমিত হয়। বিষয়টি আল্লাহ তা'য়ালার জানিয়ে দিয়েছেন এভাবে—

তথ্য-১

وَنَفْسٍ وَمَا سَوَّاهَا<sup>ص</sup>. فَأَلْهَمَهَا فُجُورَهَا وَتَقْوَاهَا<sup>ص</sup>. قَدْ أَفْلَحَ مَن زَكَّاهَا<sup>ص</sup>. وَقَدْ خَابَ مَن دَسَّاهَا<sup>ط</sup>.

কসম মনের (অস্তর/Mind) এবং তাঁর যিনি তাকে সঠিকভাবে গঠন করেছেন। অতঃপর তাকে (মনকে) 'ইলহাম' করেছেন তার অন্যায় (ভুল) ও ন্যায় (সঠিক) (পার্থক্য করার শক্তি Common sense/ আকল)। অবশ্যই সে সফল হবে যে তাকে (Common sense/ আকলকে) উৎকর্ষিত করবে। আর অবশ্যই সে ব্যর্থ হবে যে তাকে (Common sense/আকলকে) অবদমিত করবে।

(সূরা আশ্-শামস/৯১ : ৭-১০)

ব্যাখ্যা : এ আয়াত থেকে স্পষ্টভাবে জানা যায়, Common sense/ আকল উৎকর্ষিত ও অবদমিত হয়।

তথ্য-

أَلَمْ يَسِيرُوا فِي الْأَرْضِ فَتَعْلَمُونَ لَهُمْ قُلُوبٌ يَعْقِلُونَ بِهَا أَوْ آذَانٌ يَسْمَعُونَ بِهَا<sup>ع</sup>

তারা কি দেশ ভ্রমণ করেনি? তা হলে তারা এমন মনের (মনে থাকা Common sense/আকলের) অধিকারী হতে পারতো যা দিয়ে বুঝতে পারতো (কুরআন পড়ে সঠিকভাবে বুঝতে পারতো) এবং এমন কানের অধিকারী হতে পারতো যা শ্রুতিশক্তি সম্পন্ন হতো (কুরআন শুনে সঠিকভাবে বুঝার মতো)। (সুরা হাজ্জ/২২ : ৪৬)

**ব্যাখ্যা :** দেশ ভ্রমণ করলে কুরআন পড়ে ও শুনে সঠিকভাবে বুঝার মতো Common sense/আকলের অধিকারী হতে পারার কারণ হলো- পৃথিবী ভ্রমণ করলে বিভিন্ন স্থানে থাকা বাস্তব বিষয়/উদাহরণ দেখে জ্ঞান অর্জিত হয়। এর মাধ্যমে মানুষের মনে থাকা Common sense/আকল উৎকর্ষিত হয়। ঐ উৎকর্ষিত Common sense/আকলের মাধ্যমে মানুষ কুরআন পড়ে বা শুনে সহজে বুঝতে পারে।

বর্তমানে জ্ঞানার্জনের উপায় হিসেবে ভ্রমণ করার সাথে যোগ হয়েছে-

১. বিভিন্ন (বিজ্ঞান, ভূগোল, ইতিহাস ইত্যাদি) বই পড়া।
২. Geographic channel দেখা।
৩. Discovery channel দেখা।

যে বিষয়টি উৎকর্ষিত হয় সেটি অবদমিতও হয়।

### সম্মিলিত শিক্ষা

এ সকল আয়াত হতে জানা যায়- Common sense/আকল উৎকর্ষিত ও অবদমিত উভয়টি হয়। আর এটি-

- উৎকর্ষিত হয় কুরআন, সুন্নাহ, বিজ্ঞান এবং সত্য ঘটনা, কাহিনি জানা ও তা নিয়ে ব্যস্ত থাকলে।
- অবদমিত হয় কুরআন, সুন্নাহ, বিজ্ঞান বিরোধী তথ্য এবং মিথ্যা ঘটনা, কাহিনি জানা ও তা নিয়ে ব্যস্ত থাকলে।

### ৩. মন, কান ও চোখে তালা বা পর্দা পড়ে যাওয়া বিষয়টির ব্যাখ্যা এবং এটি যেভাবে ঘটে

মানুষের Common sense/আকলে যদি একটি বিষয় সম্পর্কে ধারণা না থাকে তাহলে চোখ সেটি দেখে না তথা দেখেও তার প্রকৃত অর্থ, তাৎপর্য বা ব্যাখ্যা বুঝতে পারে না।

এ তথ্যটি আল্লাহ জানিয়ে দিয়েছেন এভাবে-

فَأَنَّا لَا تَدْعِي الْأَبْصَارَ وَلَكِنْ تَدْعِي الْقُلُوبَ الَّتِي فِي الصُّدُورِ .

প্রকৃতপক্ষে চোখ অন্ধ নয় বরং অন্ধ হচ্ছে মন (মনে থাকা Common sense/আকল) যা অবস্থিত সম্মুখ ব্রেইনে (Fore brain)।

(সুরা হাজ্জ/২২ : ৪৬)

ব্যাখ্যা : এ আয়াতের বক্তব্য হলো- চোখ ভালো থাকলেও কোনো বিষয়ে Common sense/আকলে যদি বিষয়টি সম্পর্কে ধারণা না থাকে (Common sense/আকল ঐ বিষয়ে অন্ধ) তবে চোখ সেটি দেখে না তথা দেখেও তার প্রকৃত অর্থ, তাৎপর্য বা ব্যাখ্যা বুঝতে পারে না।

বিষয়টির বুঝার দুটি উদাহরণ-

### উদাহরণ-১


চিকিৎসা বিদ্যায় রোগের লক্ষণ (Symptoms & sign) আগে থেকে মাথায় না থাকলে রোগী দেখে সঠিক রোগ নির্ণয় (Diagnosis) করা যায় না।

### উদাহরণ-২

ছোটো বাচ্চাদের আপেল দেখিয়ে নাম শেখানোর আগ পর্যন্ত আপেলের নাম বলতে না পারা।

ইতোমধ্যে আমরা জেনেছি- কুরআন, সুন্নাহ, বিজ্ঞান বিরোধী তথ্য, মিথ্যা ঘটনা, কাহিনি জানা ও তা নিয়ে ব্যস্ত থাকলে মানুষের Common sense/আকল অবদমিত হতে থাকে। এ অবদমিত হতে হতে এক সময় ঐ ধরনের মানুষের Common sense/আকল এমনভাবে অবদমিত হয় যে তা আর কাজ করে না।

বিষয়টি বুঝার সহজ উদাহরণ হলো বর্তমান যুগের যান্ত্রিক জ্ঞানের শক্তি কম্পিউটার।



কম্পিউটারে ভুল তথ্য হলো ভাইরাস (Virus)। ভাইরাস ঢুকলে কম্পিউটার অবদমিত হতে থাকে। একদিন তা এমনভাবে অবদমিত হয় যে কম্পিউটার আর কাজ করে না। এ অবস্থাকে কম্পিউটার Hang হয়ে যাওয়া বলা হয়।

আল্লাহ মহাবিশ্ব সৃষ্টির শুরুতে প্রোগ্রাম করে রেখেছেন যে- মানুষ যদি কুরআন, সুন্নাহ, বিজ্ঞান বা বাস্তবতা বিরোধী বিষয় জানা, বুঝা, গবেষণা এবং তার ওপর আমল চালিয়ে যেতে থাকে তবে তার আল্লাহ প্রদত্ত জ্ঞানের শক্তি Common sense/আকল ধীরে ধীরে অবদমিত হতে থাকবে। এক সময়ে ঐ ধরনের মানুষের Common sense/আকল এমনভাবে অবদমিত হয়ে যাবে যে- সে আল্লাহর কিতাবের আয়াত, নবী-রসূলগণের সুন্নাহ বা সত্য বিষয় দেখে, পড়ে বা শুনে তার প্রকৃত অর্থ, তাৎপর্য বা ব্যাখ্যা বুঝতে পারার ক্ষমতা হারিয়ে ফেলবে। এ অবস্থাকে আল্লাহ বলেছেন কানে মোহর বা পর্দা এবং চোখে পর্দা পড়ে যাওয়া। কম্পিউটারের ভাষায় Hang হয়ে যাওয়া।

## সাধারণ আরবী গ্রামারের তুলনায় কুরআনিক আরবী গ্রামার অনেক সহজ



কুরআনের ভাষায়  
কুরআন বুঝতে সংগ্রহ করুন

কুরআন রিসার্চ ফাউন্ডেশন  
প্রকাশিত

# কুরআনিক আরবী গ্রামার

যোগাযোগ : ০১৯৪৪ ৪১১৫৬০ অথবা ০১৯৪৪ ৪১১৫৫১

‘মন ও কানে মোহর এবং চোখে পর্দা দিয়ে দেওয়া’ তথ্য

ধারণকারী আয়াতসমূহের প্রকৃত ব্যাখ্যা

ওপরের বিষয়গুলো জানার পর চলুন এখন মন ও কানে মোহর এবং চোখে পর্দা দিয়ে দেওয়া তথ্য ধারণকারী আয়াতসমূহের প্রকৃত ব্যাখ্যা জানা যাক-

তথ্য-১

إِنَّ الَّذِينَ كَفَرُوا سَوَاءٌ عَلَيْهِمْ ءَأَنذَرْتَهُمْ أَمْ لَمْ تُنذِرْهُمْ لَا يُؤْمِنُونَ . خَتَمَ اللَّهُ عَلَى قُلُوبِهِمْ وَعَلَى سَمْعِهِمْ وَعَلَى أَبْصَارِهِمْ غِشَاوَةٌ وَهُمْ عَذَابٌ عَظِيمٌ .

সরল অনুবাদ : নিশ্চয় যারা (কুরআন ও সুন্নাহ) অস্বীকার করে তাদের তুমি সতর্ক করো বা না করো তাদের জন্য সমান, তারা ঈমান আনবে না। আল্লাহ তাদের মনে ও কানে মোহর মেরে দিয়েছেন, আর তাদের চোখের ওপর রয়েছে আবরণ। আর তাদের জন্য রয়েছে কঠোর শাস্তি।

(সুরা আল বাকারা/২ : ৬-৭)

প্রকৃত ব্যাখ্যা : কুরআন ও সুন্নাহ অস্বীকার করা ব্যক্তির, কুরআন ও সুন্নাহ বিরোধী বিষয় নিয়ে চিন্তা, ভাবনা ও আমল করা নিয়ে মশগুল থাকে। তাই, এ আয়াতের বক্তব্য হলো- যারা কুরআন ও সুন্নাহ বিরোধী বিষয় নিয়ে চিন্তা-ভাবনা, গবেষণা ও আমল নিয়ে ব্যস্ত থাকে তাদের কুরআন ও সুন্নাহর মাধ্যমে সতর্ক করা আর না করা সমান। কারণ, আল্লাহর তৈরি করে রাখা প্রেছাম অনুযায়ী, অবদমিত হতে হতে তাদের Common sense/আকলে তালা লেগে গেছে। তাই, তারা কুরআন ও সুন্নাহর বক্তব্য শোনার পর তা বুঝতে পারে না। আর তাই তারা ঈমান আনে না বা আনতে পারে না। এটি ভাইরাসের মাধ্যমে যান্ত্রিক জ্ঞানের শক্তি অবদমিত হতে হতে Hang হয়ে যাওয়ার মতো একটি বিষয়। এ জন্য তাদের কঠিন শাস্তি পেতে হবে।

তথ্য-২

وَمِنْهُمْ مَّنْ يَسْتَمِعُ إِلَيْكَ وَجَعَلْنَا عَلَى قُلُوبِهِمْ أَكِنَّةً أَنْ يَفْقَهُوهُ وَفِي آذَانِهِمْ وَقْرًا وَإِنْ يَرَوْا كَلَّ آيَةٍ لَا يُؤْمِنُوا بِهَا

সরল অনুবাদ : আর তাদের (কাফির ও মুশরিক) মধ্যে কেউ কেউ তোমার দিকে কান পেতে রাখে। কিন্তু আমরা তাদের মনের ওপর আবরণ এঁটে দিয়েছি যেন তারা তা উপলব্ধি করতে না পারে এবং তাদের কানে রয়েছে বধিরতা। এ জন্য সব নিদর্শন দেখলেও তারা ঈমান আনবে না।

(সুরা আন'আম/৬ : ২৫)

প্রকৃত ব্যাখ্যা : ১ নং তথ্যের আয়াতের অনুরূপ।

তথ্য-৩

أَفَرَأَيْتَ مَنِ اتَّخَذَ إِلَهَهُ هَوَاهُ وَأَصْلَهُ اللَّهُ عَلَى عِلْمٍ وَخَتَمَ عَلَى سَمْعِهِ وَقَلْبِهِ وَجَعَلَ عَلَى بَصَرِهِ غِشَاوَةً فَمَنْ يَهْدِيهِ مِنْ بَعْدِ اللَّهِ أَفَلَا تَذَكَّرُونَ .

তুমি কি তাকে লক্ষ করেছো যে নিজ খেয়াল-খুশিকে তার ইলাহ বানিয়ে নিয়েছে? আর আল্লাহ স্বজ্ঞানে তাকে পথভ্রষ্ট করেছেন এবং তার কান ও মনে মোহর মেরে দিয়েছেন এবং তার চোখের ওপর পর্দা এঁটে দিয়েছেন। অতএব আল্লাহর পরে কে তাকে পথনির্দেশ করবে? তবু কি তোমরা উপদেশ গ্রহণ করবে না?

(সুরা জাসিয়া/৪৫ : ২৩)

প্রকৃত ব্যাখ্যা : নিজ খেয়াল-খুশিকে ইলাহ বানিয়ে নেওয়া ব্যক্তির কুরআন ও সুন্নাহ বিরোধী বিষয় নিয়ে চিন্তা-ভাবনা ও আমল করায় ব্যস্ত থাকা ব্যক্তি। তাই এ আয়াতের ব্যাখ্যাও ১ নং তথ্যের আয়াতের ব্যাখ্যার অনুরূপ।

## আল্লাহর অতাত্মক্ষণিক ইচ্ছা, অনুমতি বা আদেশ তথা আল্লাহর তৈরি প্রোগ্রাম জানার উপায়

মানুষের জীবনের ব্যক্তিগত, পারিবারিক, সামাজিক, রাজনৈতিক, অর্থনৈতিক, বিজ্ঞান, শরীর স্বাস্থ্য, বিচার, ব্যবসা-বাণিজ্য, যুদ্ধ, সন্ধি, আন্তর্জাতিক, পারলৌকিক ইত্যাদি সকল বিষয়ের প্রোগ্রাম (প্রাকৃতিক আইন, বিধি-বিধান, নীতিমালা, পরিচালনা পদ্ধতি) যদি আল্লাহ মানুষকে নিজ জ্ঞান-বুদ্ধি বা গবেষণার মাধ্যমে বের করে নিয়ে পালন করতে বলতেন তবে মানুষের দুঃখের কোনো সীমা থাকতো না। মহান আল্লাহ হচ্ছেন মানুষের জন্য সর্বাধিক কল্যাণকামী ও দয়ালু সত্তা। তাই তিনি তাঁর তৈরি প্রোগ্রাম মানুষকে জানানোর বিভিন্ন ব্যবস্থা করেছেন।

ঐ ব্যবস্থাগুলোর কথা মহান আল্লাহ যেভাবে উল্লেখ করেছেন তা হলো-

### তথ্য-১

وَالَّذِي قَدَّرَ فَهَدَىٰ ۖ

আর তিনি (আল্লাহ) প্রোগ্রাম নির্দিষ্ট করেছেন অতঃপর পথনির্দেশ করেছেন।

(সুরা আল-আ'লা/৮৭ : ৩)

ব্যাখ্যা : বাস্তবে সকল প্রোগ্রাম সরাসরি জানানো হয়নি। তাই এখানে মহান আল্লাহ বলেছেন- তিনি কুরআন ও সুন্নাহর মাধ্যমে অনেক প্রোগ্রাম সরাসরি জানিয়ে দিয়েছেন।

### তথ্য-২

وَهَدَيْنَاهُ النَّجْدَيْنِ ۚ

আর আমরা তাকে (মানুষকে) উভয় (সঠিক ও ভুল) দিকের পথনির্দেশ করেছি।

(সুরা বালাদ/৯০ : ১০)

ব্যাখ্যা : এখানে আল্লাহ জানিয়ে দিয়েছেন যে- তাঁর তৈরি প্রোথ্রামে একটি কাজে সফল হওয়া বা ব্যর্থ হওয়ার উভয় প্রোথ্রামই নির্দিষ্ট করা আছে। ঐ পথের অনেকগুলো তিনি কুরআন ও সুন্নাহর মাধ্যমে মানুষকে সরাসরি জানিয়ে দিয়েছেন।

### তথ্য-৩

... .. وَأَنْزَلْنَا إِلَيْكَ الذِّكْرَ لِتُبَيِّنَ لِلنَّاسِ مَا نُزِّلَ إِلَيْهِمْ وَلَعَلَّهُمْ يَتَفَكَّرُونَ.

... .. আর তোমার প্রতি যিকর (কুরআন) অবতীর্ণ করেছি যাতে তুমি মানুষকে (কথা, কাজ ও অনুমোদনের মাধ্যমে) স্পষ্টভাবে বুঝিয়ে দিতে পারো যা কিছু তাদের জন্য অবতীর্ণ করা হয়েছে এবং তারাও যেন (অবতীর্ণ হওয়া বিষয় নিয়ে) চিন্তা-ভাবনা করে।

(সূরা নাহল/১৬ : ৪৪)

ব্যাখ্যা : এখানে প্রথমে রসুলুল্লাহ স.-কে কুরআনের মাধ্যমে জানানো প্রোথ্রামসমূহকে তাঁর কথা, কাজ ও সমর্থনের মাধ্যমে ব্যাখ্যা করে মানুষকে বুঝিয়ে দিতে বলেছেন। আর শেষে মানুষকে কুরআন ও সুন্নাহর আলোকে Common sense/আকল ব্যবহার করে গবেষণা করে জীবনের বিভিন্ন প্রোথ্রাম আরও বিস্তারিতভাবে জেনে নিতে বলা হয়েছে।

### তথ্য-৪

يَسْأَلُونَكَ عَنِ الْخُمْرِ وَالْمَيْسِرِ قُلْ فِيهِمَا إِثْمٌ كَبِيرٌ وَمَنَافِعُ لِلنَّاسِ وَإِثْمُهُمَا أَكْبَرُ مِنْ نَفْعِهِمَا وَيَسْأَلُونَكَ مَاذَا يُنْفِقُونَ قُلِ الْعَفْوَ كَذَلِكَ يُبَيِّنُ اللَّهُ لَكُمُ الْآيَاتِ لَعَلَّكُمْ تَتَفَكَّرُونَ.

তারা তোমাকে মদ ও জুয়া সম্পর্কে জিজ্ঞাসা করে। বলাও, এ দুটির মধ্যে রয়েছে অনেক ক্ষতি ও মানুষের জন্য কিছু উপকারিতা। কিন্তু তাদের উপকারিতার চেয়ে ক্ষতি অনেক বেশি। তারা তোমাকে আরও জিজ্ঞাসা করে, তারা আল্লাহর পথে কী ব্যয় করবে? বলে দাও, (প্রয়োজনের) অতিরিক্ত যা থাকে। এভাবে আল্লাহ তোমাদের জন্য আয়াতসমূহ স্পষ্টভাবে বর্ণনা করেন যাতে তোমরা চিন্তা-গবেষণা করতে পারো।

(সূরা বাকারা/২ : ২১৯)

ব্যাখ্যা : এখানে মদ ও জুয়া সম্পর্কে প্রথমে জানানো হয়েছে- মদ ও জুয়ায় অনেক অকল্যাণ/রোগ আছে এবং ঐ দুটিতে কিছু কল্যাণও আছে। এরপর

আল্লাহ মানুষকে মদ ও জুয়া সম্পর্কিত এ মূল তথ্যের ভিত্তিতে চিন্তা-গবেষণা করে জিনিস দুটির রোগ/অকল্যাণ ও কল্যাণের দিকগুলো আবিষ্কার করতে বলেছেন।

তথ্য-৫

إِنَّ فِي خَلْقِ السَّمَوَاتِ وَالْأَرْضِ وَاخْتِلَافِ اللَّيْلِ وَالنَّهَارِ لَآيَاتٍ لِّأُولِي الْأَلْبَابِ ۗ

নিশ্চয় আকাশসমূহ ও পৃথিবীর সৃষ্টি এবং দিন রাত্রির আবর্তনে উল্লিখিত আলবাবদের (প্রকৃত মুসলিম বিজ্ঞানী) জন্য নিদর্শন (বৈজ্ঞানিক ও সাধারণ শিক্ষণীয় বিষয়) রয়েছে।

(সূরা আলে-ইমরান/৩ : ১৯০)

ব্যাখ্যা : এখানে নিশ্চয়তা দিয়ে বলা হয়েছে মহাকাশ ও পৃথিবীর সৃষ্টি এবং রাত ও দিনের আবর্তনের মধ্যে প্রকৃত মুসলিম বিজ্ঞানীদের জন্য তাঁর তৈরি প্রোথ্রামের অসংখ্য শিক্ষা রয়েছে।

তথ্য-৬

أَفَلَا يَتَذَكَّرُونَ الْقُرْآنَ أَمْ عَلَى قُلُوبٍ أَقْفَالُهَا .

তারা কি কুরআন নিয়ে চিন্তা-গবেষণা করে না? না তাদের মনে তালা লেগে গিয়েছে?

(সূরা মুহাম্মাদ/৪৭ : ২৪)

ব্যাখ্যা : এখানে কুরআনের উল্লিখিত জীবনের বিভিন্ন দিকের মূল বিষয়গুলো নিয়ে সাধারণ ও বিজ্ঞান ভিত্তিক চিন্তা-গবেষণা না করার জন্য আল্লাহ মানুষকে তিরস্কার করেছেন। কারণ ঐ গবেষণার মাধ্যমে বিষয়গুলোর বিস্তারিত দিক (বিস্তারিত প্রোথ্রাম) আবিষ্কৃত হবে এবং তা কাজে লাগালে তাদের কল্যাণ হবে।

\*\* আল কুরআনের এ ধরনের আরও অনেক তথ্যের মাধ্যমে আল্লাহ পরিষ্কারভাবে জানিয়ে দিয়েছেন, তাঁর তৈরি করে রাখা প্রোথ্রাম (কদর বা তাকদীর) তিনি মানুষকে জানিয়ে দিয়েছেন। আর ঐগুলো মানুষকে জানানোর জন্য তিনি তিন ধরনের ব্যবস্থা করেছেন।

ব্যবস্থা তিনটি হলো-

১. কিতাবের মাধ্যমে : কিতাবের মাধ্যমে মানুষের জীবনের সকল মৌলিক বিষয় (মৌলিক প্রোথ্রাম ও অন্যান্য মৌলিক বিষয়) জানিয়ে দিয়েছেন। আল্লাহর কিতাবের সর্বশেষ সংস্করণ হচ্ছে আল কুরআন।

মৌলিক বিষয় হলো কুরআনের মূল বিষয়গুলো। এর একটিও বাদ গেলে মানুষের পুরো জীবন সরাসরি ব্যর্থ হবে। অমৌলিক বিষয় হচ্ছে সেগুলো যার সবগুলো বাদ গেলেও মানুষের জীবন ব্যর্থ হবে না। তবে তাতে কিছু অপূর্ণতা থাকবে।

২. **সুন্নাহর মাধ্যমে** : নবী-রসূলগণের সুন্নায়ে আছে ইসলামের সকল মৌলিক ও অমৌলিক বিষয়। তবে সুন্নাহ (হাদীস) হলো কুরআনের ব্যাখ্যা। আর কুরআন না পড়ে শুধু পড়ে ইসলাম জানলে ব্যক্তি মুসলিম—

ক. ইসলামের মৌলিক ও অমৌলিক বিষয়ের মধ্যে পার্থক্য করতে পারবে না।

খ. জাল হাদীস ধরতে ব্যর্থ হবে।

৩. **চিন্তা-গবেষণার মাধ্যমে** : আল্লাহর তৈরি সকল প্রোগ্রাম বিস্তারিতভাবে কুরআন-সুন্নায়ে সরাসরি উল্লিখিত নেই। তবে তার সবগুলো আছে প্রকৃতিতে। কুরআনে থাকা আল্লাহর তৈরি প্রোগ্রামের কিছু উল্লেখিত আছে বিস্তারিতভাবে, কিছু সংক্ষিপ্তভাবে এবং কিছু ইঙ্গিত আকারে। তাই আল্লাহ তা'য়ালার কুরআন, সুন্নাহ ও Common sense/আকলের ভিত্তিতে চিন্তা-গবেষণা করে ঐ প্রোগ্রামগুলো আবিষ্কার (Discover) করে কাজে লাগানোর জন্য বার বার বলেছেন বা না করার জন্য তিরস্কার করেছেন।

ঐ গবেষণা তিনি কোনো কালের মানুষদের জন্য নির্দিষ্ট করেননি। তাই, ঐ গবেষণা চালিয়ে যেতে হবে সকল যুগের যোগ্য মানুষদের কিয়ামত পর্যন্ত। ঐ গবেষণা করতে হবে বিজ্ঞান ও ধর্মীয় সকল বিষয় নিয়ে।

আর ঐ গবেষণা দুইভাবে কল্যাণ বয়ে নিয়ে আসবে—

১. আবিষ্কার হওয়া বিষয়ের সরাসরি কল্যাণ।

২. কুরআনের সত্যতা প্রমাণিত হওয়ার কল্যাণ।

দ্বিতীয় কল্যাণের বিষয়টি কুরআন জানিয়েছে এভাবে—

سُرِّيهِمْ اِيْتِنَانِي الْاَفَاقِ وَفِيْ اَنْفُسِهِمْ حَتَّىٰ يَبَيِّنَ لَهُمْ اَنَّهٗ الْحَقُّ .....<sup>ط</sup>

শীঘ্রই তাদেরকে আমরা (অতাৎক্ষণিকভাবে) দিগন্তে এবং নিজেদের (শরীরের) মধ্যে থাকা আমাদের বৈজ্ঞানিক ও সাধারণ শিক্ষণীয় বিষয় দেখাতে থাকবো। যতক্ষণ না তাদের কাছে সুস্পষ্ট হয়ে উঠবে যে তা (কুরআনের সকল বক্তব্য) সত্য। (সূরা হা-মিম-আস-সিজদা/৪১ : ৫৩)

**ব্যাখ্যা** : দিগন্ত হলো, খালি চোখ এবং দূরবীক্ষণ যন্ত্রের মাধ্যমে মানুষের দৃষ্টি শক্তি যতদূর যায় ততদূর।

তাই এ আয়াতে বলা হয়েছে- খালি চোখ ও দূরবীক্ষণ যন্ত্রের মাধ্যমে মানুষের দৃষ্টিশক্তি যতদূর যায় ততদূর এবং খালি চোখ ও অণুবীক্ষণ যন্ত্রের মাধ্যমে মানুষের শরীরের মধ্যে আল্লাহর তৈরি বিভিন্ন বিষয় তাঁর তৈরি প্রোথাম অনুযায়ী গবেষণার মাধ্যমে ধীরে ধীরে আবিষ্কৃত হতে থাকবে। এ আবিষ্কারের মাধ্যমে একদিন কুরআনে থাকা সকল ইন্দ্রিয়গ্রাহ্য বিষয় সত্য প্রমাণিত হবে।

বাংলা ভাষাভাষীদের জন্য অতি সহজে এবং অল্প সময়ে  
কুরআন তিলাওয়াত শেখার এক যুগান্তকারী পদ্ধতি



কুরআন রিসার্চ ফাউন্ডেশন  
প্রকাশিত

সাধারণ  
কুরআন  
তিলাওয়াত  
শিক্ষা

যোগাযোগ : ০১৯৪৪ ৪১১৫৬০ অথবা ০১৯৪৪ ৪১১৫৫১

## কুরআন ও সুন্নাহ যে সব বিষয়ের প্রোগ্রাম উল্লিখিত আছে তার কয়েকটি

১. সৎ মানুষ তৈরির প্রোগ্রাম।
২. সুখী পরিবার তৈরির প্রোগ্রাম।
৩. স্বামী-স্ত্রীর মধ্যে মধুর সম্পর্ক গড়ার প্রোগ্রাম।
৪. সামাজিক সাম্য তৈরির প্রোগ্রাম।
৫. সুখী সমাজ তৈরির প্রোগ্রাম।
৬. দারিদ্র্য দূরীকরণের প্রোগ্রাম।
৭. কল্যাণ রাষ্ট্র প্রতিষ্ঠার প্রোগ্রাম।
৮. সৎ নেতৃত্ব প্রতিষ্ঠার প্রোগ্রাম।
৯. সমাজ থেকে চুরি, ডাকাতি, সন্ত্রাস ইত্যাদি নির্মূলের প্রোগ্রাম।
১০. যুদ্ধ জয়/পরাজয়ের প্রোগ্রাম।
১১. রাষ্ট্র পরিচালনার প্রোগ্রাম।
১২. পারস্পরিক মধুর সম্পর্ক গঠনের প্রোগ্রাম।
১৩. ব্যবসা-বাণিজ্য করার প্রোগ্রাম।
১৪. অর্থনৈতিক কর্মকাণ্ড পরিচালনার প্রোগ্রাম।
১৫. পরকালে সুখে-শান্তিতে থাকার প্রোগ্রাম।
১৬. পরকালে অশান্তিতে থাকার প্রোগ্রাম।
১৭. শরীর-স্বাস্থ্য গঠনের প্রোগ্রাম।
১৮. যুদ্ধের বিভিন্ন পদ্ধতির প্রোগ্রাম।
১৯. মহাকাশ অভিযানের প্রোগ্রাম।
২০. রোগ প্রতিরোধের প্রোগ্রাম।
২১. HIV ও AIDS থেকে বাঁচার প্রোগ্রাম।
২২. পোশাক-পরিচ্ছদের প্রোগ্রাম।

**আল্লাহর ইচ্ছা, অনুমতি, মনে মোহর মেরে দেওয়া ধরনের কথার প্রকৃত ব্যাখ্যা এতদিন উদ্ঘাটিত না হওয়ার মূল কারণ** তাকদীর সম্পর্কিত উল্লিখিত বিষয়গুলো বোঝা/উদ্ভাবন করা সহজ বা তেমন কঠিন নয়। এরপরও আল্লাহর ইচ্ছা, অনুমতি, মনে মোহর মেরে দেওয়া ইত্যাদি কথার প্রকৃত ব্যাখ্যা এতদিন উদ্ঘাটিত না হওয়ার মূল কারণ হলো—

১. কুরআনের জ্ঞানার্জন বা ব্যাখ্যা করার প্রচলিত মূলনীতি।
২. কুরআন গবেষণার বিষয়ে চালু থাকা কথা।

### ১. কুরআনের জ্ঞানার্জন বা ব্যাখ্যা করার প্রচলিত মূলনীতি

চলুন কুরআন ব্যাখ্যার প্রচলিত মূলনীতি জানা যাক। এ মূলনীতি সারা মুসলিম বিশ্বে শেখানো হয়।

#### সূত্র-১

কান্জুল উসূল ইলা মা'রিফাতিল উসূল, উসূলি ফিকাহ লি আবু হুরায়রা ও আল মিলাল ওয়ান নিহাল

শাহ ওয়ালী উল্লাহ মুহাদ্দিস দেহলবী রহ. ইমাম বাগাবী রহ.-এর সূত্রে বর্ণনা করেন— যার মধ্যে নিম্নোল্লিখিত শর্তগুলোর **একটিও** কম থাকবে, তার জন্য কোনো মুজতাহিদ ইমামের **তাকলীদ** করা ছাড়া অন্য পথ নেই—

১. কুরআনের সকল আয়াত নাযিল হওয়ার সময়কালের জ্ঞান।
২. নাসিখ-মানসুখ সম্পর্কিত জ্ঞান।
৩. মুজমাল (সংক্ষিপ্ত) আয়াতসমূহ জানা।
৪. মুতাশাবিহ আয়াতসমূহ জানা।
৫. পুরো কুরআনের ব্যাখ্যায় রসূল স.-এর রেখে যাওয়া প্রায় বারো লক্ষ হাদীস সনদের ভিন্নতাসহ জানা আবশ্যিক। কমপক্ষে যে সকল হাদীস দিয়ে শরিয়তের বিধি-বিধান সাব্যস্ত হয় সেসব হাদীস সনদ, মতন ও রাবীদের জীবন ইতিহাসসহ মুখস্ত থাকা।
৬. আরবী ভাষা সম্পর্কে দক্ষ ও অভিজ্ঞ হওয়া।

৭. আল্লাহ তা'য়ালার পক্ষ থেকে বুদ্ধিমত্তা ও অন্তর্দৃষ্টি দিয়ে বিশেষভাবে ভূষিত হয়ে অত্যধিক স্মরণশক্তি ও জ্ঞান সম্পন্ন হওয়া।
৮. ইজতিহাদ ও মাসআলা চয়নের প্রক্রিয়া সমূহের ওপর পরিপূর্ণ জ্ঞান রাখা।<sup>১</sup>

## সূত্র-২

### মাবাহিস ফী উলুমিল কুরআন

গ্রন্থটিতে কুরআন ব্যাখ্যার মূলনীতি হিসেবে ১৫টি বিষয় উল্লেখ করা হয়েছে। বিষয়গুলো হলো-

১. সহীহ আকীদার অধিকারী হওয়া।
২. প্রবৃত্তির অনুগামী না হওয়া।
৩. ইলমুত তাওহীদ জানা।
৪. কুরআনের ব্যাখ্যা কুরআন দিয়ে করা।
৫. কুরআনের ব্যাখ্যা কুরআনে না পাওয়া গেলে রসূলুল্লাহ স.-এর সুন্নাত দিয়ে ব্যাখ্যা করা।
৬. কুরআন, সুন্নায় স্পষ্ট ব্যাখ্যা না থাকলে সাহাবা রা.-এর বক্তব্য দিয়ে ব্যাখ্যা করা।
৭. কুরআন, সুন্নাহ ও সাহাবা রা.-এর বক্তব্য না পাওয়া গেলে তাবেয়ীদের বক্তব্য দিয়ে তাফসীর করা।
৮. আরবী ভাষাতত্ত্বের পণ্ডিত হওয়া।
৯. ইসলামী আইন তত্ত্ব সম্পর্কে জ্ঞান রাখা।
১০. শানে নুয়ুল জানা।
১১. নাসেখ মানসুখ সম্পর্কে জ্ঞান রাখা।
১২. মুহকামাত-মুতাশাহিবাৎ সম্পর্কে জ্ঞান রাখা।
১৩. ইলমুল কিরআত জানা।
১৪. কুরআনের সাথে সম্পর্কিত প্রভৃতি মৌলিক বিষয়ের জ্ঞান থাকা।
১৫. একই বিষয়ে একাধিক বক্তব্য থাকলে একটির ওপর অন্যটির অগ্রাধিকার দেওয়ার জ্ঞান থাকা তথা একাধিক অর্থ থেকে একটিকে প্রাধান্য দেওয়ার সূক্ষ্ম জ্ঞান থাকা।<sup>২</sup>

১. ১. কান্জুল উসূল ইলা মারিফাতিল উসূল-২৭০ (উসূলুল বাযদুভী), ২. উসূলি ফিকাহ লি আবু হুরায়রা-২৩৬, ৩. আল মিলাল ওয়ান নিহাল-১/২০০, মিশরী ছাপা

২. মান্না আল-ক্বাতান, মাবাহিস ফী উলুমিল কুরআন (বৈরুত : মাকতাবাতুল মাআরিফ, ১৪২১ হি.), পৃ. ৩৪০।

## সূত্র-৩

### আল-ইতক্বান ফী উলুমিল কুরআন

ইমাম আস-সূফী রহ.-এর মতে, তাফসীরের শর্ত নিম্নরূপ-

১. সহীহ আকীদা।
২. সহীহ নিয়্যত।
৩. নবীর সুন্নাহ ও সাহাবাদের কর্মপদ্ধতির ধারণা।
৪. আরবী ভাষার জ্ঞান ও শৈলী।
৫. শানে নুযুল।
৬. কুরআনের একত্রায়ন ও তারতীব।
৭. মাক্কী মাদানী সুরা।
৮. নাসিখ-মানসূখ।
৯. মুহকাম-মুতাশাবিহ।
১০. উসূলে হাদীসের জ্ঞান।
১১. উসূলে ফিকহের জ্ঞান, ইত্যাদি।<sup>৩</sup>

## সূত্র-৪

### মাজহাবু আহলুস সুন্নাহ ফী তাফসীর

আহমাদ বাবায়ী আদ-দাওয়ী রহ.-এর মতে, তাফসীরের শর্ত নিম্নরূপ-

১. আরবী ভাষা- ইলমুন নাহু, ইলমুস সরফ, ইলমুল ইশতিক্বাক, ইলমুল বালাগাত, ইলমুল কিরাআত।
২. উসুলুদ্দীন- কুরআনের আয়াত থেকে হালাল হারাম বের করার যোগ্যতা।
৩. উসুলুল ফিকহ।
৪. শানে নযুল ও ক্বাসাস।
৫. নাসিখ-মানসূখ।
৬. হাদীসের জ্ঞান ও হাদীসের ইমাম হওয়া।
৭. আধুনিক চিন্তাশীল ব্যক্তিত্ব।
৮. সামাজিক, অর্থনৈতিক ও রাজনৈতিক জ্ঞান থাকা।
৯. আধুনিক যুগের বিভিন্ন সমস্যা সম্পর্কে জ্ঞান থাকা, ইত্যাদি।<sup>৪</sup>

সম্মিলিত শিক্ষা : নবী-রাসুল ভিন্ন অন্যকোনো মানুষের উল্লিখিত মূলনীতিসমূহের জ্ঞান বা যোগ্যতা থাকা সম্ভব নয়। অর্থাৎ উল্লিখিত

---

৩. আস-সূফী, আল-ইতক্বান ফী উলুমিল কুরআন (মিশর : আল-হাইআতুল মিসরিয়্যাহ আল-আম্মাতুল লিল কিতাব, ১৯৭৪ খ্রি.), খ. ৪, পৃ. ২০০-৩০০

৪. আহমাদ বাবায়ী আদ-দাওয়ী, মাজহাবু আহলুস সুন্নাহ ফী তাফসীর, পৃ. ৫-৭।

মূলনীতিসমূহের জ্ঞান ব্যবহার করে কুরআনের তাফসীর করার মতো কোনো মানুষ পৃথিবীতে নেই। তাছাড়া মূলনীতিগুলোর কয়েকটি কুরআন ও সুন্নাহর সরাসরি বিপরীত (পরে আসছে)। আবার কুরআন ও সুন্নাহর সরাসরি উল্লিখিত কয়েকটি মূলনীতি এ-গুলোর মধ্যে নেই।

## ২. কুরআন গবেষণার বিষয়ে চালু থাকা কথা

এবার চলুন কুরআন গবেষণার বিষয়ে মুসলিম বিশ্বে ব্যাপকভাবে চালু থাকা কথা জানা যাক—

### গ্রন্থ-১

হিজরী সপ্তম শতকের প্রারম্ভ থেকে খালিস তাকলীদের (অন্ধ-অনুসরণ) যুগের সূচনা হয়। এ যুগে ইজতিহাদ (গবেষণা) করার মতো যোগ্যতাসম্পন্ন লোক না থাকার কারণে ইজতিহাদ প্রক্রিয়া প্রায় থেমে যায়। ফলে উলামায়ে কিরাম ও সাধারণ মানুষ সকলেই তাকলীদ করতে আরম্ভ করে।

এমনকি মাস'আলার ব্যাখ্যা ও অনুশীলনেরও এখন খুব বেশি প্রয়োজন হয় না। কেননা, ৪র্থ যুগ ও ৫ম যুগের (তৃতীয় হি. শতক থেকে ষষ্ঠ হি. শতকের শেষ পর্যন্ত) ফকীহগণ এমন একটি পূর্ণাঙ্গ ফিকাহশাস্ত্র বা ইসলামী আইনশাস্ত্র তৈরি করে গেছেন যাতে মানব জীবনের প্রত্যেকটি সমস্যার সমাধান রয়েছে।

আমাদের চোখে সমস্যা যত নতুন বলেই দৃষ্ট হোক না কেন তার সমাধান ফুকাহে কিরামের কিতাবসমূহে রয়েছে। সেখানে হয় ঐ সমস্যার সুনির্দিষ্ট সমাধান রয়েছে অথবা তা সমাধানের মূলনীতি উল্লিখিত আছে। সে যুগের (ষষ্ঠ হিজরী শতকের শেষ পর্যন্ত বিস্তৃত যুগ) কিতাবসমূহে এমন সমস্যারও সমাধান রয়েছে যা বাস্তবে এখনো ঘটেনি।

সেখানে এত খুঁটিনাটি সমস্যারও সমাধান রয়েছে যা এখন অলীক বা কল্পনা বলে মনে হয়। তবে কালের বিবর্তনে হয়তো কোনো এক সময়ে সেগুলোর উদ্ভব হবে। তখন সেগুলোর সমাধান ঐ পুরাতন কিতাবেই পাওয়া যাবে। নতুন ইজতিহাদের প্রয়োজন হবে না।

বিস্তৃত এটি হচ্ছে ইসলামের মু'জিজা বা শান যা (  $إِنَّا نَحْنُ نَزَّلْنَا الذِّكْرَ وَإِنَّا لَهُ$  ) নিশ্চয় আমরাই যিকুর (কুরআন) অবতীর্ণ করেছি এবং নিশ্চয় আমরা এর সংরক্ষণকারী (সুরা হিজর/১৫ : ৯) ঘোষণার বাস্তব প্রতিফলন। অতএব এখন ইজতিহাদ (গবেষণা) করার অর্থ হলো জ্ঞাত বিষয়কে জানার জন্য অযথা চেষ্টা করে সময় ও শক্তির অপচয় করা।

হ্যাঁ, যদি এমন কোনো সমস্যার উদ্ভব হয় যার সমাধানের উপলক্ষ্য সে যুগের কিতাবসমূহে নেই এবং সেখানে এর মূলনীতিও উল্লেখ নেই তবে অবশ্যই ইজতিহাদ (গবেষণা) করতে হবে। এরূপ ক্ষেত্রে ইজতিহাদের দরজা চিরকালই খোলা আছে এবং থাকবে। এতে কারো কোনো মতভেদ নেই। তবে তা মাযহাব চতুষ্টয়ের নির্ধারিত মূলনীতির ভিত্তিতেই করতে হবে। মোদ্দা কথা হলো— ইসলামে যেমন ইজতিহাদের দ্বার অবরুদ্ধ নয় তেমনি বন্ধাহীন ইজতিহাদেরও কোনো সুযোগ নেই।

এ যুগে কয়েকজন বিশিষ্ট আলিমই দরজায়ে ইজতিহাদে (গবেষণা করার মানে) পৌঁছেছিল। তবে তা ছিল এ যুগের প্রথমার্ধের দিকে। যেমন— আল্লামা কামাল ইব্ন হুমাম রহ., আল্লামা জালালুদ্দিন সুয়ুতী রহ., আল্লামা ইব্ন তায়মিয়া রহ., আল্লামা ইব্ন কায়্যিম রহ. প্রমুখ।

(ফিকহে হানাফীর ইতিহাস ও দর্শন, ইসলামিক ফাউন্ডেশন বাংলাদেশ- ১ম প্রকাশ জুন ২০০৪, পৃষ্ঠা-৭৯; প্রকাশক- ড. আ. ন. ম. আবদুর রহমান, পরিচালক, গবেষণা বিভাগ, ইসলামিক ফাউন্ডেশন বাংলাদেশ)

#### লেখকমণ্ডলী—

১. মাওলানা মুহাম্মাদ ইসহাক ফরীদী
২. মাওলানা এ. এম. এম. সিরাজুল ইসলাম
৩. ড. মাওলানা মহফুজুর রহমান
৪. মাওলানা আ.ব.ম. সাইফুল ইসলাম
৫. মাওলানা মুহাম্মাদ মুসা।
৬. মাওলানা যাইনুল আবেদীন
৭. মাওলানা কাজী আবু হোরয়া
৮. ড. মাওলানা মুহাম্মাদ আবদুল হক
৯. ড. মাওলানা মুশতাক আহমদ
১০. মোঃ এবদুল্লাহ।

#### সম্পাদকমণ্ডলী—

১. মাওলানা মুহিউদ্দিন খান
২. মাওলানা যাইনুল আবেদীন
৩. মাওলানা মুহাম্মাদ ইসহাক ফরীদী
৪. মাওলানা আ.ব.ম. সাইফুল ইসলাম
৫. মাওলানা মুহাম্মাদ আবু সুফিয়ান যাকী।

## গ্রন্থ-২

১ম ও ২য় যুগের মুজতাহিদগণ (গবেষকগণ) এমন একটি পূর্ণাঙ্গ ফিকাহশাস্ত্র দান করিয়া গিয়াছেন যাহাতে মানব জীবনের প্রত্যেকটি সমস্যারই সমাধান রহিয়াছে। ... .. অতএব এখন ইজতিহাদ (গবেষণা/কিয়াস) করার অর্থ জ্ঞাত বিষয়কে জানার চেষ্টা করিয়া সময় ও শক্তির অপচয় ব্যতীত অন্যকিছু হইবে না।

(হেদায়া, আরাফাত পাবলিকেশন্স, ২য় প্রকাশের পুনর্মুদ্রণ, মে ২০০৫ ইং, পৃষ্ঠা-৫২, কওমী এবং আলীয়া মাদ্রাসার পাঠ্যবই)

মূল লেখক : বোরহান উদ্দিন আল মারগানানী (৫১১ হি.- ৫৯৩ হি.)।

## গ্রন্থ-৩ ও ৪

৭ম স্তরের (ইমাম বুখারী, আওয়ামী, সাওরী ইত্যাদি ব্যক্তিবর্গের চেয়ে নিম্ন মানের) আলেমগণের মাসয়ালার মধ্যে পার্থক্য করার ক্ষমতা নাই। ভালো-মন্দের পার্থক্য করার মত যোগ্যতা তাঁদের নাই। তাঁহারা শুধু মাসয়ালার শিক্ষা করিয়া থাকেন। (কুরআন, হাদীস গবেষণা করে) ফতোয়া (সিদ্ধান্ত) দেওয়া তাদের জন্য জায়েয নাই। তাঁহারা শুধু (প্রচলিত ফিকাহশাস্ত্র মুখস্থ করে) ইতিহাসের মতো মাসয়ালার বর্ণনা করিতে পারিবেন।

(হেদায়া, আরাফাত পাবলিকেশন্স, ২য় প্রকাশের পুনর্মুদ্রণ, মে ২০০৫ ইং, পৃষ্ঠা-৫২, ফাজিল ক্লাসের পাঠ্য বই এবং মুসলিম ব্যক্তিগত আইন, পৃ-২৩)

**সম্মিলিত শিক্ষা :** ফিকহে হানাফীর ইতিহাস ও দর্শন এবং ইসলামী শিক্ষার চালু থাকা গ্রন্থগুলোর তথ্য থেকে স্পষ্টভাবে জানা যায়— ৬ষ্ঠ হিজরী শতকের শেষ হতে মৌলিক গবেষণা সময় শক্তির অপচয় তথা হারাম।

**\*\*** কুরআন ব্যাখ্যার প্রচলিত মূলনীতি এবং কুরআন ও হাদীস নিয়ে গবেষণার বিষয়ে চালু থাকা উল্লিখিতসহ আরও অনেক কথাই হলো আল্লাহর ইচ্ছাসহ ইসলামের অনেক মৌলিক বিষয়ে মারাত্মক অসতর্ক কথা মুসলিম বিশ্বে চালু হওয়া ও থাকার মূল কারণ।

## কুরআন জানা, বোঝা বা ব্যাখ্যার কুরআন রিসার্চ ফাউন্ডেশন উদ্ভাবিত (Discovered) মূলনীতি

কুরআন ও হাদীসের সরাসরি তথ্য থেকে কুরআন জানা, বোঝা বা ব্যাখ্যার যে ১০টি মূলনীতি কুরআন রিসার্চ ফাউন্ডেশন উদ্ভাবন করেছে সেগুলো-

১. খুব সহজ।
২. মনে রাখা ও প্রয়োগ করা সহজ।
৩. প্রয়োগ করলে ভুল ব্যাখ্যা করা অসম্ভব।
৪. ১ নম্বরটিসহ কয়েকটি উল্লিখিত তালিকায় নেই।
৫. ১ নম্বরটিসহ কয়েকটির বিপরীত তথ্য উল্লিখিত তালিকায় আছে।

মূলনীতি ১০টি হলো-

১. কুরআনে পরস্পরবিরোধী বক্তব্য নেই।
২. একই বিষয়ের সকল আয়াত পাশাপাশি রেখে পর্যালোচনা করে চূড়ান্ত সিদ্ধান্ত গ্রহণ।
৩. কুরআনের সর্বোত্তম ব্যাখ্যা কুরআন।
৪. কুরআন বিরোধী বক্তব্য যে গ্রন্থেই থাকুক তা মিথ্যা।
৫. সত্য উদাহরণকে আল্লাহর কাছ থেকে আসা সত্য শিক্ষার মর্যাদা দেওয়া।
৬. একাধিক অর্থবোধক আয়াতের ব্যাখ্যা করার সময় উৎকর্ষিত আকল/  
Common sense/বিবেকের রায় বা বিজ্ঞানের সঠিক তথ্যের সাথে মেলানোর চেষ্টা করা।
৭. কুরআনে শিক্ষা রহিত (মানসুখ) কোনো আয়াত নেই।
৮. খুঁটিনাটি/অমৌলিক বিষয়কে গুরুত্ব না দেওয়া।
৯. কয়েক বছর পরপর অনুবাদ বা ব্যাখ্যার সংস্করণ বের করা।
১০. আরবী ভাষা ও ব্যাকরণের জ্ঞান।

আরবী ভাষা ও ব্যাকরণের জ্ঞানের সাথে অন্য ৯টি মূলনীতির সম্পর্কের  
অবস্থান হলো-

### অবস্থান-১

আরবী ভাষা ও ব্যাকরণের ভালো জ্ঞান না থাকলে কুরআনের অর্থ করা সম্ভব নয়।

### অবস্থান-২

আরবী ভাষা ও ব্যাকরণের পণ্ডিত ব্যক্তিও কুরআনের অর্থ ও ব্যাখ্যা বুঝতে অনেক মৌলিক ভুল করবেন যদি তিনি ওপরে বর্ণিত ৯টি মূলনীতি খেয়ালে না রাখেন বা ব্যবহার করতে না পারেন।

### অবস্থান-৩

আরবী ভাষা ও ব্যাকরণের জ্ঞান না থাকা ব্যক্তিও কুরআনের অনুবাদ পড়ে সেখানকার ভুল থেকে (যদি থাকে) নিজেকে বাঁচিয়ে কুরআনের ভালো জ্ঞানার্জন করতে পারবেন যদি তিনি ওপরে বর্ণিত ৯টি মূলনীতি খেয়াল রাখেন বা ব্যবহার করতে পারেন।

### অবস্থান-৪

আরবী ভাষা ও ব্যাকরণের কিছু জ্ঞান (আরবী থেকে অন্য ভাষার অভিধান দেখার মতো জ্ঞান) থাকা ব্যক্তি কুরআনের অর্থ ও তাফসীরের অনুবাদ গ্রন্থ সম্পাদনা করে কুরআনের ভালো অর্থ ও তাফসীরগ্রন্থ রচনা করতে পারবেন যদি তিনি ওপরের ৯টি মূলনীতি খেয়াল রাখেন বা ব্যবহার করতে পারেন।

### অবস্থান-৫

কুরআন সবচেয়ে ভালো বুঝতে পারবেন সেই ব্যক্তি যার ওপরে বর্ণিত ৯টি মূলনীতি খেয়ালে আছে বা ব্যবহার করার যোগ্যতা আছে এবং আরবী ভাষা ও ব্যাকরণেরও ভালো জ্ঞান আছে।

**\*\*** আমাদের জানা মতে কুরআন সবচেয়ে ভালো বুঝতে, বুঝাতে, অনুবাদ ও ব্যাখ্যা করতে পারার মতো কোনো ব্যক্তি বর্তমান মুসলিম বিশ্বে নেই। মুসলিম বিশ্বে এ যোগ্যতাসম্পন্ন মানুষ তৈরি করার জন্য তাদের শিক্ষা ব্যবস্থার ব্যাপক সংস্কার করতে হবে।

## শেষ কথা

কুরআন ও হাদীসে অসংখ্য বার উল্লিখিত একটি তথ্য হলো- আল্লাহর ইচ্ছা, অনুমতি বা অদেশে মহাবিশ্বের সব কিছু সংঘটিত হয়। এ তথ্য নিয়ে নিজ মনে বা অপরের প্রশ্নবাণে যে দ্বিধাদ্বন্দ্ব বা অশান্তিতে পড়তে হয় তা নিরসনে পুস্তিকাটি ভূমিকা রাখতে পারবে বলে আমাদের দৃঢ় বিশ্বাস।

এভাবে যদি আমরা আবার কুরআন ও সুন্নাহ নিয়ে গবেষণা শুরু করতে ও কিয়ামত পর্যন্ত চালিয়ে যেতে পারি তবে একদিকে কুরআন-সুন্নাহর ওপর মানুষের বিশ্বাস দৃঢ় থেকে দৃঢ়তর হতে থাকবে। অন্যদিকে মুসলিম জাতি ও মানবতার মহা কল্যাণ হবে। আল্লাহ মুসলিম জাতিকে এ তৌফিক ও সওগাত দান করুন। আমিন!

ভুল-ত্রুটি থাকাই স্বাভাবিক। গঠনমূলকভাবে তা শুধরিয়ে দিলে আমরা সকলে কল্যাণপ্রাপ্ত হবো। আপনাদের সকলের কাছে দোয়া চেয়ে শেষ করছি। আল্লাহ হাফেজ!

## সমাপ্ত

# কুরআন রিসার্চ ফাউন্ডেশনের অন্যান্য প্রকাশনা

১. আল কুরআন, যুগের জ্ঞানের আলোকে অনুবাদ ও মৌলিক তাফসীর (আরবী-বাংলা)
২. আল কুরআন, যুগের জ্ঞানের আলোকে অনুবাদ ও মৌলিক তাফসীর (শুধু বাংলা)
৩. সনদ ও মতন সহীহ হাদীস সংকলন, ১ম খণ্ড (আরবী-বাংলা)
৪. সনদ ও মতন সহীহ হাদীস সংকলন, ১ম খণ্ড (শুধু বাংলা)
৫. শতবার্তা (পকেট কণিকা : আমাদের গবেষণা সিরিজগুলোর মূল শিক্ষাসমূহ)
৬. আল কুরআনে বহুল ব্যবহৃত ২০০ শব্দের সংক্ষিপ্ত অভিধান
৭. কুরআনিক আরবী গ্রামার, ১ম খণ্ড
৮. সাধারণ কুরআন তিলাওয়াত শিক্ষা

## গবেষণা সিরিজের বইসমূহ

১. মানুষ সৃষ্টির উদ্দেশ্য ও পাথেয় প্রচলিত ধারণা ও সঠিক তথ্য
২. মুহাম্মাদ স.-কে প্রেরণের উদ্দেশ্য এবং তাঁর সঠিক অনুসরণ বোঝার মাপকাঠি
৩. সালাত কেন আজ ব্যর্থ হচ্ছে?
৪. মু'মিনের এক নম্বর কাজ এবং শয়তানের এক নম্বর কাজ
৫. মু'মিনের আমল কবুলের শর্ত প্রচলিত ধারণা ও সঠিক তথ্য
৬. ইসলামী জীবনবিধানে Common Sense-এর গুরুত্ব
৭. ইচ্ছাকৃতভাবে না বুঝে কুরআন পড়া গুনাহ না সওয়াব?
৮. আমলের গুরুত্বভিত্তিক শ্রেণিবিভাগ ও তালিকা জানার সহজতম উপায়
৯. কুরআনের সাথে ওজু-গোসলের সম্পর্ক প্রচলিত ধারণা ও সঠিক তথ্য
১০. আল কুরআনের পঠন পদ্ধতি প্রচলিত সুর, না আবৃত্তির সুর?
১১. যুক্তিসংগত ও কল্যাণকর আইন কোন্টি এবং কেন?
১২. কুরআন, সুন্নাহ ও Common Sense ব্যবহার করে নির্ভুল জ্ঞানার্জনের প্রবাহচিত্র (নীতিমালা)
১৩. ইসলামী জীবনবিধানে বিজ্ঞানের গুরুত্ব কতটুকু এবং কেন?
১৪. ঈমান, মু'মিন, মুসলিম ও কাফির প্রচলিত ধারণা ও সঠিক চিত্র
১৫. ঈমান থাকলেই জান্নাত পাওয়া যাবে বর্ণনা সংবলিত হাদীসের গ্রহণযোগ্যতা
১৬. শাফায়াতের মাধ্যমে জাহান্নাম থেকে মুক্তি পাওয়া যাবে কি?
১৭. তাকদীর (ভাগ্য!) পূর্ব নির্ধারিত তথ্যটির প্রচলিত ও প্রকৃত ব্যাখ্যা
১৮. সাওয়াব ও গুনাহ মাপার পদ্ধতি প্রচলিত ধারণা ও সঠিক চিত্র

১৯. প্রচলিত হাদীসশাস্ত্রে সহীহ হাদীস বলতে নির্ভুল হাদীস বুঝায় কি?
২০. কবীরা গুনাহসহ মৃত্যুবরণকারী মু'মিন জাহান্নাম থেকে মুক্তি পাবে কি?
২১. অন্ধ অনুসরণ সকলের জন্য কুফরী বা শিরক নয় কি?
২২. গুনাহ সংজ্ঞা ও শ্রেণিবিভাগ প্রচলিত ধারণা ও সঠিক চিত্র
২৩. অমুসলিম পরিবারে মু'মিন ও জান্নাতী ব্যক্তি আছে কি না
২৪. আল্লাহর ইচ্ছা, অনুমতি, মনে মোহর মেরে দেওয়া কথাগুলোর প্রচলিত ও প্রকৃত ব্যাখ্যা
২৫. যিক্র প্রচলিত ধারণা ও সঠিক চিত্র
২৬. কুরআনের অর্থ ও ব্যাখ্যা (তাফসীর) করার প্রকৃত নীতিমালা
২৭. মৃত্যুর সময় ও কারণ পূর্ব নির্ধারিত তথ্যটির প্রচলিত ও প্রকৃত ব্যাখ্যা
২৮. সবচেয়ে বড়ো গুনাহ শিরক করা না কুরআনের জ্ঞান না থাকা?
২৯. ইসলামী জীবনব্যবস্থায় বক্তব্য বা ওয়াজ-নসীহত উপস্থাপনের নীতিমালা
৩০. মুসলিম জাতি এবং বিশ্বমানবতার মূলশিক্ষায় ভুল ঢোকানোর গভীর ষড়যন্ত্র
৩১. 'আল কুরআনে শিক্ষা রহিত (মানসুখ) আয়াত আছে' কথাটি কি সঠিক?
৩২. আল কুরআনের অর্থ (তরজমা) বা ব্যাখ্যা (তাফসীর) পড়ে সঠিক জ্ঞান লাভের নীতিমালা
৩৩. প্রচলিত ফিক্‌হছের সংস্করণ বের করা অতীব গুরুত্বপূর্ণ বিষয় নয় কি?
৩৪. কুরআনের অর্থ ও ব্যাখ্যা জানা-বোঝার সহায়ক বিষয় হিসেবে ব্যাকরণ, অনুবাদ, উদাহরণ, আকল ও সাধনার গুরুত্ব
৩৫. পৃথিবীর শ্রেষ্ঠতম ব্যক্তির একমাত্র হাজ্জের ভাষণ যুগের জ্ঞানের ভিত্তিতে অনুবাদ ও শিক্ষা
৩৬. মানব শরীরে 'ক্বলব'-এর অবস্থান প্রচলিত ধারণা ও সঠিক তথ্য
৩৭. তাওবা কবুল হওয়ার শেষ সময় প্রচলিত ধারণা ও সঠিক তথ্য
৩৮. ইবলিস ও তার দোসরদের ষড়যন্ত্রের কবলে জ্ঞানের ইসলামী উৎস ও নীতিমালা
৩৯. আসমানি গ্রন্থে উল্লিখিত মানবতাবিরোধী গভীর ষড়যন্ত্রের জীবন্তিকা
৪০. আল্লাহর সাথে কথা বলে জ্ঞান ও দিকনির্দেশনা পাওয়ার পদ্ধতি
৪১. তাকওয়া ও মুত্তাকী প্রচলিত ধারণা ও সঠিক তথ্য
৪২. জ্ঞানের আল্লাহ প্রদত্ত উৎসসমূহ প্রচলিত ধারণা ও প্রকৃত তথ্য
৪৩. হারাম ও হালাল খাদ্য তালিকা সম্পর্কে কুরআন ও হাদীসের সরাসরি তথ্য

## প্রাপ্তিস্থান


- কুরআন রিসার্চ ফাউন্ডেশন  
ইনস্যাফ বারাকাহ কিডনী এন্ড জেনারেল হাসপাতাল (৮ম তলা)  
১১, শহীদ তাজউদ্দীন আহমদ সরণি, মগবাজার, ঢাকা।  
ফোন : ০১৯৪৪৪১১৫৬০, ০১৯৭৭৩০১৫১১, ০১৯৭৯৪৭৪৬১৭
- অনলাইনে অর্ডার করতে : [www.shop.qrfd.org](http://www.shop.qrfd.org) এবং  
<https://www.facebook.com/QuranResearchFoundation/>
- দি বারাকাহ জেনারেল হাসপাতাল  
৯৩৭, আউটার সার্কুলার রোড, রাজারবাগ, ঢাকা।  
ফোন : ০২-৯৩৩৭৫৩৪, ০২-৯৩৪৬২৬৫, ০১৭৫২৭৭০৫৩৬
- ইউকা ক্যাম্পাস  
বাড়ি : ১২, রোড : এভিনিউ-৮, ব্লক : এম, বনশ্রী, ঢাকা-১২১৯।  
ফোন : ০২২২৪৪০৫৮২৮, ০১৭৫৫ ৩০৯৯০৭, ০১৪০৭ ০৬৩৪৩১

## এছাড়াও পাওয়া যায়-

- রকমারি ডট কম : [www.rokomari.com](http://www.rokomari.com)
- আহসান পাবলিকেশন্স, কম্পিউটার মার্কেট নিচতলা, বাংলা বাজার,  
ঢাকা, ০১৭২৮১১২২০০
- প্রফেসর'স বুক কর্নার, ওয়ারলেস রেলগেট, মগবাজার, ০১৭১৬৬৭৭৭৫৪
- কাটাবন বইঘর, মসজিদ মার্কেট, কাটাবন, ০১৭১১৫৮৩৪৩১
- আজমাইন পাবলিকেশন্স, মসজিদ মার্কেট, কাটাবন, ০১৭৫০০৩৬৭৯৩
- দিশারী বুক হাউস, ইসলামীয়া মার্কেট, নীলক্ষেত, ০১৮২২১৫৮৪৪০
- কিউআরএফ রাজশাহী অফিস : হোল্ডিং নং- ১৬৮/১, ওয়ার্ড নং- ৮,  
সিপাইপাড়া, মেডিকেল কলেজ রোড, রাজপাড়া, রাজশাহী।  
০১৭১২৭৮৬৪১১
- ইসলামিয়া লাইব্রেরী, সাহেব বাজার, রাজশাহী, ০১৫৫৪-৪৮৩১৯৩
- কিউআরএফ বগুড়া অফিস : নুর ভিলা, হাউস নং-১৯, হোল্ডিং নং-  
৯৯৪, ওয়ার্ড নং-১২, ঠনঠনিয়া পশ্চিমপাড়া, বগুড়া সদর, বগুড়া-  
৫৮০০। ০১৭১৪৫৬৬৮৯৯, ০১৭১৪৭০৯৯৮০, ১৩০০০৯০৮৬২
- কিউআরএফ খুলনা অফিস : ৩২/২ হাজী মহসিন রোড, খুলনা।  
০১৯৭৭৩০১৫০৬, ০১৯৭৭৩০১৫০৯
- বই ঘর, মৌলভীবাজার, মোবাইল : ০১৭১৩৮৬৪২০৮







## আল কুরআনে বহুল ব্যবহৃত ২০০ শব্দের সংক্ষিপ্ত অভিধান

যা কুরআনের মোট শব্দ সংখ্যার  
প্রায় দুই-তৃতীয়াংশ

কুরআন পড়তে কুরআন বুঝতে  
সাথে রাখুন সবসময়...

যোগাযোগ : ০১৯৪৪ ৪১১৫৬০ অথবা ০১৯৪৪ ৪১১৫৫১

বিশ্বমানবতার বর্তমান অধঃপতনের মূল কারণ ও প্রতিকার  
এবং জীবন ঘনিষ্ঠ ইসলামের মৌলিক বিষয়ের  
সঠিক তথ্য জানতে সংগ্রহ করুন

## মুসলিমদের হারিয়ে যাওয়া মৌলিক শতবার্তা



মুসলিম জাতির হারিয়ে যাওয়া  
জীবন ঘনিষ্ঠ মৌলিক একশত বার্তা  
ও কুরআন রিসার্চ ফাউন্ডেশন-এর  
গবেষণা সিরিজগুলোর  
মূল শিক্ষাসমূহ সংক্ষেপে ও সহজে  
উপস্থাপিত হয়েছে এ বইয়ে।

যোগাযোগ : ০১৯৪৪ ৪১১৫৬০ অথবা ০১৯৪৪ ৪১১৫৫১